


Литература Дагестан

16+

Гъалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ



ШАЛАТИ ПИКРУМАЛА АДАМ



Апрельла 25-личив даймлис нушачивад арякъун пагъмучевси поэт ва журналист Айдимир Каймаров. Хъалибаргla пергер дудеш, бахъал юлдашунала марси гълмагъ, Сергоқъалала районна хурматла адамтазивад ца.

Урибси масхарачи, юморист, сатирик, шалати пикрумала ва сахаватси уркIила вегI адам сайри ил. Пана дунъялизир де-ркIиби гъяркула 66 дуслизирад илини 40 дусличир имцIали Сергоқъалала районна «Эркиндешличи» газетала редакциялизив узули деркIиб. Районнлизив Айдимир хелуси адам хейри, сенкIун ил мурталра адамтала ургав сайри. Сергоқъалализир дариби чумилра мекъличив ил сяхIбатла тямадали калун. Илини дигалли динда бир-

хъи, дигалли далай бучIи. Сегъунти чархарабала уста сайрил ил! Сеннира илала чархарабала жуз дураэс хяжатбиркур.

Айдимир Каймаровла творчество гъачамлис гъягIиси тяхIярли бяркъурли ва кыматлахIебарили лебал. Даргала бегIлара пагъмучебти поэтунала ургав виэс багъандан илис «Дарган рурси ПатIимат» бикIуси дигайла далуйтала жузун белкIалра баисири. Айдимир диштIати хабурталара урибси уста сайри. Илала диштIати хабурта учIан дигалли пиширхъяхъу, дигалли дукарирхIяхъу, дигалли мурхъли пикриулхъяхъу, «Хябра вархъли викIули леври, хела жан дат!» или, пигъала ахъбурцахъу.

Пагъмукар адамтала жинслизивадси адам сайри ил. Айдимирла хала дудешли ташбатурсири Хурхыла хъар шилизибси мижитла бурес агарли жагаси минара. Айдимирла дудешли ташбатурсири Сергоқъалализиси ЧебягIси ВатIа дергълизиб алхунти гъягIубзинас багъишлабариси пергер памятник. А. Каймаровли лац белшесра балигу, амма ил пасихIси гъайла уста ветаур. Айдимир Россияла писательтала ва журналистунала союзунала член сайри. Журналистикализи ва даргала халкъла литературализи кабихъибси халаси пай кыматлабарии, илис Дагъистан Республикала культурала урибси хяничизарла хурматла бедибисири.

А. Каймаров хяжлира вякъун. Илизир диубти дарсешуни гълмагъунанира хисабдирули калун. «Гъяркулизив адам варсикIули сай гъалавияI виши», – бурули вири илини. Мурхъли пикриикIуси, кадиркути анцIбукуьуни дурусли кыматладарес балуси, гъякълукар адам сайри А. Каймаров.

Дунъяла къацI каберхурли, ил нушачивад арякъи хъалли, нуша дирхулра А. Каймаровла пасихIти произведение бала гүрра жуз дурабулхъниличи.

А. Каймаровла хъалибарглизи, узи-уршилизи, районна «Эркиндешличи» газетала редакцияла хяничизартази пергер адам шалгIевухъниличил бархбасахъи халаси пашмандеш балахъулра. Ил шалати пикрумала вегI адам нушала уркIбазив кавлан.

«Гълмагъдеш» ва «Лачин» журналтала бучIанти, А. Каймаровла гълмагъунала ва илала творчество дигантала халаси къукъя.

Тъалмагъдеш



ЛИТЕРАТУРНО-ХУДОЖЕСТВЕННЫЙ
И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Правительство Республики Дагестан.

РУКОВОДИТЕЛЬЛА КЪУЛЛУКЪУНИ ДУЗАХЪУСИ
Мурад ГЯХИМАДОВ

ЖАВАБЛА СЕКРЕТАРЬ
Т. ЗУРГЪАЛОВА

РЕДАКЦИЯЛА КОЛЛЕГИЯ
ХI. Къурбанов (журналла редактор)
Къ. Мигърабов
М. ХIямидов
Т.СягIидов

ЖАМИГIЯТЛА СОВЕТ
А. ГIабдулманапова
А. Каймаразов
И. Ибрагимов
Ш. МяхIяммадов
Ш. МяхIяммадов
Х. ХIябирова
Х. Юсупов
И. МяхIяммадов

3
—
2016
май - июнь

Кел базли гъачам
дурабулхъан

Выходит один раз в два месяца

1952 ибил дуслизиб
акIахъубси саби

Журнал основан в 1952 году

Государственное бюджетное учреждение
Республики Дагестан “Редакция республиканских литературных
журналов “Соколенок” и “Литературный Дагестан”.

ЖУРНАЛЛИЗИР ЛЕР:

П О Э З И Я

Мяхиямад ХЯМИДОВ. <i>Назмурти</i>	3
Аминат ГЯБДУЛМАНАПОВАС – 70 дус. <i>Назмурти</i>	8
Хамис МАЛЛАЕВА. Сири гардбиули.....	20

П Р О З А

Къасум-Бег МИГЪРАБОВ. Шахли дигубти къар.....	25
Хадижат ХЯБИБОВА. Гъашибил даршудусла гъигъ.....	35

П О Э З И Я

ШапигI МЯХИЯММАДОВ. Сагали делкIунти.....	42
Тавсултан СЯГИДОВ. Нешличила назмурти.....	47
Шамхал СУХЬАНОВ. Хилизи гъудурбираар.....	50

САГАСИ У

Кумсият ГЯЛИЕВА. Наб лукIес дигулра.....	55
---	----

ПРОЗА

Ибрагъим ИБРАГЬИМОВ. <i>Очеркуни</i>	64
Хамис МАЛЛАЕВА. Хъумартес вирару ит.....	76

ПОЭЗИЯ

Айдимиран КАЙМАРАЗОВ. <i>Назмурти</i>	80
--	----

ОЧЕРКУНИ

ПатIимат МАЛЛАЕВА. Гъунарла адам.....	91
--	----

НУШАЛА АСЛУ-МИНА

Мяхиямад КЬАРАТОВ. Дубуртазиб жявхIелла шагъар.....	96
--	----

Журнал зарегистрирован Федеральной службой по надзору в сфере связи и массовых коммуникаций.

Регистр. номер ПИ№ТУ5-0023 от 21 мая 2009 г.

Типография: ООО Издательство “Дельта - Пресс”.

Адрес типографии: 367000, РД, г. Махачкала, Промшоссе 10^а.

ГЬАЛМАГЪДЕШ №3 2016 г.

На даргинском языке

Выход в свет 07.06. 2016 г. Тираж 326 экз.

Заказ № 0504 Цена свободная.

Редакция и издатель: Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”.

Адрес редакции и издателя: 367025, РД, г. Махачкала, ул. Даниялова 55.

Электронный адрес редакции:

litdag@mail.ru

Поэзия

Дагъиста халкъла поэт
Мяхъиммад ХИЯМИДОВ



ДУНЬЯРА ПЯХИЛИ БУЛЪАН

Агъ тIагIямла замана
БархIехъ гъаргала кайрес,
ХъанцI заклизир рурхIути
Зубартачи xIерикIес.
БархIехъ гъаргала кайрес.

xIерила кас-дуцIлизиб
Бамсурси лебил дунъя,
Саб гъанна бусусиван,
Урдатурли гъяя-вяя.
Бамсурси лебил дунъя.

Зубартас саб нушази
Серил бурес дигули.
Сари-ургар дигIянни
ВягIдуртани диркули.
Серил бурес дигули.

Жявлил ашкарси саби:
xIу xIякъунси мерличир
Гъар секIал ункъли сари,
Ил xIела мякъларичир..
xIу xIякъунси мерличир.

Ца шукру, инсантала
АдхIедурхни хъулани.
Илдани, гъардушили,
Дикулра гъараҳъ-ахъли
Нушала хъуланани.
Мусни-зубрала ургав
Инсан сай даргъкайзурли,
Дунъяла гъялти-вайтас

Гумили ветарули,
Инсан сай даргъкайзурли.

ХIера, зубари арцур
НабчибяxI, пишбяхъили,
Илис хъат гъабушили,
Ну сайра харчилзули.
ВаххIи сайрину xIерли.

– Гъу, хашкелди, бамсуррив?
Гъуни къяниси сабрив?
Гъяршизизбадалра наб
ГъяхIси хабар xIехири?
Сен хIаярай-хумарлири?

– Гъяршра разили-декIар
AxIен гъанна xIушачи:
«Инсан лайикъли ахIен
РяхIму-уркIециличи.
Гъур хъулмайкIаб иличи».

– Юх, нагагъ, гъяхIличи хъул
Бетахъалли инсайзиб,
Ил гилдихIебикIалли
Гъар даим уркIилизиб,
КIунбацIалли инсайзиб.

Инсанра хъярла шинван
КIунцицIур ветахъили,
Дунъяра пяхIли булъан,
ТПутIу-къякъябиубли,
Гъяршра бирар цуръали.

БАЦ ШАЛАЛ ДУГИ

Бац шалал дуги чумли
ХIед далуйти делчIуна?
Чум поэтла уркIили
ХIед назмурти делкIуна?

ХIела икъайчил чумли
Чула талихI баргиба?
Чум гIяшикъла кIунтIуби
ХIулкIули ламдухъуна?

Камти ахIенри хIуни
Гъунчи дуракаиби,

ЧебхIебалкIахъи, бархъли
Мурадли баахъиби.

Чили, чуйна, секъяйда
ХIу гап-чяхIбарадлира,
Лайикълири иличи,
Ишаб шакдеш агара.

Бац шалал дуги, дила
Тилади саби хIези:
Зума-зумали башен
Нушала дубуртази.

ВАТАБА, ЧЕРДЕРХУРЛИ

Назмурти, уркIецила
КIантI агара хIушазиб.
Абалкира гъар дайм
Ламиагар цIа набзиб.

ВиштIахIейчивад ясир
Сайрагу ну хIушала.
Чинарадрал чедухъи,
Дяръили руржакхъулра.

Дугели харчватурли,
Калтулра уталичи.
Солдатуни илкъяйда
ТПашбалта къарауичи.

ХIушани хъарбарибси
Бирулра гъай агарли,
Ванзала къакъкад сайра
ЧапIли ва дуцIкайкIули.

ХIушаб гIягIнити дугъби
Даргес къайгъилизивра.
Гъаман илди хIушани
Мучлаагардирулра.

Гъу, бурая: гIур набзи
Чина укъен дикIулра?
Жагъаннаблизи вархли
Укъес ну хIядурлира.

Назмурти, уркIецила
КIантI агара хIушазиб.
Бахъал хIебургар набчиб
Язихъти гIямрулизиб.

Рахли хIушала гъалав
ГIяйбла вегI виасли,
Ватаба, тиладину,
Набчирад чердерхурли.

ЧИ СЕЙКIАЛРА ГЬАБ-УБЛИС

УркIи ахIен гъалабван
ДурабяхI гъуцIбикIули.
Ватаба, юлдашуни,
Паргъатли, жихIейрули.

ХIушала шадлихъ нуни
МажахIят шадбариша.

ГIянтIикIала уркIи гIур
Дигайли абалкиша.

Дила манзил арбякъун
Зурбати хъуланазиб.
Сен-саррил, дахъалгъунти
ГъархIейзур гIямрулизир.

**Ишбарх^Ии се замана
Сабил багъес х^Иейрулра.
Хисаб-суалтас жаваб
Агара Аллагълара.**

**Чи сейк^Иалра гъаб-ублис
Нуни ляг^Инат х^Иебирис.**

**Г^Иях^Иулавиэс дила
Пикруми дарсх^Иедирис.**

**... Дуги саб цугбиубли.
Ц^Иябил хъулив нуцуна.
Гъанбиклумала хунжи
Сагадан дях^Икайхъулра.**

НАБЧИЛ БАРХ БИРАР

**Диванчи сар ухънадеш,
Урк^Иец^И, х^Ияяагар.
Гъар инсайчи х^Иедак^Иес
Сеналра Г^Иямалагар.**

**Гъеч къан-жявх^Иедиубли,
Илди набчира дак^Ииб.
Г^Ияйибтала варачан
Итмадан бях^Ичиаиб.**

**Нуни балк^Или кац^Ибси
Ца ганзалра хъумх^Иертур.
Хъябличи чекабуциб
Рях^Имуагар мисри тур.**

**Мук^Иурлира, дархъти сар
Дахъалгъунти Г^Ияйибти.**

**Амма илди-ургар лер
Бек^Илил дархъли ах^Иенти.**

**Ил къяркъси диванчила
Гъалав нуцун т^Иашлира.
Ну г^Иевуцес къабулси
Агу наб адвокатра.**

**Диванчи дугъаизур,
Муц^Иурра х^Ияршибиули:
– Г^Иергъиси гъай лугулра.
Х^Иу марвии вирадли.**

**– Дила бег^Ила г^Иергъиси
Гъай, гъайгъай, назму бирар.
Ил чизилра х^Иебурис –
Набчил барх итаб бирар.**



Үчтөлөлә къимат

УРКИЛИС ДАРМАНГҮНТИ

Нуни 1984 ибыл дуслизиб. Москвала А.М. Горькийла уличилси Литературный институтлизи каберхес бакытала ва конкурсличиб чедибикитала назмурти чердиктера. Хаслира пикри бяхчиаира Дагъистайзирад ракыбиси дарган мезли луктуси жагыл рурси Аминат Гябдулманаповала назмурти-подстрочникуачи.

Лирикала темаличил дарх илини ишбархила Гямрула талабуначила, сари регити, чилилра гъэр-ур хедурити пикруми дурули сари. Ил гүрра ункъли рагъурра Литературный институтла студентка ретаурхели.

Дила семинарлизиб бучантала ургар Аминат имзали декаррулхъулри. Набчир ручули лерай ил хябалра-сера жуз дураэс бажардирикиб. Цархилти студентуни биалли ца иткъи селалра авара агаартиван калун.

Урус мезли луктантала назмурти чула мезаначи, цархилти миллатунала назмурти урус мезличи шурдалтес бехихъиб дила студентуни. Журналтазир дурадулхъескадиб миллатунала поэтунала назмурти, Гур саби бегити жузира. Дебали разивизи анцибукулы бетаур Валерий Латынинна ва Аминат Гябдулманаповала назмурти шурдалтнила бузери. Илди келра барх бучулри Кавказла халкъла тематика ункъли балусили увухъун Валерий. Илис илкъяйда узес гъамадси сай Валерийра казакунала Ростовлизив акыбиси ва илав халаваибси виъни багъанданра бурги. Илини шурдатурти Аминатла назмурти дурадухъун «Огонек», «Студенческий меридиан», «Советский воин», «Дружба», «Москва», «Берегина» ва цархилти журналтазир. Дагъиста издательствобазирра. Илди келра поэт Лебил Союзла жагыл писательтала VIII ибыл совещаниела бутакъянчибира сабри. Совещаниела руководительти Николай Доризоли, В. Гордейчевли, В. Берестовли Аминатла назмуртас чебяхиси къимат кабатур ва Россияла писательтала Союзла члендешлизи руцахъес гъаларихъиб. Илис Гергъи Аминатла сари регити. «Молодая гвардия» издательстволизиб, «Беспокойствие», «Современниклизир», «Горянки» «Спасательный круг», «Когда мама дома» биктури жузи дурадухъун. Гур нуни илдачи паҳру бирули, чула сабил бузахъес батурра. Илдала сархибашуну дила изуси уркилис дармангъунти сарри. Аминат сунела поэзияла къышмачи чумали ва дирхалачерли кариизур ва гъаларях ганзрикес рехтихъиб. Ну вирхулри ил гъараҳли аркниличи, ва литературализир чедибашуни сархниличи.

Ардякъун итхейчирад 30-лира сера дус, Дагъиста черяхиси, пагъумчерси, жигарчеси дарган рурси рагъурхейчирад ва ил поэзияла бягтуси гъуйчи дурарухъяес бурсиарибхейчирад.

Итхейчирад дахъал шин урхънази кадаиб, бехъуб нушала жагылтас гъар шайчибад къулукъличи кабизурси хүкумат. Жузас лугути гонорартира. дуракайту жузала лугтира камбабиуб. Нуни бучахъули калунти баҳъал поэтунира тутту-къякъябиуб. Бебкиб баҳълара поэзия. Амма Аминат сесад Гямрули иличи къиянти дяхчиаили диалра, гъеч парсхериуб. Шумаси, хял-табигиятлизирра хъярхъиси, пагъумкар поэтессали сегъунти-дигара къияндешуни гъандурцниличи нура вирхулри, илкъяйда бетра бетаур. Илини сунела пагъум хъебебкъахъиб суненициун дурхини ва хъалибарг абилкъуси гъазализиб. Илди къиянти дусмазирра ил бажардирикиб дурхинасра халатасра 40-цад жуз дураэс. Цархилти миллатунала поэзияла анкъилизира щедешла галгуби уда-

тур илини. Дагъиста лерилра миллатунала ва чечентала мезличи шурдатурти жузи дурадухъун. Иличи пахру хъебарес хъейрар. Аминатла гъай хъясибли 350-ра сера далай дучули сари даргала машгъурти гъяртистунани. Урус мезли дучутира лер илала далуйти. «Урус рузи» бикюси дургъбас хасбарибси темаличиле далайлис Москвала далуйтала конкурсличил кийибил мер бедиб. 2010-ибил дуслизиб беглара чебяхиси кымат кабатур хъукуматли илала творчестволис, Дагъиста халкъла поэт ретаур Аминат. Халкъани-ургабси «Фильтрап» бикюси премияла лауреат ретаур. Илра халаси къадрила анцбукуь саби. Дурала улкнала машгъурти поэтунани илала назмурти кыматладарий ва ил премияличи гъаларихъиб. Нуни пахру бирулра дила студенткаличиб. Бикюли бираар, «учитель, вяркъя хъуни ученик, гур хъуни сунезибад гъякълу касесли».

Дила кийисил ученик – Валерий Латыниннира поэзияла шай chir гъяхъцад гъунарти сархиб. Россиялизирцу ахъи дурала улкназирра гъяхъцад жузи дураиб. Лебилроссияла ва Халкъани-ургабси премиябала лауреат ветаур. Гъанна ил россияланталацун ахъи, дурала улкнала поэтунала назмуртира урус мезличи шурдалтули узули сай. Болгарияла поэтесса Дафинка Станеваяла назмуртала халаси жуз дурабухъун урус мезли Валерийли шурбатурси. Россиялизиб буриби, «Вече» издательстволизиб «Дахъал мезанар Россия» бикюси сериялизиб, илкъядали «Спасательный круг» бикюси Аминат Гъабдулманаповала жузра дурабухъун Валерийли шурбатурси. Дигуси анцбукуль бетаур ил жуз Москвала писательтани чихъли кыматла барни ва А.С Грибоедовла премия бедни.

Иш гъергъиси замана, беклил далайикеси ва разидешла гъавли кепирахъуси хъебиалра, дахъал балагъ-къадарлизи ва хъям-къацлизи гъелабикили биалра, поэтессали адамтала уркъбачи асарбарести, децлизитала анцкъилис багаладиэсти назмурти делкъес ахъри бургули сари. Илизиб саби поэтла гъунар, илала пагъмула къадри. Дагъиста дубуртала рурсили, илдас лайикъти, чула ахъдеш ва жагадеш чебиахъути, Ватлан чебяхъбути назмурти лукъули сари. Дургъбала бутакъянчибас хасдарибити дахъал назмурти делкъун илини.

Биштатас лукъесра Аминатли замана бургули сари ва пагъмучерти чумал жуз дураили сари. Илди жузи урус мезличира шурдатурли сари буриби поэтуна.

Дигайла назмуртира гъяхъцад лер илала. Дигай черяхъдирути, дигай дихъйтала уркъбазиб тамашала, хъялалдешла гъав алкъахъути. Авторли дигайлис жагъти хъялалли кавлахъес гъарли-марли жибирули сари.

Наб дигахъаси, гъарил халаси поэти тяп Аминатливан сунела лерилра гъямру поэзиялисра халкъла талабунасра къуллукъличи каили. Сунела баркъудлумира ил бузерилис харжидирнила къиян пикрилизи касили, поэтла уркъи аргъили, сунела халкълира хъукуматлира. Поэзияла асарли адамтазир гъяхъти пикруми ва хъулани алкъахъули, илдала гъямру ункъдиэсти къиликъуни дакъудирахъули. Гуррара берхъаб Дагъиста рурси Аминатла поэзия!

*Владимир Иванович ФИРСОВ,
Россияла Федерацияла пачалихъла
премиябала лауреат, уруслы классик.*

Люзия

Дагъиста халқыла поэт
Аминат Әлбәттүлманаповас - 70 дүс



ГІЯМРУЛИЗИ ГІЯХІЛАДЛИ
РАКІБСИ САРРА НУРА

Бекіліл гъанра хіебирки
Гіямрулизи Гіяхіладли,
Бахъал арбашутиван
Нура ракібси риъни.

Гъанбирки барскъа дунъя
Балбарес ракібсира,
Жалрхъили къалптачил
Каберхур дила гъира.

Бархъдеш балтахъяс или
Жанна даркван рургъира,

Ил набван бахъ хіяжатти
Я бахъал хіебаргира.

Гіяхі хабарван бакібти
Улхули Гіяхігъубзнира,
Шилтахъчиби балтіули
Барсхіебиуғбу селра.

Хіяжартачил, къалптачил
Къабулли хіериасра,
Гіамру къайда илдачил
Жал кабурхар дилара.

Гіядатла Гіамрулизи
Гіяхілван араңіли,
Дудешуназирадли
Хіерриубра урузли.

Гіамрула Гіяхіл сарра
Или пикририқіира,
Хала нешанас икрам
Бирули хіерриубра.

Илизиб саби мяғіна
Ишди Гіамрула или,
Хіербарира дурхінира
Бунагъ хіебирахъули.

Чебаайчи нешани
Анцікъили ціумбикіуті,
Чили ва се анцібуқылы
Ил хіяйчи бикахъибы?

Аргъ баайчи ціуб шахли
Баргибти дудешуни,
Чебиухіели, набзи
Ну суалриқіусири.

Иш дунъяличир дявти
Мурт кадурхути вара,
Бугътантира къунбира
Селис алқлахъутира?

* * *

Гядатла Гямру или
Хулкыули хөрририра,
Амма дехван анцкьи-дең
Чекадикиб набчира.

Ну гяхылра рикюли
Руухели урузли,
Дуньялис хужамти
Бархыбити вара чили?

Чумлара кысматуни
Арзес алабухъунти,
Бузуси къайда дунья
Хебатес гүцбухъунти.

Жургъбикхыули дунья
Уктемли вяшбикүти,
Бийрухъбикүли ишаб
Дунья чузи буцибти.

Илдира Гяхыли биъни
Секъяйда иргъахъуси?
Бек буунгу чумлара
Дунья буэс бакыбта.

Гямрулизи Гяхыладли
Ракыбсирагу нура,
Гядатлисан урузли
Хөрриэс хериубра.

АХИЕНРА ГЯРЗИКҮЛИ...

Дила къяркъси кысматлис
Ахиенра Гярзикүси,
Цуб шахли гулвавнинан
Хяндешли кыларыбси.

Цумрикүлра иргъули
Дуньяла балагъуни,
Итил шайчибад Гялам
Хиярхубауб улхули.

Хянбиван хянсавдули
Набзир урхла дяхъурби,
Дяхъи-хъаслабибути
Итаб дурхини бубкүли.

Урхла улка гъарали
Жалладуна луткүли,

Хянц беңли мукъараван
Кеп кайсули, бурткүли.

Гярабунала улка
Хъямла мас бетаурли,
Гямал агарталара
Игули анкъи цали.

Дила кысматличила
Ахиенра Гярзикүли,
Урхла Гязабтания
Ахиенра русахъули.

Эй, ташаая дургъби,
Урхла хили дужанти!
Хи детаабну хушаб
Дуньяла океанти!

САГАСИ НАЗМУ

Сунечи ну хөрси хериаслира
Алкүли саб набзисагал назмурга,
Рикүлра гъанна ну рапхь рамсурлира,
Сагаси назму, хиу белкес хейгулра.

Хиу белкес нуни чи разивариша?
Излумиван декити дила никруми,

Дяхънуша агара хIу сагъбируси
ХIебелкIи батасли набзib изуси.

Иш изуси даршдус сагъбирахъиду?
Чила анкъаниб цIа хIебилшахъаду?
Жагъси нешлис лайла хIу бетараду?
Гъунартачи гъабза гъуцIикIахъиду?

АлкIулри гужлира, сагаси назму,
ХIу агарли дунъя хIебузусиван.
Хъулкнази хъулкири бикIес бируду?
Хъямчиби тIашаэс ахъри бургиду?

Къурумсахъуала къур пучбириду?
Дунъяличиб бархъдеш бихIес бируду?
Вайгъабзала баркълис танбихI бириду?
Суалти лер дахъал, арзес бируду?

Илдас жавабти гес ахъри бургиду?
Ахъли арцуртачи баэс бируду?
Бируду тIашаэс хIуни къасапчи?
Лявбарес цIуръаби, тIашаэс дургъби?

АлкIулри ну гIурра къкъаарили,
АлкIуси дурхIяван набзib бузули,
Аргъбаилив хIела ну цIумрикIахъес?
Паргъатдеш буахъи, русхIерусахъес?

* * *

ТIулби-ургарад шинван
ГIямру аркъули сари,
Буркъа къалтинна рангван
Жагъдеш дульули сари.

ГIякъулизи ГIябулван
Детяхъили дардани,
ХIянбияури сари
Чархлизирти дяхъурби.

Сигли бергун тIаславан
Илдира гъаргли сари,
ГIямрули чумра хIисаб
Гъаладихъили сари.

Илди къалайдируси
Агара я къалайчи,
ГIямру къугъадируси
АхIекIуб я далайчи.

Гъанна дила шишити
Аркъниличила сари,
ЦIуръабирару дунъя,
Ишар ну хIериасли?

Лявкъяну нуван урхIла
Шишимиъули иргъуси?
Милги ахъес gegугван
УрхIла анцIкъи дужуси?

ЦIа бишунхIели гавван,
Марли ретихъусирав?
Иш ГIяламла дардла цIа
Билшахъян гIур алкIусив?

Ну къакъамризахъурси
ГIямрула зугъаси маx,
Бурая сен балтусил,
Архусил ил набчил барх?

НЕШЛА НЯКЪБИ

КъацIли тIемдикIути малхIямти някъби,
Ниъли тIемдикIути назикти тIулби,
Духъар чузир вавни авлахъличирван,
Паргъатли хIедуар хутIла сартиван.

Дунъаличи сихIру дакIудиранти,
Дуругван иш дунъя ласбикIахъантি,
Иш дунъяла давла кIиркабиранти
Някъби сари нешла гIяламат бархти.

Мугълат лебси ахIен чус дугелира
ЗурхIяб лушули сар верхIелра рангла,
Янира бетхIейхъур вава-къарла тIем,
Чузибси тIягIямла тIем ризкъилара.

Дунъяла урхамти ласдикIахъули,
ХIеделкахъес илди хIяршкадибули,
ГIянжи-къарлис дайм нигIмат буртIули,
АтхIебла бурхIиниван ванадикIули.

Садакъала къацIван дуртIули шайчи
Урхънази даайчи кадурхан шинра,
Сегъуна-дигара биралра хIянчи
Нешла някъби калун урцIхIедиубли.

ВАЛТХIЕЛТАРИ ХIЕРГИЛИ

ХIелтари хIу нуни чичил виадра.
ХIу агарли дила гIямал агара.
Ургури ахирра чинав виадра
У муснази риус, урунж арасра.

АрицIус зубрачи заб ретарасра
ХIу левихIи зурхIяб тIашкабалтасра,
ХIергили хIелтари наб хIу дигIянси,
КарцIайла шалали ухахъис бацра.

Макъамта бирцIахъис лебил дунъяра,
ХIечила дардани сари дугъбира,
ГIяламли иргъули цIумбикIахъисра
Сен хIуни хIергъутил балхIебалулра.

ХIелтари хIергили дунъя буалра,
ХIу ветахъни нуни гъанхIебурцисра,

Дигайла гІязабти дахъдирулину
ХІергили хІелтари, гІямал буалра.

ХІу нуни вагъурла барсбиуб дунъя,
Дигай дагъахъурли хІу ветахъири,
Карцайла цІедешли анхъ берхъахъили,
Анхъчи пяхІли вегъуб, багъи ургури.

НЕШАНАС

Асиl гъubзни баркъиbти,
Ba дунъяla нешани,
Шaрабла uруnж къяida
Ламус-хІая умутi.

Дунъяla децI-шишимти
Дукули хІяндиубти,
Дергъ биubхIели уршбас
Ярагъ даршес гъалакти.

Дагъиста дубуртазир
Халал хабарла сарра,

Лусенна ца бутIаван
Чумати сарра хІушa.

ХІушала балгнанигу
Уцахъуси иш дунъя,
ХІушачи къакъбахъили
ХІердирutiра нушa.

БегІлара гІяхIси далай
Нуни хІушаб бучIулra,
БегІлара дурхъал балга
ХІушаб нуни булгулra.

ДИГАЙ ЧЕРЯХІДАРЕС

Дигай черяхIдарес далайrikIулra
Чилилра хІергъиbти хІези дурулra,
Мабуридра вари хІуни урхIизи
Дунъаличи хІебван ацIи чархлизи.

Дигайла улкъайти хІед гъаргдирулra,
АцIи, дила гІяхIна, уркIила ухIна,
Карцайла цІа алки сар чархлизирра,
Алжунтала анкъи хІед ухахъулra.

ХІура кайи набчи, ахъа бамсрира.
Ванати улкни сар чархлизир дила,
Хъулани лайдакIа гІаярличила,
ХІу дила сайри ва, лявкаараба.

ХІура дила сайри, арцан дигайла,
Мерлавии дила уркIила дайла,
ХІу дила карцайла сайри ламира,
Алжанала анкъи наб ванабара.

НУ ДИГАЙЛА ВАВАРА

Ну дигайла вавара,
Ху варъари вавнала,
ДурхIя мирхъи далхули,
ХIеркадирехIе келра.

Дунъяла гъарил шайчи
Дашабгу хIеб дигайла,
ЯнихIелира духъаб
Жанай вавни карцIайла.

Нушачи карцIли чатIини
Я дура армадашаб,

Дунъяла гъарил шайчи
Дигайла бурхIини дашаб.

Вава къарла къалтийчиб
БирехIе хIяз дигайла,
Цлакъти карцIайличила
БирехIе гъибандира.

Зубри варъали урзаб,
БурхIини даршили дашаб,
Нушала цлакъ дигайли
Алжунти гъаргкадараb.

ДУРХЪАСИ НЕШЛИС

Карирус хIела мякъла,
ХIеръили иргъис дардра,
ДяхIличибад абалки
Бургис ванал берхIира.

Бац хъурабиубсиван
Бахъ шалали анкъира,
УркIила ванадешли
Ванабарибси юртра.

ХIерризасли дяхIличи
ДубкIар дила гашира,

Шарабли ружибсиван
Ихъулра милигира.

Неш разили риалли
Нура талихIчерлира.
Нешличибад кабулхъан
Зубралагъуна бацра.

Абала хIулбазир сар
Лерилра зубартира,
Дилагъунти нешани
Биаб иш гIяламлара.

СИРХIЯНТИ

Ва дила чуллан чугур,
Селичилла бучIулри,
СирхIяла багъадуртас
Макъамтани бицIилрив?

Чихъ збрала шалал бац,
Чис шалабикIусирив,
СирхIяла гIяхIти гъубзинас
Арцла забли урзулрив?

Дай дугила мурил гъанкI,
Булбул сен къябаилрив,
СирхIяла игитунас
Далуйтани бучIулрив?

Даргала ахъанайти
Сели ахъдуцибтира,
СирхIянтала гъунарта
Марли ахъдуцибтирав?

Нура далайрикIулра
Гъав ахъбарес хIушала,
Дерхъаба, дахъдааба,
Гъубзни ламус хIаяла.

Чемъурси закла удир
ЗумадикIаб вава-къар,
Дила дурхъал СирхIяла
Дунъяличиб бахъбааб.

ДИЛА ДАГЬИСТАН

Дила дурхъал Дагъистан.
Ватлан багъадуртала,
Бучулира хед далай
Ахъбиахъубли тлама.

Авадан авлахъунар,
Шарабла урунжунар,
Чугурличир гимиван
Балгунти миллатунар.

Хела саби Каспира,
Хабарла шагъуртира.,

Улкализиб машгъурси
Дурхъал Мяхъячъалара.

Хамли херкабируги
Хиял умутি рурсбира,
Гъунартачи арцури
Яхъ чумати уршибира.

Дила игъбарла Ватлан,
Хезир пахрucherлира,
Хюри дила давлара
Талихъла ахъси тахра.

ДИГАЙЛА ДУНЬЯ

Дигайли бицлибси дунъя баргира
Изуси уркелилис хезиб дарманра,
Ну багъандан ургуд акъубси хура,
Аллагъли ватаби, ахъерси дила.

Ху сайри дугила муриси гъанкъра,
Алжунти аурли сар муэртира,
Уркели бузахъуси хела дигайра
Арцес ахъри лугад малхъямдешлира.

Ху набчил агарти хейги гъямрура,
Ху сайри, ахъерси, дила давлара.
Хечил дарх гъайдирис дурхъал дусмира,
Набчищун чарулхъен чинав виадра.

ЖАВАБ ХЕГИРИ

Дурхъати дигайлис жаваб хегили
Дигайла къалурби гъятъкайахъубри,
Зубрала забцада нургъби кертъира
Чаралра хяхъири, хялалхейубри.

Хабарла карцайлис хаинвиубри,
Балгнала субхянти тутукадарри,
Дунъяла давлуми детахъахъири
Багъи бусравтасил гур хякъяс хечи.

Дуциси заманали хеб сагадиру
Дигайла дяхъурби сели сагъдирув?

БархIехъ арбашуси лябкъян берхIира
Дишунти хIялани алкIахъав чили?

ХIязлис гъайрикIули руилрав хIези
Бубулван хIу алав чукурриубли,
БерхIиван ванали хIерра рикIули
Кали руилрав ну ламартси хIечил?

НЕШЛИС

Садирхъули субхIянти
БехI тIулби делкахъунси,
Рулгули зупартази
БерхI кабулхъахъуси.

ДурхIини гъанни дугурби
ХIерусули дуркIуси,
ГIяхIдешуни диражъес
ДурхIизи гIерругъуси.

Гъаргбарили закла дуб
Савли гъаббикIахъуси,

ДурхIини чебхIебулкIахъес
Аллагълизи рулгуси.

Гъундурачибити гIяхIлас
ГIяхIти гъунби дулгуси,
Дунъя даршули бихIес
Лебдеш харжкабируси.

Дурхъаси аба, хIела
Севан чебла ихъуси,
Багъа агарли нушаб
Иш дунъя гъаргбариби.

НЕШЛИС

Рамсурли гъаргала гугкариадли
Рухънариулира гIязизси аба,
Ибти пикрумазир шишимрикайкIулра,
ГъанкI агар дугурби шапгIердалтулра.

Батахъес нешла бекI хIяндешлизира
Дарманисарра нударман агара,
Къудратла вегIлизи дугъаризурли
Манзилтази булан бусраврикIулра.

Марати хабурта хаабрирули
Рисур дила аба гIебшнила аргъван,
МяхIкамрарес гIямал баргес умцIули
Мусни-зубри ургар цумрикIус нура.

Ва дурхъаси Аллагъ, хIези рулгулра
ГIамру духъяндара дила абалы,
Дила керасили нешлиц дахъдара
ГIяхIти хабуртани харириахъа.

ҮРШИ АЛХУНСИ НЕШЛИС

Дуги-хIери нуни чумра деркIира
Къудратла вегIизи бусраврикIули,
МабубкIахъид вава гъаббакIимадан,
Мабалахъад агри набзи уршила,
МалукIад къадурти наб гIязбата,
Мабелгъахъад гIиниз амъур шарабла,
Гъанбурцув у мусна чарх хIяли арцла?
Къабулдирув маркни дила нургъбала?
Риганайла някъба хIебуцибси хъяб
Цуб капай бурцусив гIязиз уршила?
ВецIину урчIемра дус гIамру деркIили
ЦIяб хIяблар дуркIиду агадла агад?

ХIЕЧИЛ

Гул вавиачи мирхъиван
ХIечил кариэс диги,
УркIилизи катури
ГIамру гъайдарес диги.

Аръаличи гегутган
Милиглира ну хIечи,
Шараб хIулби держили
Дигулра ахъес милги.

ХIуни милги ихъуси
Урунж ретаэс диги,
Дигайла алжунтазир
Ца хIечил русес диги.

Далайлизив урили
УркIила катес диги,
КарцIайла къумур алав
ГIяшикъти бучес диги.

Дигайла жи буйлри –
ХIязлизи халбарира,
Жявлери ил, гъанна ну
ХIедикъянриублира.

КарцIайла хIер буйлри –
ХIерлизи кахIесира,
Гъанна лерил хIеранас
Ну сукъурриублира.

Диркъали chir дигайла
Вавни дисули сари,
КарцIайла хIераначи
Гъаннара хIерли сари.

Дирихъмала хIякнаур
Дубурти кIапIли сари
КарцIайла хIераначи
Гъаннара хIерли сари.

Мурт саррил детахъибити
Дила дигайла мачни,
Урхъула лутIилизир
Сари урхIли дургули.
Жавгъар-духури мачни.

Дила карцIайла шараб
Парчдухъунти итхIели,
Чегемла шурмала барг
Баргаили чяхIдухъун,
ЧяхIибачи шурдухъун.

ЧЕВВЕРХИ, ДУДЕШ

Ва дудеш, хIергили дардла иргъуси,
ХIела хIябличи ну гIурра ракIилра,
Чевверхи, бацIдешлис саламра гили
Дикъуси хIейадра, уркIи бурулра.

Целдала дяxIцIила дигIянрикили
Кахси бацIдешлизи салам лугулра,
ХIябличири хъалта хъатла кайхъили
ДуцIарти нургъбани гIянжи балхулра.

ДурхIядешла хIязти кадерхур жявлил,
Цуръадешла децIра хъурадиубла,
ХIелагъунти иякъби гъатIи агара,
Шишимъулта нуша хIяршкадиулра.

Ва дудеш, ахIерси хIу лехIкахъилри,
ХIергъули бусравти я дила биса,
ХIу ахъуцес ахъри агарси дила
Чевверхи набчивад, бусраврикIулра.

НЕШЛИС

ХIела андаличир сар
Бац-БерхIи алкунтира,
Баракатла хъутразир
АлкIан урунжунира.

ХIу сарри, ахIерси неш,
Дунъя гъаргбарибсира,
Ну гъигърикIахъес гъава
ДакIубиахъубсира.

ГъаррикIули гъаргала
АтхIеб чардирахъянра,
МалхIямли гъайрикIули,
Саринти дучIахъянра.

Иш дунъяла дуклуми
Диги датли, гъайбатли,
Даршдусмала архIяби
ДяxI шалали ихъули.

Дигира, дила дунъя,
Зубартиван азадли,

Шантала шишимъули
ХIури шишимдирранра,
Цуръабала анкъаниб
Ца билшхIебилшахъянра.

ХIела дезначи карцIли
Саби идбагунира,
ДугIиу балагъуни
ЧевяxIси Аллагълира.

ХIу сарри дагърикарра,
Дунъя бархъли биканра
Пямру дакIудирранра,
Иш дунъя бузахъянра.

Манзилта вава-къарла
Сагал хIевни челгъули.

Далай къайда азадли
Сунес дигна башули,
Бузули, цIакъбикIули –
Чугур къайда баршили.

Азири дусмазибван
БархIи алав башули,
АтхIебличил чатIиниван
Адамтира даршули.

Иш гIяламла рурсбира
Даруйтазиб башули,
Бузери-байрутазир
ГIямрура ункъдикIули.

БАЛАХЬАС ХIЕЗИ

Балахъас хIези нуни
Иш дунъяла къакъличи
Се барес вакIибсирил,
Се баргес вирусирил.

Хабуртазир ахIенти
Дигай лерниличила,
Балахъас хIези нуни
КарцIайла цIаличила.

Се барес бац ва берхIи
ДарсдикIули даштил,
Ца агархIели итил
Дунъяличир дутил.

Балахъас нуни хIези
Сен зубарти каркутил,

Шарабла урунжуни
Се барес парчдикIутил.

Амма ца секIал нуни
Багъахъес рирхIериус,
Адамтани адамти
Селис гIязаббуркIутил?

Шилтахъуни ва къунби
Селис дакIудиритил,
Илди гъудурдиубли
ГIямру заядиритил?

Баргиули иш дунъя
Балагъуни даштил,
Дургъбала цIа адилкъес
Сен цабехI хъулбикIутил?

ДИГАЙЛА ГЪАЙЛИ

Дигайла гъайличил дугъаизурла
ХIеб хъурадарири чархлизи дила,
Чардухъун булбулти, хIеб садаайчи,
Жанай вавнабяхъиб дила гъаргала.

КарцIайла хIерличил гъалаизурла
Муэрван кайири хIяланазира,
Ветмайхъуд, рулгулра гIямрулизивра
СихIрула карцIайлис уркIи гъаргара.

УркIила хIялани хIерли аргъахъа
Дурабта хIергъесли хабурти дура,
СихIрула муэрти мар детаахъа
Дунъяла алжунти набра гъаргара.

Дигайла хабурта гъалакрараба
Шала шикъдиайчи кеприахъаба,
КарцIайла хIяланас беда арира,
АхIерси, хIу дила сайри игъбарра.

НЕШРА УРШИРА

(далай)

Неш:

Дила игъбар ва давла
Хиу сайри, урши дила,
Хияяла ахъдешличив
Ухен байрахъван хIура.

Урии:

Ну хIела хъарбарькунас
Сеңад марли каласра,
ЦадехI гIамру хIедиур
Чеблуми ахъес хIела.

Неш:

ХIела гIамрула бурхIини
Детараҳьис игъбарла,
Къардмалхъад вари хIура
ХIябкъяйтачив бархъдешла.

Урии:

БерхIилайчир ванати
Сари, неш, хIела дяхIра,

Дила игъбарла гъарбиз
Хиу сарри гIязисира.

Неш:

ХIед гIамру гIеркъадарес
Дила ахIерхIейрисра,
ГIяхIгъубзис гъавкъяниали
Кален къияндикалра.

Урии:

Урунжла шиннизирад
Шараб декIардирисра,
Дардлизи хIерицахъес
Ну дарман ветарусра.

Келра:

Бац-берхIиван цалис ца
АхIерли кали нуша,
Аркличибад царугли
БашахъехIе дунъяра.

ЛЕБ ШАГЬАР ДАГЬИСТАЙЗИБ

Леб шагъар Дағыистайзиб –
Ил саби МяхIячкъала,
Чедир дубурти сари
Къяшмауб Каспи саби.
Дугурбазиб бусахъес
Каспи далуйта бучIар,
ХIерели зурхIябтани
Ранг-рангла баки бурчу.
Шагъарлис шаладикIес
КадицIур зубартира,
Азир ранг пешкешдарес
Лагдилзан зурхIябтира.
Азир дусла къел-хIерзи
Гъумлизир чедиулра,
Чум-чумлира къасбариб
Белшес хабарла къала.
Каспи – дяхIимцIала саб
Бацлара БерхIилара,
Кадирар зубартира
ХъанцIа урхъула дайла.
Шинниси гъарш кайули
КIайдирхIур гамурбира,

Урхънаци шала бурхъу
Савли пишбяхънилира.
Сахаватси сай, балас,
Зубрала суратчира,
Берхъурли чебиулра
Дигуливан урхъура.
Се бирул ругертачи
ГIяхIцадхIи лехIкахъилра,
Шагъарлис далай белкIес
ПикрумагIир умцIулра.
ХIекъли къугъаси шагъар
Леб дила Дағыистайзиб,
Ил белшес ва ункъбарес
Бузути гъубзнира леб.
Илала чедиб саби
Таркила дубурара,
Дубличи байдикIахъу
Каспила ругертира.
Дила дурхъаси шагъар
Ил саби МяхIячкъала,
Иличибра ахIерси
Агара наб гIур селра.

Хамис МАЛЛАЕВА



СИРИРА ГАРДБАРИЛИ

* * *

ИзесряхИлра ну –
Чи сейкИаллира,
Чили сегъунти наб
Дарман галлира,
Ну арахИериус.
Иш дила ванза
ГлязаббуркIулину,
Къугъал рурсиван,
Чус мутIигIбакIахъес
ГлекИили унза.

Гле, цабехИтани ил –
Ахъси дирхала,
Дурхъаси къалтинван
МуркIкабибули,
Марзла ухъаличи
Щикури къаяда
Аркули арцличил
Арибибули.
Ванзара – исбагъи
Бунагъагарси,
Илинни хиянат
Севан балуси?
Инса увяхIдешли
УркIи исули
Алхунти вавначи

Хлези ихтияр гирав
Нуни дила уркIилар
Къалурби тIашдатахъес,
Ярагъ цаладирхъяхъес,
КIел хIуребалис цаван
Ца сардар ветаурули
Гъужум тIашхIебизахъес?

Саби бисули
Илини – пякъирли
Чинад балуси,
Сунечи кайцIути
Гунзрала бегIти
Бахъалти – адамдеш
Арцлис дирцули.
Кабильни, гIинизлар
ДяхIра ицули
Ил гIинизра –
Дила хIулби ахIену?
Бамкъриличи къяркъли
Къаршидизурти?
Шанданван чумаси
Къялпдеш бургули
Суал детаурули,
Вякъкадизурти?
УркIи, буцIар уркIи,
Къяшмаубри хIу,
Ахърила бегIтала
УнабурхIлиуб.
Селра ахIенригу
Пулцад гIякъулупра
Теббиялри bekIла
Ахъ къяпIилиуб.

* * *

Хлези буйрухъбариав,
Белшен или уркIилаб
Хеопсла пирамида
Даимлис черкаралкIи
Дунъяла шалаличи
Дурагулхъасра или,
Лерилра дила гIямру
Умцлаличи шурдатес?

* * *

Агъ, гІямру, риштІахІели
Сен итгъунтири хІуша?
Нешла пишрхъниличил
Дила сирила чедир,
Мискинси биаллира
Ниъла мамара гили,
Нургъбачил биаллира
МалхІамли лайлаили,
ГІашли кайбиригү,
Сирира гарбарили.

Гъанна, сен илгъунтира,
Агъ-гъай хІушала къяркъдеш

Вавни пешкешдирасли
Бурям саби хІушазиб,
Суайс жавабла мерлаб
ЭмхІе-ранг шанданна хІер
Гъалабуцилрая наб
Адамтала хІулбазиб
Ил хІерлизиб баралра
Леб биалра ванадеш,
Набчи ил хІебаахъес
Инса къайгъилизивдеш!

БАРХЪДЕШ

Бархъдеш цІакъ саби или,
Саби или гъунарла,
АхІенрив ну ряркъурси
Ва, учительти дила?

Ил цІакълира калахъес,
ЧебяхІлира калахъес,
Михъир гъаргли бургъули,
ГІамруличи бахъ гъаргъки,
ГІязиз жан дедибтачи
Лерил ГІамру бисуси
Дила ахІену анкъи?

Сен чебииса бархъдеш
ДугІла арцанван тахъли,
Сен тІашкакІебизурсив
ХІеркабикІули бархъли?

Сен хІярамзадабала
Кисмазиб балбиркусив?
Сен ил бицибити арцили
ХІярамзада укусив?

ВецІлихъ винкъбухъаллира,
Шулихъ зинкъбухъаллира
Сен пяхІли бетихъусив
Ил – хІейгуси цІалира?

Сен уряхІуршусирав
Дила бархъси гъунчирад?
Турли талапбирули
ГъуцІ хІибараң тазила,

Сен гужли къур бузусив
Лявхъси гъигъра буршули,
ХІегълизив хъусухъунси
ТямхІкари хъулкила?

Бархъдеш цІакъли калахъес,
ЧебяхІлира калахъес
Михъир гъаргли бургъули
ГІамруличи бахъ гъаргъти
ГІязиз жан дедибтачи
Агъи или бисуси
Дила ахІенрив анкъи?

* * *

ГІягІнили ахІену, ГІязизси ВатІан,
ХІечила дардлизир каркути нургъби,
ХІиллакарцун хІезив хІулуркІахъули
БуцІар михъирлизир алк'ути дургъби?

ГІягІнили ахІену, дурхъаси ВатІан,
Сецад лердиалра уркІи-алав хІи,

Мургъи-шинван лерил хIечи чахъдирис,
ХIу гъанни жан лугул бакIалли бархIи.

ГлягIили ахIену? – хIебиаллира
ХIед къакъяхълис нуни уршби абилкъас,
Мешути хIейалра, цугти хIейалра
Ил хIела тIалаб ва дила дурхъал къас.

* * *

Къисмат, сен хIу набчи бясли башуда,
Турли хъурсбикIули дай уркIилизи,
Сен кабцла дабруми къяркъли ушкида
Муси лайбакIили, бархъси улизи?

Къабкъинтала ургав гляхIгъабза вагъес
ХIура гъарацIлири, буунси манзил,
Арцла зайлизибад адамла хIергъни
АЗирти дусмала анцIкъи саби ил.

* * *

Хабар лебрив набчила?
Вирхмарудра дигуси,
Левси ахIенну чилра
ХIуниван чарх игуси.

Умуси хIеркIра лебли,
Амъур гIинизра лебли,
Адам хIерикIахъесну
ДяхIимцIала бариси.

* * *

Чизи бедилра уркIи?
Чизилра хIебедилра.
УрхIилизи уркIи бедес,
Ургъурчебси бидаву?

Чизи бержакъилра хIер.
МутIигIдарилрав хIулби?
Юх, юх, хIулбира ахIен
Шарабличилси умегI.

ЭЙХЪАЛИ

Сен билгIулра, эйхъали,
Щуръабала къацI булан?
Сен кепеклис бирцулра
Исбагъила хIер булан?

Ахъдешличила, карцIли
Ну далайрикIахъули,
Гляшдеш саб хъулчи или,
Кайрули дила хъули.

ЛАЧИН

Дигиб къугъаси лачин
Ца сягIят някъла буцес,
УркIила тимхъ дигули
Михъирличи кабуцес.

Дилара уркIила тимхъ
Сунези иргъахъира.

Се гъанни тимхъбикIулил
Багъесра дигахъира,

Амма севан бурцуси?
ХIерирулра ил буцес,
УркIбухъи парх арбашар
Бурцуси къайда бицес.

ВАНЗА

Ванза, лип^Iик^I къайда ришесрухъасли,
Къалпдешла дявтала дек^Iси хъатлиур,
Бусравтала ц^Iакъти нургъба башули
Х^Iуни рих^Iулрагу х^Iела ях^Iлиур.

Марилшада или х^Iу бик^Iулрину,
Бурагу, чебях^Iси, сен алк^Iусирал,
Урк^Iилизиси иш се дяхъи сабил
Дайм г^Iеббурцуси, сецад камсиral?

Амма, х^Iура нуван сабригу, Ванза,
Дила х^Iези бусрав, дарман, мабилшад,
Набчил балли ухен, ахъбии, ах^Iер,
Къалпдеш мабирахъид къярт^Iиличиб шад.

ИНСАП-ХИЯ

Инсан-х^Iия дячунти,
Дарбадягъиндарити,
Къалтингиван чедиур
Къяшмау диркъдарити.

Вавни къайда, дисули
Улхукъира Г^Iяшикъти,

Байрахъуниван хамли
Урдуршукъи, Г^Iячихъти.

Агъ, пякъирти рик^Iули
Г^Iяшриасли ахъдуцес,
Хъянт^Iализи бяхълиур
Риишара гъандуцес?

УЛКЪАЙТИ

Сен ц^Iябх^Iедибутира,
Сен къяп^Iх^Iедибутира,
Х^Iушала юрганазир
Набчи дях^Iти улкъайти?

Г^Iялам бусух^Iелилра
Г^Iяг^Iинитири ц^Iябдиэс,

Хъямчиби бахъх^Iелилра
Г^Iяг^Iинитири къяп^Iдиэс.

Ашкарлигу набшибси
Умут бургар халаси,
Умутла улкъайтани
Бургар дунъя шаласи.

* * *

Хабар, пях^Iли бетахъи,
Мармарбирудра, хабар
Шийхъливан, вабаъливан
Х^Iяйрандируси хабар.

Дагъистайзир инсан-ях^I
Диц^Iур ибси, х^Iяливан,
Саби сукъурли ибси,
Дураргъурси х^Iутиван.

* * *

Урк^Iи, мабиркуд, вари,
Дек^I дец^Iла ругертази.
Тамях^Iкарну бец^Iван дец^I,
Биалра дила бузи.

Салам-каlam х^Iегили,
Я адамдешлисデザ,
Азирина ласрарилра
Капан аурли бабза.

* * *

Инсаниятла рухIнар
Рархъмаралтаба цайли,
Урхънани бухиб шиван
Шишимтазир марайли.

ГъяхIилван хIисабварес
Бацла мякъла тIашизи,
Бархъаа наб гIелабад
Албуракъ – ГIяршла тази.

* * *

Мез далуси галгали
Риаслири акIубси,
Азир макъам дяхъили
ХIеркI къала карухъунси.

Къиркъирти чехIебиэс
Хуриван гъямбикIути,
ХIясадтала хIебикъес
БуцIиван авбикIути.

* * *

Хамха тIякъиуси цIа
Вирап вара бишахъес,
Шякъ-пIякъикибси уркIи
Вирап вара бучIахъес?

Севан тIашиу вара
Забван, руржути тIулби?
Сели хIярхIидиу вара
ХIеркIван дисути хIулби?



Проза

**Къасум-Бег
МИГЪРАБОВ**



ШАХЛИ ДИГУБТИ КЬАР

Иш гъакIисра Хатирла хъули Баинат ракIиб ил хIянчиличивхIели. Гъалабгъуна пасатдеш хIебургар или пикририкIуси ил хатIарикиб, сенахIенну иш гъакIисра кухнилизир итхIеливан дацIдарибиши шишнира лерри, цадехI ташли, цадехI гердизурли устIулла удир, хIедирциби къям-къуцIулра. Холодильниклизир колбаса, консерваби, нуси даргнилицира ил разириуб, амма ил разидеш уркIилис паргъатдеш бихуси разидеш ахIенрину, сунечи сунени тамай тудяхъили, биубси биаб ибси дунъалис таваккал хIейъни якынбируси лишан сабри.

ЖаняxIлизи чарриубли илини чедитихъайчи плаш сурбатур ва декIар-декIарти берклумачилси халаси сумка кухнилизи хиб. Гъала-гъала жигарли черикили имцIати секIайзибад хяса-пухIлизибад ил умубариб, гIур, холодильниклизи берклуми низамличил кадихъиб. ЛямцIдухъахъун тIалхIянара, бем-хIурси сиркъаличил дяxI дирциб вавнала лерилра кIапIрала. Савли айзурхIели саби лебсиван батурси ухъара балбариб, гIур ил узуси устIулличи гъамриуб. Илабра низам аги, амма ил низамагардеш илала низам биъни балуси ил чIян-кIли чедираад бахъна белкIунси кIапIиличи хIерризур. ГъардикIути пикрума ил уталичи гIашриахъуб. Илини кIапIи касиб ва ручIес рехIрихъиб:

«Иш кагъарра хIечи хIебиур, сенахIенну, кIапIилизиси чебиулихъалли, иш белкI ахIен, алкIути пикрумала низам агарси духем саби. уркIила хъулани. Кагъар биалри къалли нуни иш сеннира гъярбирира. Дугурбала кIапIразира лехIдешла зарбаблизира лукIес бурсивиубла нуни кIапIи камли пайдалаби-рулра.

Иш белкIра нуни лехIдешлизи аманатбирулра, амма илини хIербирнили-чи вирхули ахIенра, сенахIенну лехIдеш барскабиубли саби иш хъулиб, иш шагъарлизизи, иш республикализиб абзурли улкализизи. Ил адамтала децIана, язихътала цIумъай ва къуртмабала Гепана цархIил даражаличи бушили саби. Сен биалра, иличиб ну вирхуси гIур селра ва чилра агара ибси пикри бекIлизизи лукъули саби...

ГъанхIебикиб иш агиличи виркус или. Наб бегIла ахIерси ва уркIилис дурхъаси адам жалрирхъур или. Хъали гъанни... вирхаэс дебали къиянни саби, амма цархIил багъана биэс бирнилицила пикриухъесра дигули ахIенра.

Се биру?.. Белики ил илис селрайчиб мягIничебли бургар? Уршила жайс урехи акIубхIейчирад ил илдала хъулрачи ва мас-мулкличи ташмишъайчил

хIеррикIули рургар. Наб биалли ил секIал аргъес дигули ахIенра. Илала гъигь, хIер, гIядатлис ганз дурхъати баркъудлумиван чедиули, илди дила шулгIир дильни балуси ну ва ил далилли тамашали талихIварибси, гъанна иши кайзни аргъес вирули ахIенра.

Сен?

Марлира, сецад ахIерси секIайчира адам варскайрулив? БегIла дурхъати жайзивадлира умсулив? Мурталра тикрарбируси ура анцIбулкъулив? Или биэс хIебираргу! Рахли биралли? СейкIуси биэс биралли...

Рахли иш дунъяличир адамти-ургарти бархбасуни, сецад карцIи дуцIарти диралра, заманалис хIедиалли? Багъла-багълали хIярхIдикIули, кIантI-кIантIли кадурхули... нушаб биалли дигулра илди ца даражаличир кавлули. Ца даражаличичиб нушала талихI, хIулкIахъули нуша, уркIбазиб бирули. УргIебли биэс анцIбукуличила пикридухъесра хIейгулра. Амма, сепайд...

Глямули, марлира, барсхIебируси агарав? ХIебургар, амма ну ца сайра дила урхIмешуахIенси талихIлизив. ХIечиси талихIлизив.

Гъар бархIи ну дугъайлзулра БерхIиличи хIела у айхъули. Агъ, сен иргъил илини дила тIама! УркIила тIама! Иш дунъяличив, гIергъиси замана къалли лебгIеб бяргIибси ва къяркъси дунъяличив чуйна ванаварили, уркIиагархIелири хIевваррал илини ну. Дила БерхIили.

ХIела гIяхIдешли саби ил набчи уркIецибеси, сенахIенну хIу гъараҳъ-хIели илала чебяхIдешличила пикрикIесра иштяхI хIебири дилану.

ИтхIели ца бяргIибдеш, цадехI къяркъидеш, ца даражаличирти, дарсхIеди-рутти мискиндеш. Илди дегъуб ва цараван дунъя гъаргиуб наб хIу гъамри-убхIели ва гъар чинарадалра набчи хIердикIули хIела дяхI чедиули хIериэс къадарбиубхIели. Юх, къадарбиубхIели ахIенну, игъбар биубхIели. Дила БерхIи, дила лутIиагарси ГIярш, виштIахIейчибад наб дурхъаси Аттагай сари бикъруми дила хIяланас. Къарли ванзализирадли кIантI-кIантIли кайсуси зярхIдешван уркIилизизир алкIули дикъурти дила дигай! Се биублихъалли, сецад ГIядаблихъалли, хIу лернилис бикъридеш дирути илди дигайла гъунар, агъ, севан халалил ва дурхъалил наб.

Ил дунъя бихуси ну гъанна цуннира. БерхIиличи увван дугъайлзулра, урван хIела дяхI чедиулра, амма муриси цундешлизивра, сенкIун хIура уршира лерни дурхъаси хIекъидеш саби. БегIла наб дурхъаси ва буресагарли ахIерси.

Гъалаб, тамай бусхIельулихъалли, дай дугилис гIергъи шагъар гъапул-бирули бири. Халаси юртла ца улкъайли гъала-гъала нанайли къяпIикIуни гIяшдарибхIеливан, билша шала, гIур цархIилли ва шала шикъудухъайчи ил хIяз гIеркъабилтIули бири. Севан иштяхIли хIерикIирал ил хIязличи ну... Чуйна гъуниваирал савлила хIела дяхI чедаэс БерхIилис ну!

Гъанна илкъайда ахIен. БемцIурли саби шагъарла гъанкI. Агара ит паргъатдеш. Важли саби маҳлукъат, селигIибал умцIутыван, гъарилла се-сабил бетахъибсиван. Тухъси, давлачебси яшав чесибити ва шударш бархIили улкала экономика ахъбуцес чесибити академикунира низам-къайда камси заманала дуҳIнтар кадизахъес хъямабиркъути (агъагъай илдала урезиагардеш) цаагили гъаннара телевизорла экраннизибад уббизули ахIен. Гъанна илдани чула чеаслуми детерхъес диргалабухъунти баргили саби. Иш гъакIисра илдани коммунизм биъни кабизахъурли саби. Илдачил бархли – итхIелла пачалихъла арилиуб бузуси экономикала предприятиебас гъуни чебиахъути «бюрократу-ни»... Илдани гIелабяхI зузбирули уббухъи саби сагабиэс дигуси улка.

Ваучерти пикридали, заманалис гъалаб, балу-балули, хІядурбарибси милионертала ва миллигІардертала къукъя, сегъunalра урези агарли, илкъайда биэс гІягІнисиван, халкълис «насихІятуна» бугъули, кеп-чеклизиб саби.

Се хІукумат сабив иш? Се гІамру лушули ишди демократунани? Ишдицад президентуни бирутив? Ца хІенкъла ца халал буқIун ахІену виэс гІягІниси?..

Г'урра гъудурикIулра, наб бекIил гІяхIхIебизурси ва уркIи хIебугъуси масъалализи. Сецад хIейгули виасра, чевкъули саби, сенахIенну гъай сегъунти ва селичиле диалра, бусягІят биргІябигиби адамти саби. Агъагъай сецад хасмушунира, хъулкнира, хъямчибира чеди дураibal иш манзилли! Севан увияхIварибал бузерила адам. Лерилра гІамру сунела някъбачи хъарси зяхIматчи!..

«ХIерагу, Абу-ГІяхIмадли гъанбушибси дила произведениялизибси нукъ-сандеш – манзил ва улкали лушути гІамру чехIедиахъни наб улукъули буили саби ва илбагъандан нуни чедихIартли иличиле бурулра, хІятта ил секIал баисиван...

Дурхъал Аллагъ... Шукру биабгу хIези, амма баришли, гъар секIал къабулдарили, бакIибси къадар саби или, лехIкахъес вирули ахIенра. Гъала-гъала узи веткахъиб, илис гIергъи неш хIяририхъира, гIур – Абу-ГІяхIмад. Илдала батахъриличи гъамли децI бержахъиб риганайлира. (Хъунуй эс дигули ахIенра, илкъайда асли дила хIяланала цIакъ хIярхIбиубли, дигайла цIакъ бетихъусиван).

Нуван цунси дудеш, хIялалдиаб сунес, Дигаятли верцахъиб, чула хъули чаррухъи сунела Заирачил.

Се заманалра аргъайзивадли уввилзули ахIен Абу-ГІахIмад. Ил, чилилра пашмай, уркIиагариубли, сецад сунес къиянни биалра, мякълавсила уркIиба-рес ва гъав гIеббуцес балуси сунела пагъмула лагъ. ГIе, илкъайда эс дигулра наб – Пагъмула лагъ. Чилалра гъалар лагъдеш хIедариб илини, нешла ва сирила гъалаб ахIи къукъя гІашхIебариси къаламла зяхIматчи.

Иш жуз саби илала бегIла гъарбизурси эс дигулри хIед гъар жуз белчIун-хIели, амма илдазибадли ца чеббикIес вирули ахIенри, сенахIенну илди лергIер декIарти сари ва цазаманализир цали ца чедирцIахъули гІамруличила лебгIеб халаси рагъам алкIахъули саби. Ил мурхъси, гъамадси, цазаманализиб къиянси, якъинси ва пикрибарибси, (бекIбяхъси) ва дуруssi, дигайличила ва децIличила, дургъбачила ва даршудешличила, дигIянси ва гъарги саби. Илизир агара дегъдеш, иличи ургIебли, мури шинни парчбикIули саби. Илини гІамруличи гъира алкIахъули саби ва адамла бекIагардеш чедиахъули сари. Гъар бархIи берубси мучарии валхули беркайчи иштхI бетахъахъибилис хабарра агарли някъла хинкIала халдарира дяргIиб шинна хъабара кадихъни гъанаражхули саби илини.

Къяли-къяичи гъарбарили адамла тIабигIят, тIинтIли ва эркинни гІамру чедаахъес балуси магъирси уста вири ил. Дила пикрили, сай агарлихъалли, илала жузи, илала мер буцили, илини таманхIедариби пикруми дурули, ахирличи хIедикахъиби къасани дартараахъули дахъал кIунтIри кадатурти белкIани даймдирули дузули сари. Ил мицIирвирули ва кIийти гІамру илис лугули. Илван илди дукаркIули сари, адамтачирад адамтачи дашули сари. Экраннизирдли илала тIамаличил гъайдикIули сари.

Селрайчыб тамашала, илдазиб я кагъарла я типографиябала ширла гягI

агара: илдазирадли авлахъла вава-къарла, майали дашунти палтарла ва гъяшикунала цаарути чурхрала, архIяличибад чарбарибхIели бамсриахътъес къунзбируси айгъирла ва хъалчличирадли сагали бикъес багъандан пижларадли дурасили дура лайдакIиби палдала тъемани дурагъули сари.

Нуни вачавархибси жагъил, манзил-манзил хъехIбурушули ватихъибси ухъна, гъарли-марси жагадеш сегъуна бируси чебаахъес акIубсигъуна исбагьи ва вахъ вамсурдешли кабинализивад хIилхIи кацIили, хъусдарили лутIикъашми аркъуси шупир чебаасли ил гъалаилзули сай. Бируси саби чинилра сера чехIебиуси манзил. Илгъуна манзил: Эй, адамти, се саби хIушани бируси, ахъяя хIулби, хIеръая алавчар! – Эс дигули делкIунтигъунтира лер илдазир. Гъарли-марси художник илкъяйда викIесра гъягIиниси сай, сенахъенну ванзаличи лугIиагарли дахъал децI-цIум дяхIкаурли сари. Ил хIякъыкъят чехIебиуси художник художнику гъатIи? Илдачила чIярхIейкIули виадли, се саби хIуни адамтас гъалабирхъуси.

Шагъарла къакъалав декIси изай кайкахъибси илала ца жузлизивси герой бекIала къялшуба алавуцили сай. Амма «цIахли ахIену ишцад жявли бержили их куцличи викес» цали ирули, «гъаннала жагъилтазир урези агара» цархIилли ирули адамти шалгIербашули саби. Адам, сецад жагъил виалра, зягIипикес асубирни, адамличи се-дигара чебакIес бирни илдас гъанбиркули ахIен. ЧIянкIли ца ухъна сай ил зягIипли виъниличи шакикибси, сенахъенну ил мурталра адамтас гъяхIдешуни дирули, адамти гъанни уркIи изуси, мульминдеш лерси адам сай.

Абу-ГъяхIимад адамтази махикIусигъуна сай илди сахъли бирахъес, гъачам бакIибси балагъра чекадикибти зулмуртира чардухъесра асубиарну, сахъли диреная. Адам паргъяткайубли дигули ахIен илис, илбагъандан дунъяличиб зулмукарти, вайкъасла бегIти лебниличила адамтази хъумхIертажъес дигули сай. Илис адамла дагъри дузули дигули сай. Ибкъли. Сай дунъяла хужаим виъни багъахъес ахIи. Иличи ургIевли, сайра илала ца бутIаван. Ил балтахъуси ва ахIерабиуси магъирси уставан.

Илгъуна чевяхIси адам, гъямрула дурхъадеш чедиахъуси ишарат сари илала бекIала бурушличири неш, гъамли цIуръабири тури дурхIначил. Адамла гъямрулизибси бегIла гъядабси ва декIси сягIятлизир чериахъули сай илини черяхIси неш. Гъямру дaimти дирнилис ЧевяхIилли бекIисигъуна цIакъ гибси иgit. Сегъуна-дигара произведениела мякъла кабихъеси, гъяхIтигъунти иб-тачил цугбуцеси саби ил. Ил хIебиалра илала творчестволизиб, лугIилашал дахъал цархIилти акIишира илала къаламлиурад или пикриикIулра цацахIели ну...

Иш мерличиб Абу-ГъяхIимадличила белкI къяббердилри. УстIулла дубличир бекIадарити белкIанаачира хIеръили илини делчIунти кIапIри касибси мерличи, белкIанаачилти бяхIяни удили кадихъиб ва нургъба дицIибти хIулбачи явлухъ арбухиб.

– Наб хIу-декIар хIейгахъултив? ХIу хIейгахъули, чи дигахъусира наб?
– Нургъби душкили ил устIулла чеди бяхIлизибадли хIеркабикIуси, сунелара уршилара суратличи хIеризур, гIур мякълабси Хатирлайчи хIер ласбариб.

– Сен лехIкахъилтив?

–

– ХIед дила уркIи аргъес хIейгулти. Ну ряхъилра иш манзилла айгъиртала къяркъдешли. УрухIулра урши гъанни. Нуни сегъунтила гъайличил аргъахъ-

ес хIериус ит нуни бержибси урехи, ва ил секIайс сабабли хIела юлдашла хъали бетаур. Ну шакрикIулра секъяйда илдицад хъулри исулил илди замана мурднани. – Ил лехIахъиб, бара майалибатурси къянкъра бушкубли ил дамириуб. Се сабри итхIели хIуни ибси?.. Гъм... ГIе, нуни ира: «ИкI гъанна дурхIнала больница мерлабариси юрт муртрил энкъеведела бирусири ва илала подвалтазиб чум-чумра адам гIязабберкIибири ва кабушибири. XIу риадли ила рашулри.

- Ил декIарси анцIбукуь саби. Илаб дила уршилис къуллукъбурули саби.
- XIебиалли хIед хIейгуси иш хъали саби, наб пешкешбарни багъандан.

Рахли хIед ну хIейасли анцIукъунси?

- Наб?
- ГIе, хIед.
- XIуни гIяхIил балулри.
- Се?
- Дигахъулрил ахIенрил.
- XIебалулра. Гъанна хIебалулра, Баинат. ТашмишикIулра. Балулра ца гъятIи секIалра.
- Се?
- СекIун, иш хъали гъанси хIуни бехIбакIибси жал ца ити акIубси мехIур гъанбик саби. Сунезиб мягIни агарси. Гъар секIайзив ну хIед мутIигIварес багъандан пикрибарибси. ХIела набчибси цАкъ гъачам гъятIи чебаахъес пикрибарибси.

- XIу илкъяйда пикриикIултив?
- ГIе.
- ГIяхIси пикри буили саби хIебиалли хIела набчила.
- XIуни гIяхIил балулри, хIечила секъяйда пикриикIулрал ну.
- XIебалулра. Гъанна хIебалулра, Хатир.
- ТашмишрикIулра. Амма балулра ца секIалра.
- XIуни дила гъай пикримадирид.
- Се гъай?

– Илди гъанна дурибти... Буришав цацахIели наб се гъанбиркуил? Гъм... XIу черрерхи набчирадли, амма хIебурес хIейрус... Наб гъанбиркули саби хIед урши дигахъулицунра ахIенри, хIела диги иззайчи шурдухъи сари.

- Се?
- Сабурбара. Гъм... XIуни гъар шайчибад урехицун чебиулри. Мурталра урухкIулри. Хъали биалли, ил хIед Гелабад кабикибси урехила ишарат саби. Иш хъулир ахIи хIерхIериубрив гъятIи XIу, ва урехи ишаб ахIи чехIебаирив?
- Се?!
- Сен вяврикIулри.
- Илди се уркъубяжъунив?
- Уркъубяжъуни. XIуни наб урехила мерани гъандуршулри. XIу селичи-ларил балулра нуни. ХIела гъай туснакъла камераличила сари.
- Рирхаи, иличила гъанрахIебикиб.
- XIуни виадли мутрил ири дила илди гIямруличила мурталра гъанхIе-буршис или.

— Аллагъличира, наб иличил гъанра хъебикиб. Рирхай набчи.
— Илди сари хъела набчирти дигайра дуціар карцайра... Гъяхъли кален.
Наб дигули ахъенра хъечил ил секайчила гъайрикъес...

Ил аризур, алавчарли гъязизси хъер чедиберкъиб ва унзаличиряжъи ратрихъиб. Илис ил вакъайчи дурарухъес дигулри, сенаженну ихтилатличи, хаслира гъунибаъниличи, хъядурли ахъенри.

* * *

Дугикун берки гъергъи, къалабахъерикибули Дигаятли талхъяна дирциб. Илала къашмази замана-замана рирхули, сунесцун якынти мезли гъайрикъуси Заирара хъябсаруцили сунела начи дивайчир русулри. Гъямзилабси телевизорлизирад кинофильмизирти къайк-къуйкла чейхулри. Ил дугелира-хъерилира ташбиз агарли илкъайда сабри – бузули. Сарим-ази сагати хабуртачи бархъехъ лехъихъулри. Ил секалра илини бируси рахли Сабурличила се-биялра аргъишагу или сабри. Амма хабар чина аргъеса, гъятъира вачавархили, улкала бекъисра «Щегъя вяхъличи хъарбикиси пачалихъ язихъ ахъену гъарии» би-захъурли, сунела хъули чарулхъулри. Илавра вахъхъи кайес сабур хъебаили, сунела устаханализи увяхъихъулри. Дебали хъяжатси зугъяла хъебиалри, илавра ил вахъхъи виаркакъири. Иш дуслизир илини мирхъи чумал дус гъалабал, совхоз бехъайчира, бурахбарибси Урима анхъла Машрикъяла шайчирти сагначи ардукилри. Илар гъар журала вавнира лерри, удир, Кумли хъеркъла шинра, иларадли чедирти Муирала шимала сагнира гъамлири. Урима анхъла хъарличибад бехъихъили гъуцван заклизи гъуцъиухъунси Вацабяжъи унраличиси Къиблала дубурличиб бара гъашливан чебиули саби. Амма илала бехъличи ацибиси дубурла хъарличи чедивад хъеркъес вирулри. Илди-урга гъаяла гуми бигъунси биалри, къел минутли къалли дигалли итил шайчи, дигалли – ишил, ваяс вири. Алавибули укъялри къел сягъятра – сера гъягъинидирки.

Ила бархъи ургали, цацахъели къалли гъар бархъи Сарим виулри. Иш-дус шуцайчи кадикибти таакъни илис лергъер ахъерилири. Дугъярти янили хъябъилицад дебкъахъиб. Ухънани къанни аргъиливан, багъана бугъярдеш ахъенрину, таакъназиб багъарбиубси нер сабри. Илди дерцниличира ил ха-рили убкъулри.

Колхоз биурхъели бариси хъалира лебри илаб. Къанниван совхоз акъахъубла ил гъатъира къулайбарибсири, амма гъергъиси замана урцабиубси ил гъурра ухънани ункъбариб. Щябдешличи хъерхъели, ила вакъес гъала-гъала хъулухъун. Сарим-ази амма къапула гъала вали ил къиуркъиуб, ва чариуб. Хъалили симкъбушибисван гъанаур илис. Салиматла таамаличил. Илкъайда, чариубисван, мякъла кабихъили ваяхъи кадирхъуси гавлаг; хъарбитъ бара хъярхъи-барили, амма духъиарти берк-берж дурахъесили ускаири ил, чарпайличив, алгъай шайчи валкъи, гъянаучи хъарихъи.

Дигаятли талхъяна дирцили, рурси сири-краватличи кааркъиб, гъур лацла бухъина белшунси ужагъла гъалабси къантъиси уталичи карииси. Илкъайда дугурби гъунирдалтес бурсириубли сари ил гъергъиси, мурул командиров-каличи аркъунси манзил, сабира гъала-гъала ца-ца бархъили, гъур бузри дуйгъули арбякъунси. Гъергъиси замана илини бурхъини дуйгъули ахъенри, лехъикахъили хъерили кариилри. Гъаннара хъерили ил, къяпъдарили хъулби, гъаласайули. Сабурличилти гъунибаъниби, илала малхъямти дугъби. За мерличир гъанбикуни къябудар, сенхъенну камси заманалис рускалъян. Му-

эрлизивра мурул чеэс асубиар илини, амма ца сягІятра-сера русули кали, ил черсаргъур. Гъала-гъала рурсиличи ретулхъан, ил кIапIарили, кIелра юрт дигъунси балконничирад хъубешунала хъули ляркъян, гIур биалли, хъулив ухъна хIергибмад, устаханализи хIеррилзан. Илав ил усули варгалли, илини чевиргъахъе ва кайхъахъес хъули жири.

Илди илини къаннинан диру, гъанна ил паргъатси, амма саркъибси гъанкIли гъулачкаарилри. Чархличи, пIякъ-пIякъикили гъярбердесливан цIапIакунси вавнар хIева илини лебгIеб балбикилри. Алгъай хъушари кIапI-барили михъиртачи кабихъунси гъезла бабза чури, ил русахъес лявбикIусиван, ахъ-гIяшбикIули, иличил бусулри. Манзил-манзил мамали ухъусилаван, илала удибси кIентI чIипIирбулхъулри, гIур биалли, рисухIеливан зеррли руржес-бирхIулри. Ил хIеркIла дублар тIашли Сабурлизи жирикIулри илала тIама хIергъухIели, тIама агарти бисали рисулри.

Илкъяда, гъачам уршилизи гIур Салиматлизи жиикIули, тирхъ-гъанкIли уцилри Сарим-азира. Ил тирхъухъи чевиргъулри, чинав саял сай ал авчар хIерилзулри ва, нургъбала шаршавли кIапIдариби хIулби цIивдатурли, азбар хIерлис тамай гIячихъбайчи хIерикIули кали, сагали бекI гIянейчи гIяшбурулри.

БекI гIяшбарили, мурул адамла михъирла декIти бисали висулри Сабурра. ХIябрала дубла машина тIашаили нешла хIябличи кайили гъанна сягІятра-сера виублири ил. Илдачи хIеруди бузахъуси ГIусбан-азини чебаахъиб илизи ил. АвиЦали бархIи савлира бархIехъра къулгъу барбисира илини сабри. Ухънани илала бисала дикъули калун, гIур тIама детахъиб, амма селра хIейкIули ватур. Сабур ветахъниличила илинира хабар аргъилри, амма къисматла уюнтачи хIякъикъатлизив чуйнара вяхIягибси ил чеибхIели, бекIлил уркIxIевхъун. Илбагъандан сайри ил сай паргъатиайчи ватурсира.

Бисали велкъи, амма уркIилизирти цIа бара хIярхIдарили гъамиуб ил ухъначи. УрчIемЦали дусра-сера виублихъалли ил сакIубсири, сунела зугIяла цархIилличи хъархIебарили бири сунени, шантала хIяжатдеш, чилра чархIерили, мурадли биахъи. Гъаннара, я ухънадешличи, я гIяргадешличи (ил ца къяшлизив валкIари) хIерхIеили, Сабур гъамиубмад ил айзур ва, гIядат барии, алхIям белчIи, пашмандеш багъахъур.

— Кайи, азила, иша, — иб илини, зехниличи кадихъиби гIянулбазибад ца, сунела мякълабси, бабза, чебиахъули. КIелра халати бурхлиур тугъли кадихъили лерри илар зехнуби, скамейкаби ва къасурби къулгъуличи башути кабирахъес или. АйцIути унзала балуй шайчиб сабри хIябрачи хIеруди бузахъанна тавхана. БухIнаб буцIарли-мага бииши, илбагъандан азили дурраб ихтилатбарес пикрибариб. — БалкIа галга агарси вацIа хIебирар, азила, ца гIяйиб агарси адам хIейрар. Илди лукIусира ЧевяxIси сай, хIела нешли пергер гIямру деркIиб, Алагъ чевверхаб сунечивад. Алжанала агълу рараб, — илини къантIли къицIбарибси музIурличирад цалис гIергъи ца кIелра хъат чедидеркIиб. Илала дяxI бяxIчиси, зузбитIи урхъуличибI арбякъунси сиртла къакъличир къицIдариби ялан тIашти галгубала гIелаб багъарбиубси веcIну шурала бацли шаласаахъур. — Дудеш агарси цайна цУръа сай, неш агарси — веcIна, бикIар адамти. Ил бархъсира? Ил агри гIур бирар иргъусира. Амма гIямру — гIямру сари. мицIиртас хIербиэс гIягIнили саби. — Ил Сабурличи ласаяхъиб. — Хабурти, азила, дахъал лерри адамта дурули, цали ит цали иш бурули. Се биру, адамтази мухIлуби дуцахъес хIейрар. Къапу гIекIес вирап,

амма адамла мухлли – хIейрар. ХIу чарухъни хIелара хIела хъалибаргларацун игъбар ахIен, азила, лебилра шанталара саби. хIела гIяхIдешли сари ишди бурхри тIашдатурти, мактаб бариси. Аллагыли гIурра гIевуцаби хIу. – Илди гъай тамандиубли-хIедиубли лерли, Бац ялла чедиб тIашбизур. Ухънани иличи хIерикIули балга шипIирбари.

– Укъен, азила, укъен, хIечи хъалибарг бахъхIи хIерли саби. Вамсурси гъункъяс буруш саби гIягIиниси, гъай ахIенну. Се биру, бикIуливан, ухъна гибандили хIелукъан, жагъил – гIямрули. – Илини Сабур машинала мякъла ваайчи гъунивватур.

* * *

ЗипIяхI гъала-гъала числарга гIяхIхIейзес хIейрар, сенахIенну гъар дев гIячихъли, саркъахъили бурули, урга-ургади илини бурусилизи масхара гъудурбиру, ва, сай гъалав гIякикIар, дукелцIи даймдиру, хIятта чилра гъинчалра хIейзалра. Илини дала литератураличила гIядатла адамтас тянишли ахIенти дугъби, дугъбала цалабикуни ва абзурти пикруми. Илбагъандан лехIихъусилис дахъял далуси сай или гъанхIебикес хIебира. Амма илала белкIани делчIун-сила алкIуси цаибил сувал саби: «Иличила чили хIебалуси?»

Хатирла иличи мурталра уркIи кабизурси ахIенри, сенахIенну гIядатла ца ихтилатлизиб илини Абу-ГIяхIимад хIятта ца ургабси даражала писатель ахIен или. ГъатIира тIатIухъунсири, ГIямарла Батирай поэт ахIен или белкIунхIели ца газетализи. Гъайгъайра, илкъяйда пикриикIес илала ихтияр саби, амма бурибси пикри гъалли кабизахъес гIягIинили саби, кабизахъес хIейалра, вегI илкъяйда пикриикIенилис сабабтира, хIятта гIядатлисалра, гъаладихъес чебси ахIену?

Илди пикруми алкIулри Хатирла бекIлизир ил чеибхIели ва илала белкI белчIунхIели. Гъайгъайра, илкъяйда авара агарли, къяркъли даргала литературала бегIла зурба вакилтачила гъайикIенилис хIекъли якъинти сабабти лер. Илдазибад цаибил, цалилра илис кагибси, чебетаахъибси жаваб хIегни сабри.

Жузлис илини кабалтуси кымат ца бара чедибахъялра илала белкI аргъес вирулри. Илини белкIла бухIнабуц гъаб-Гергъили тикрарбиру, гIур, ахирли-зис сунела хIукму дурайсу: иш гIяхIси жуз ахIен; гъарбизурси произведение ахIен; ил белкIес гIягIинили ахIенри. Илбагъандан сунези сай, Хатир илис «Жугъан литератор» викIулри.

Илала белкIлизив узулри ил гъаннара чумал бархIи. Жузлис материал агни жявлил якъинбиуб биалра, ахирличи бикайчи белкIес дигулри, цазаманализир ил хIекъдеш марбарести далилтира лукIулри, хIятта селичилра вирххIерни балули виалра.

Кабинетлизи ухIнавхъунмад Хатирли ил васвасикIини багъур: бекI, ухIнавхъи веңIал секундра хIедикибкъи, чуйнарил гIелабяхI гъакIбариб, ил секIал, гIядатли биубли, андаличи гъез сурдухъалли биурули биар, илала гъез биалли къантIлири, салам гили, лезмиличил чедирти цулби агарси тIярхъи, гъабариб; гIур биалли, сегъунарил масхара бурили, ахъли гIякбахъиб. Хатирли сай гIевхIевци чебаили, дукелцIи гъинчIличи шурдатур, гIур гъинчIра бетахъахъиб. Цулби агни хIебагъахъесван, илини супилра, чедибси кIентI

тамай кIапIбаралри. ГъайикIухIели илини удибси кIентIличил супилла гъезра дубша супIдирулри.

— Кайи, — иб Хатирли, илис някъ гъабалтули. Гъай кофе, яра гъатIира чумаси! Се бужида?

— Гъайгъайра чумаси! ХIя-хIя-хIя! Илкъайда бирадли къалли гъар бархIи ца белкI бихис хIечи нуни. — Супил супI-чIупIбариб илини, къяшличи къашра кабирхули.

Хатирли Гъямзилабси биштIаси холодильник абхъиб, нусила бутIначилис биштIаси сукура, байхъукабаиси гIяркъила шишара касили, гъала кадихъиб, чеди бекIудидарили кадихъиби рюмкабира тIулбачир жибжирдатури гъала хиб.

— Гъу, дерхъаб! — иб Хатирли, столличибад касайчи илизи къутIбалтули. Ца гъакIли бержили илини сунела рюмка гъараҳъли кабихъиб, ЗипIяхIлис ца гъатIи картIиб. — дила гIурра дахъал хIянчи лер, илбагъандан бужули ахIенра, хIуни виадли ца гъатIи игъа. — Хатир илкъайдара или сунела мерличи чарухъи кайиб.

— ХIела белкIличила гъайдикIахIелли, — даймиуб ил, — дила ишгъуна пикри акIуб. Нуни ил бусягIят. ХIуни бержа, набчи хIермайкIудну.

— Илини хункIлизи хъехIбушиб. — бибГян-хъяшси, тамашала ахIенси гъарли-марси поэтлис селра гIягIнили хIебирар. Чихъси мягIнала ва гIамрула хIекъдешла урхIмешуахIенси сурат хIела гъалар тIинтIкайрар илар гъигъли дяхъибмад, илис гъалар сесад мискъиллатили диялра сари. Сен? СенахIенну — илала уркIила дунъя таманси хIекъдешла даражаличи абикили саби ва ил идбаг сай ил дунъялизив. Илдигъунти илала шулгIибра биэс бирар,amma илдани саби илдигъунти биъни балуси ахIен, ил поэтли бала. Ил цархIилтачил вархикили далайикIуси ахIен, сенахIенну сай вегIси, сунени акIахъубси далай саби илала. Сен? СенахIенну поэтдеш рифмализир, мешубуцунала жагадешлизир, сипатбируси дунъялизир, секIал чебяхIбирнилизир ахIен — рухIлизир сари, хIулбазирван нур лерти рухIлизир.

ХIуни гъалабихъибси белкI, нуни гъалабван гъанбушибачила, чули саби поэтунази, поэтдеш лергази къалли сеннира, халбирутала жузачила саби. Се чебаира нуни илаб? — ЗипIяхIли гIяркъи держиб ва гIергъи шин хIупIдариб. Илала супилли дуцибти шинна ца кIантIра гъала убяхIикиб, гIурити илини супIдарили держиб. — Пикруми чедаира, буйрухъуни чедаира, гIяйибти чедаира,amma, хIу чевверхи, ЗипIяхI, произведениеи тIинтIли хIердарили, илдала хасдешуни чедаахъес бариси хIянчи чехIебаира. Наб гIелав гъайикIес хIейгахъис, ил багъандан хIела дяхIизи дила пикри бурулра. ХIу сагакъянчи виубли, гъанналaub нушала литературализиб хIебиубси тяхIярличил узен викIули ахIенра, хаслира бекIли ахIенра хIу левсиличив ахъиубли, агарси баргая, хIебиубси биахъес ургъен, руржен, рурхъен, сенахIенну или викIес набзиб ихтиир леб — ну или викIеси дарражаличивра сайрану. Или викIес багъандан, декIарси мулк-дунъяла адам виэс гIягIниси сай, чули, адамтани лерилра гIягIнити ихтиютира чеблумира хъардарибси, чула байрахълизи халируси. Илбагъандан... — илини буруси къябаиб.

– Хуни ЗипІяхI, – даймиуб ил, – цацабехІтала тугъачила илцадра къяркъси пикри бурулри, хІятта цацахІели ил, лерилра адабла дазурби дуи, ил увяхІирнила урдализив вагъариулри. Масала, се ибси авторлизибад бурхІердешла гягI пухІбикIули саби ибси? Или викIес асубирузив? Хъунул адамличила? Сецад-дигара гъаргли ва дигІяндеш хІебатури дигайла дунъя сипатбараб сунени? Жагадешла ва гъаргдешла дазурбазир сари Есенинна дигайла назмурти, амма иличилар къалли хІебурид хІуни илгъуна пикри. ХІятта иличилара тяп илдигъунти пикруми дурули ил къадагъавариси манзил биубси биалра.

Гъм... ХIу ишав, дила юлдаш, хІябкъяйличивси постовойван сайри, Терхъаличил лебазилра гъуни чебиахъули. Гъайгъайра, абзур жуз цаван, ца даражаличиб вайтIа саби викIули ахIенра ну, амма, абзурли касибхІели ил, ташмишхIейкIули кабяхъесли ахIен.

– ХIела пикри аргъира. Нуни дила белкI чарбарни тIалаббиулра. – Ил айзурли гIелабяхI ганз кацIиб. – ХIушаб гъанбиркули бургар ит буйрухъунала ва къадагъумала дунъализир нуша лералра или. Юх, хатIадиркулра! Нуни ил кабилзахъис! Биха иша! – илини някъ гъабатур.

Хатирли папка илала гъала кабихъиб ва, някъ шишаличи арбухили, иб:

– Ца-ца гъатIи хIедужехIев?

– Дила ужес замана агара!

– Аркъянила.

– Ил агарлира аркъяс! – ЗипІяхIли папка касили портфельлизи къузбариб, зумали гъигъикIули, унзаличивияхI ветухъун.

– Нуни ца бужис, – иб Хатирли, истакайзи гIярякы картIули.

Дерхъаб.

(Хъараҳъуд гIурла номерлизиб)



Проза

Хадижат
ХИЯБИОВА



ГЪАИБИЛ ДАРШДУСЛА ГЬИГЬ

(хъарахъуд)

Илдала ургаб хъунул адамтира лебри, биштати рурсбира. Гъез дяхIличирад даткадухъунти уршби сабил, рурсби сабил багъесли ахIенри. Гъезла ургарад биштатала хIулби гъимиличил лямцIдикIулри. Ил лямцIлизибад аргъеслири адамтала къас, чучив чилра къугъна хIеркъахъни, саби урехиагарли бяхIес хIядурли бъини. Гъалабти муйлачи урчи дяхIдарили хъалли, цалра вебшес валхIейзур, бяхIчили батбихъиб. Ханжуклтачи някъби ардухиб. Илдала хIулбазир цIара шинра дахъдиубли, гъанна илди, ЧичIлума агъуван, иргъу или гъанбикеслири. Ца шайчи ласбухъес бажардихIебикибити биалри, «халкъла вакилти» лебилра кабушес асубири. Чучи бяхIчили лябкууси урчиличи кIел жагъил тIяхIбухъун, урчиличивси хъускяхъили кайкахъиб ва кавшиб. Итил кахIевшили ватахъур, шантала къади ургавхъи. Калунти гъаббухъун. Илгъуна пунт биубсири Санчила шилизибра. Дяхъи-хъаслизи бикили гъаббухъес бикилри хIуллантала лебдеш кебасес бякъунхIелира. ТIама-гъама ахъдуциби шимала халкъ балтулри, халаси пунт бехIбирхъу или. Налогуни сайсескаби-иб. Гъар мераначи тракторти дархъилри. Тракторли ванза дуразливан ахIи, гъяхIцад мурхъли балцули чебиулри. Шимала хъуми ярга-яргали далцулри. Ил секIал чебаэс Къайып валли вякъун. Тамашали хIерикIули тIашкайзур. Чули абзурли баз балцууси хъу, ил шанда бугъали чумал сягIятли бацун. Къайыпла пикруми тракторли бусягIят дарсдиахъуб. Гъанна сунела ванзурби дузахъес бирниличи умут лебри. Хъули чарухъунхIели, Къайыпли тракторличила Патухлизира буриб.

– Гела замунтала гъяламутуни сари илди, – рикIулри Патух.
– Наб ил трактор гъяхIбизур.
– Ну шагъунти гъядатла адамта илгъуна секIал барес хIебирар. Халаси пагъмула адамли бариси бургар ил, – викIулри Къайыпбег

БархIехъла замана байлри. Султанат ахIи хъулир аги. Къайыпбегли Патухлизи хъарбаиб:

– ДурхIини чинаба, цIябдиулигу?
– Нунира балули ахIенра, илди чинаб башулил, – иб Патухли ва чеди хъулирси Султанатлизи жирикIескарииб.
Султанат цабил дерхIличи карацIиб.

– Узби чинаба хIела? ХIуни хIебаладу, чина арбякъунал?
– Чи-сабил бакIибти леб, жагъилта тIалаббарили саби, – бикIули лебри,
ила бякъи бургар.

ИлхIели Айбикара дурагурухъун. Султанатли бурибси илинира гIеббуциб.
Илди гъайбикIули лебли, кIелра узи бакIиб. Илдани буриб, бакIили шагъар-
лизибад хIякимти лебри, жагъилти цахIнабяхъили комсомол алкIахъулра
бикIули. Бахъли иргъули ахIенри илдани дуруті.

– Дила дудешли бурули вири, гIела замана халкъ дебали абирхур, тамаша-
виясли дахъал секIал дакIудираар или, – рехIрихъиб Патух.

– Бетаэс гIягIиниси бетаарар, – иб Къайыплира.
УркIи-уркIилабад сагати гIяламатуначи къабулли хIебиалра, илдачи
къаршили гъайбикIути камлири. ГIябдуллатIиплис сагати гIяхIидилзулри.
Тракторличи биалли лебилра разилири. Халкълис гъамаддешуни алкIахъ-
улри. Колхозлизиб бузулри Къайыпла лебилра хъалибаргра. Савли башули,
бархIехъ чарбирулри. Дебали семцIурлири Хайнутинра. Ил гъалабтала
къяназив сайри.

ХIямид МяхIяммадли урухварибхIейчивад хъуливад камли дура ваши.
Сунени дарибити цIахдилзули, адамтала гъала дурахIелхъаниуб. Къайыпхъ-
ала мура цIали дигубсира ил сайри. Убатурси бахча заябарибсира ил сайри.
Чинилра чехIеиб. Чинилра хIегъур. ГIябдуллатIип кавшнира балуси агира.
МяхIяммадлира чизилра хIебуриб. Илала гIяхIгъабзадешлира ХIямидла уркIи
тамай барсбиахъуб. Илди секIал сен даририра или, сай сунези суалухъун.
Къайып чеалри, илала уркIи тамашали бургъес бехIбирхъи. ХIяяли ХIямид,
урхъначибси къаякъван, ита-иша вирхъулри. Ахирра зягIипикиб. ЗягIипдеш
дахъхIи зуздитIун. Ил чеэс адамти башулри. ЗягIипсира, ухънара, виштIасира
– лебилра шантала саби. Илди тухумличицуң хъарбирути ахIен.

– ХIямидличи айцIус или левсиригу, – иб Къайыпли Патухлизи.
– МяхIяммадли къалмакъар дарила, гIур нушачи хIекIиб къалли ХIямид,
– иб Патухлира.

– ХIебалас, сен нушачи хIешаниубсил. Нушани сунес вайси хIебарира.
– Гумайлизивра камли вирав, гъалав гъар замана чейули вири. ИтхIейчивад
чеили ахIенра.

– Гъанна сен сабира илала аги? – хъарбаиб Къайыпли Патухлизи. Патух
шичи рякъунхIели, хъунул адамтани цализи цали дурули, шилизири гIяхI-
тира вайтира далулри.

– ГIяхIил ахIен. Ил бархIиличи бархIи усаликIули сай, бикIар.
ЦIябдали хъалли, Къайып, мазала ца урдурра бухили, ХIямидличи ацIиб.
ХIямид дебали варсиублири. Бурушлавад ахъиэс хIейраниублири.

– Буруш хIебетIилив гъари, ХIямид? – вехIихъиб Къайып, ХIямидличи
гъамиубли, илала някъ сунела кIелра хъатла бухIна буцили.

– Айзес хIейраниублира, Къайыпбек. Аллагъали вайси хIяйчи икахъилра.
Се бирусил, сейкIусил балули ахIенра, – ХIямидла тIама гIяшлири. Гъайи-
кIес къияннири. Къайыпла дяхIиличи хIерикIес хIейрулри. Къияндеш сели
бакIахъибсил, чIянкIли суненициун балулри.

– Шукру биаб Аллагълизи. Аллагъали лайхIейкIури хIу. Белики Аллагъали
хIедра гIяхIдеш хъурабарес, – иб Къайыпли, уркIи-уркIиларад ХIямидлис
гIяхIдешра арадешра дулгули.

ХIямидла рурси ГIябидатли Къайыплис назбалиш гIянала ХIямидла бекIла

мякъла кабихъиб. Къайыпли илизира шилизир кадиркути дарсдешуначила, тракторличила бурескайб. ХIямид иличи лехIахъили, изала паргъатбиусив сабри. Къайыпбег ХIямидлизи уркIи-гъаргли гъайикIулри. ХIямидли биалли иличи хIулби ахъдуцес хIейрулри. Сунезирад дахъал вайти секIал кадикили хъалли, ГIябдуллатIип кавшниличиван ил пашманиубси секIал бетхIеур. ХIямид виштIахIелил вайта виркъес балусири, Къайипхъайс ахIи, цархIил-тасра. Дигалли сунес гIахIхIейзурсила мурал цIали иги, яни къяркъси биалра, дигалли душар шиннизи зе гъудурдарили, хIячмау кертIили, галгуби дурахъи, чумал хIяйванра кадушибсири. Сецаад адамлис вайси барили хъалли, селра хIебарибсин, уркIецидухъеси куцличил сунени вайси бариси адамличил, гъайикIули, маслигIятуни дурули, ил гIевурцули, илала мякъла кайри. Сен-сен адамтачи гъимичевсил, илдас вайта сен виркъусил, суненира балули ахIенри. Къясдешли, къикIли урцулван, угулри. Ахъиэс хIейруси даражаличи викила, кел баз ардякъи сарри. БебкIа иличиб дукаркIусигъуна сабри. УнабурхIиличи абицIули, хъули бухIахIебулхъули, арбашулри. Илцад ГIязабверкIес мижит цIали бигублив, гъатIи? ХIулби къяпIдаралри, хIулбала гъалав ГIядулатIип тIашкалзи, ва сунечив дукаряхIисбин, ветихъи. ХIямидла рурси ГIябидатли чуйнара сунела урши Расул Мирзакъадичи вархъиб. Инжитдеш халаси чебиухIели, Мирзакъадини ХIямидлизи тавбаличи кайахъес буриб. ХIямидли тавбадариб, амма кункдеш хIебиуб. ГъатIира вайси даражаличи виркулри.

— Гъар замана шагъадат уркIиличибад армякъяхъид, къулгъу-алхIамта учен, — викIулри Мирзакъади. ХIямидлира сунес кункдеш биахъес Мирзакъадини ибси бибулри. Ил цацахIели хъаван гъямикIулри, бецIван авикIулри, тIимкълизи бикихIели ГIяраван, ахъли чIярикIулри. Бурушлав цIаличибси чIичIалаван, пялхъярикIулри. ГIябидат урухриубли, гIурра Мирзакъадичи дуцIрухъун. Балгна риркъи, Чедивилизи тиладирикIи. Рурсилис дудеш ясин агарли вебкIили дигули ахIенри. Ясин агарли убкIусилис шайтIай агъула стакан лугуси саби или бурулри. ХIямидлис агъула стакан шайтIай ахIенри лугуси, сунела баркъудлума сабри. Чилра илис вайси адам сай викIуси хIейри. Иличи гъарилла уркIецидулхъули. ХIямид чеибси адам Аллагълизи улгулри, камсилра къулайдеш биахъес, илцад ГIязабхIеркIахъес. ХIямидла уркIиличибси ГIянд гъанна убкIухIелира арзес ГIягIнилири, амма урухлири, рагхи сай вагъалли, ГIябидатла дурхIинас чили-биалра чеббирцIу или. Сунечила вайси хабар кавлан или.

ХIямид гъачамличив гъачам изайра децIлира декIикIахъулри. Пикрумала декIдешли гъар биркIан, ГIяшичила вацIаван, кIапIкадарилри. Чумал дус келра узи ХIяпизра ХIямидра гъайбикIули ахIенри. Мирзакъадини илди даршубариб. Адамти цаличил ца гъайхIебикIни (илис хайдакъланти къуцI-ЦIамкъедхь бикIар) халаси бунагълизи халбируси биъни келра узизи аргъахъиб. ХIямидличи ХIяпиз илала гIергъи вашаниуб. Мирзакъадини хIялалдеш саса адамтазибад алри, ХIямид мурхъли пикриулхъи.

— ХIялалдеш сасес вирусу, нуни дила ГIямурулизиб хIялалси хIебарили виасли? Чизи хIялалватаба викIусира ну? Нуни дарибити дагъалли, адамти се бикIара? Балу-балули дарирагу нуни илди. Я къагъли ахIенри, я бержили ахIенри.

Нясибулси секIал шинни бирцалли умубируси саби. ХIярамбулси секIал нигетра барии, ГIянжили верхIина баргкаалли, хIялалбируси саби, бикIар. УркIилизири хIегъ, зам-замла шиннизи даршна нигетра барии, верхIцIай-

на Гянжили даргкаили хъалли, умухIедибу. Сунезирад кадикибти уряхIти баркъудлуми сели ищутил балули ахIенри Хямидли. Чизи хъарбиуси? Чизи дурути? ВегIла дярхълизиб хъебиубси, урхIла азбарлизиб буару? Гъяму аркъуцад, ил сай сунени ГъязабуркIулри. ДигГяндеш бихIесра къиянни буили саби. Ил гъаргбарес гъатIира къияннири. Вайдешуни дирухIели, Аллагълизивад уруххIейубси, гъанна Аллагълизивад урухIаниуб. Жагъаннабла цIализив сай уцIули муэрлизив вявикиули, чевсаргъулри. Сай дураухъес вирихIели, къулгъу-алхIямти дучIули, дехIибайчи хъараҳъиб. Багъали вашули зикруми, мавлидуни урдалтули ахIенри. ЖагъхIели сунела лебси Гъяку, цАкъ урхIис вайтани виркъули харждариб. Амма жагъхIелира ил лехIкахъибси вири. Им-цIаси гъай илизивад бакъибси хIейри. Илала я ГъяхIли хъебири, я сай ГъяхIлад хIеши. Лебилра илис Аллагъла валигъуна адам сай бикIулри. Гъяму аркъуцад сунени дарибити уркIилизир, хIеркIлизирти къаркъубиван сарри. ХIеркIлизирад къуркъуби урасес вирилли, тавбадаресра вирап. Аллагълизи чевверхни тиладибирулри, амма сунени вайдешуни дарибити адамтази чебберхни тила-дибарес хIейрулри. Сунела гъарил баркъуди дурабуркIухIелира ил урухлири. Урези илхIели ХIямидла аги. ГъябуллатIиплис игъубхIелира ил урухлири. Урухлири сен-биалра СалихIли, Къайыпли бала или. Амма илдазибад урези аги. БалгIяличи бегIгъалав музахъун. Селра хъебиубсисин, гъайра икИи. Илдала гъалав децIикИи, цацахIели виси. Сунела цIивдизурти духъутIа-ранг гъудурти хIулбазибси лямцI дигГянбери, ил лямцIли сай увведлугусиван. ЦацахIели сай чеэс вакIибсилличил, вирукъи гъайикIули ахIенри. ЧIянкIли Мирзакъадизи: – Гъай, Аллагъ, се барышара? – тикрарбири. Мирзакъадис гъанбиркусири иза цАкъдешли илцад кIантIиварили сай или. Сели сайри ил илцад кIантIивиахъубси ХIямидли суненицуун балули.

Сунела ахирла бурхIни гъамдикIухIели, лерилра сунени дарибити уркIиличи дашулури, яни беркесилигIир къяйцIидикIути къянбала хIенкъван. Изайчib уряхIти баркъудлумала Гъязаб цАкълири, Гъядаблири, декIилири. ЦацахIели илди пикрумази ил илцадра мурхъирки, хIятта сунела гъала кабихъили бегIлара гъамси адамла жаназа лебхIеливан агъивикIули ахъли виси. ХIямид ухъалав диркъибули кайхъесалра вирили ахIенри.

– ГъябуллатIиплис игъубхIели, итхIели нура вебкIибси виаслири ГъяхIсири. Я, Аллагъ, уркIецибара набчи. Я, Аллагъ, чевверхи хIела лагъличивад. Тавба Аллагъ, тавба, Аллагъ! – ХIямидла хирхирбикIуси тIама сурслизи барцБикили, илаб кавли, адамтази хIебикъахъи. Мирзакъадини дурибити биалли ахъли тикрардирулри. Ил, патихIя агарси цЕлда, гъанна таманни кIантIивиублири. УбкIули сай или вявдеш ахъдуили, ясин белчIахъес Гурра Мирзакъади тIалабвариб. Илини «Ясин» белчIун, амма бусягIят паргъатиубси ХIямид, цАла чеди лайбакIибси чIичIалаван, пялхъярикIули, хамха ца мерлаб тIашаэс хIейрули, лугъуси Гъяраван, вявикиескайб.

– Шукру биаб Аллагълизи. Дебали къияйзишли леври хIу, ХIямид, – иб Мирзакъадини, язихъилзули.

ХIямидли бекI ахъбуциб:

– Агъуалра дихагу, Мирзакъади, бахъ духIна адалкун цIали игулрану.

БекIа къулайси саби, ишгъуна хIяйчив виесичиб.

– Тавбадара, тавбадара, ХIямид. Аллагъли бириусиличи къабулагри балахъуси ахIен. Шукру балген. ХIу бунагъла агълулизи виркулри. Шукру балген Аллагълизи, – маймайвариб Мирзакъадини ХIямид.

Хъа бухІнала зайдикІахъули, Мирзакъадини чумал тулкира дечІун. Дахъ-
ал насихІятунира дуриб. ПаргъатиубхІели, Аллагъла уркІеңИлиув ватурли,
Мирзакъади хъули арякъун.

Шукру Аллагълизи, сунени даритачи ахирра пашманиуб инсан. МукІурли
сай. урухли сай. сунени даритала чилра бикъри агарли или, гъалав къядыа
разили ахІен ил, сай сунечи бикърили калзули сай. ГъябуллатИип каршули
чейбси адам сунечи гъанна вакІили, ил адам хІуни кавшири алли, кавшира эс
хІядурли сай, сай мукІурхІекІнилис сецад дахъал секІал бара гъалар пикриди-
рули виалра. Вебкес гъалар илала гъаларла урехи детахъиб. Гъаннала урехи
гъалартигъунти ахІенри. ДекІартири. Ил илцад инжитирихІели, Мирзакъади
викІусири: – сунела бунагъуни иш дунъаличир ихъули сай.

Гъаларла урехили пяхъикахъили, селисалра мутІигІдеш агарли вихІиб.
Гъанна мутІигІиахъуб, мукІурвакІахъиб, пашманиахъуб. Ил цАкъла урехи-
лиув ХІямид дусличивра имцАли калун. Ахирра ил цАкъли гъирварибсин,
Мирзакъадизи нургъба дицАхъили хІулбира, руржуси Тамаличиил Гъябул-
латИип! – иб.

ХІера, ил гъаннара набчи вакІили, дукаркІули. Сен ну кахІевшили аркъул-
рив? ГъябуллатИип, наб дигулра гъанна ну хІуни кавшили! – ХІямидли бекІ
цашалбариб ва бусягъят таманиуб. Мирзакъадис ясин белчІесалра уркІиличи
хІебакІиб, сенкІун ил бусягъят таманкайуб. Илгъуна даражаличи викили
Мирзакъадини ХІямид чуйнара чеиб. Гъаннара ил убкІар или гъанбикесли
ахІенри. Бахъла бебкІала бикъри сайси Мирзакъадини илала гъайла мягІни
мурхъхІебухиб.

ХІямид вебкІибхІели, илала бухъянди умцуру. ХІяб биркъахъес адамти
бархъиб. Рурсили къаниларад ца кІанализи дергурли дудешлис хІядурдарибити
ахиратла палтар – капайс хІядурбариби чіянкІи, хІяб буркъибтас явлухъуны
ва цархІилти секІал дурасиб.

ХІяб икъули ГъяхІцад мурхъбиубси замана, хІяблизир кІел чіичІала дакІу-
диуб. Илди кІел чіимла духъянтири, тІулван дурштири. Хайдакъла мер-му-
саличир дахъал журала чіичІлуми дирути сари, хаслира диркъаличир. Дигалли
агъула-бекІличир духъутІа кІунтІрира сарира. Адамличи къаршидикалли,
цабагъали кІел къалила бегІ лезми дурабатурли, тубикІусин бируси. Илини
адамлизи лезми чехІебиахъу. ГъярцАби – урцути. Дуршти – мукукрапти,
мазалагъуна бекІличилти. Мукукрап чіичІала чебаиси адам хІябал бархІира
мицІирли кавлуси ахІен или, буру хайдакълизиб. Мигла галгубачи адацІили,
гІянкІализирад декІархІедулхъути чіичІлуми дусули къаршидиркур. ХІун-
тена рангла дира, духъутІаби дира. Илди имцАли дүцІрумла арши-мурала
замана къаршидирки. Къанти Гебшнила замана, дяхІи барихІели, чіичІлуми
чедаибти ахІенри.

КІатІали ахъдуцили илди чеди лайдакІиб. ЧіичІлуми къаршидикалли,
кадуршули хъалли, цалалра илди кадушес уркІиличи хІебакІиб. ЧіичІлуми
адамтазирад урухли ахІенри. Илди адам валутигъунти ахІенри. ХІяблизи дух-
надухъун. Адамта чеди лайдакІиб. ХІярила дура лайдакІиб. ХІяб биркъубли
таманхІебиубли лебли, дакІили, хІябла духІна тІяхІдухъун. ХІяб икъутани
гІурра илди лайдакІиб. Гъаракъливан кадизурли хІердикІули калун, гІур
хъусдухъи хІяблизи духІнадухъун. Ил секІайчила бусягъят Мирзакъадизи
багъахъур. Мирзакъади илди чедаэс вякъун. ЧіичІлумас хІяблизирад дура-
духъес дигули ахІенри.

— Датирай, — иб Мирзакъадини. — Аллагъли хъуракадариб. Аллагъли урасера вирап.

Мирзакъадисра, калунти илди чедаитасра чичилумала кункдеш тамашабизур. Илди хъелхъначир кунклири. Арцуртин пялхъядухъи, цашайчи Ташкадилзи, гүрра кункли хъябла духIна кадицIи.

— Хъяб къянни башуси адамти бируги саби, амма хъябллизирад чичилуми дакIиб или гъанналис нуни бакъиби ахIен. — ВерхIцIали азирна шукру биаб, Аллагъ, хъези, хъела къуват цакъси саби. ХIуни барес хъейруси сера агара, нушани барес дирусира агара, уркIеци бара хъела лагъличи. Дурхъати ятунира делчIи: «ПатихIя» иб ахъли Мирзакъадини.

— Иш секIал халкълизи тIинтIбарес гъягIили ахIен.

Мирзакъади арякъун. Хъямид вирцили умувариб. ЦархIилтас дирути гъядатуни илисра дариб. Учибикити адамтачи шурхъи, — хъялалватиная Хъямид, — ибхIели, гъарилла уркIбани цаван ибсири. — Сен хъялалхIелтуси ил Аллагъла валигъуна адам? Чис вайдеш бариба Хъямидли? Амма Мирзакъадила уркIиличи бакIиб сунела дудешли бурули калунси хабар.

Аллагъла малайкуначи ца адам тавбаличира керхурли, дугъаизурли сай, се барес гъягIисил, сай алжанала агълу виэс багъандан. Малайкуни илизи бикIули саби:

— Пулан мижитлизивси къади кавша, хъу алжанала агълу вируд.

— Ягъари, къади кавшес вирапу? Къади кавшалли, алжанала агълу виэс вирапу? — васвасикIескайли сай ил адам. Гүрра дугъаизурли сай.

— ХIуни нушази хъарбайри, нушани хъед жаваб гира, — бикIули саби малайкуни.

Ил адам гүрра пикрикIули сай, шантала къади кавшес вирапу или. Се-дигара биаб или, арякъ сай мижитлизи, ва ил адамла вайлизи виругIев шушкали бяхъили сай. ДехIбала дирули кайзурси къади, вайла чедила хя ветаури, вайла удила жакъя ветаури гъавухъи сай. Адам сегъуна саял валуси ца Аллагъ сай, шукру биаб сунези. Чини балав Хъямид сегъуна сайрил, мижитлизивси къади чи саял хъебагъурси? — пикрикIулри Мирзакъади. Амма илини сунела пикруми ахъли дурули ахIени.

Адамтачи шурхъи, Мирзакъадини Хъямид хъяблизи ухес гъалавра хъялалватахъур. Ил кайхъибси ганзи къулгъни делчIи, хъяйна ахъбуцахъили, хъяйна патихIяра барии, жаназа хъулибад дурасиб. Рурси ахъли рисулри. Иличил барх тухумти. Ши-шанти бисули, Хъямид ахирла архIяличи гъунивватур. Лебилра халкълизибад хъялалдешра сасили, Хъямид дунъяла агълули къабулвариб. ГъяхIли варибу, вайли варибу, чисалра якъинни ахIен.

Хъямид калтухIелира, чичилуми лералри. Илди дурасили, чуйналра чеди лайдакIиб. КатурхIелира духIна кадацIиб ца илди кадушес клатIали вирхъескайб. Чичилуми пялхъядухъи детихъулри.

— Датирай илди, — иб Мирзакъадини.

— КIапIкадарая хъяблизир. Илди Аллагъли хъурадариб мялгIунти сари.

Хъямид чичилумачил варх кIапIкариб. Итил дунъяличи мялгIунти хъуракадирниличи гъарилли бакъиб. Чула хъулба гъанна ахIи чедаити ахIени. Хъули бакIибхIели, Аллагъла бархъдеш агриличи чили-сабрил Мирзакъадизи ибсири:

— Хъямидли вайси барии балуси агара. Сен илала хъяблизи мялгIунти хъуракадариси Аллагъли? Ил бархъсив?

– Бархьсира, балкIсира сай Аллагъли гIяхIил бала, – къантIли буриб Мирзакъадини.

Сегъуна адам сай виалра, вебkИбсилличила вайси гъай буруси ахIен. Вайти гIяхIти декIарбируси ца Аллагъ сай. Илдас диван бирусира ил сай, – викIулри Мирзакъади.

«АвцIали адамли гIяхIси адам сай или алли, ил алжанала агълу вируси сай, бикIар. Тамаша ахIену, гъатIи, авцIали адамли къяна буралли, ил къяна мар бетарули саби. Къяна бурни багъандан илди тамбихIлабарес гIягIнилигу», – сунеласун пикриикIулри МяхIяммад. Убил-чебил дунъяличи бирхауди агнира бунагъла биъни балулри. Биалра, сунела уркIиличи бакIиси хIебуресра хIейуб. Сунела хъулибти кIелра учительли дурутала асарлиу викилри МяхIяммад.

– ХъуцIрумачи кабиибти малайкунани – алгъай хуцIарличи кайиси малайкни вайти баркъудлуми лукIули, балуй хъуцIарличивсини гIяхIти лукIули, гъар барибси умцантачи кабирхъули саби, сен бикIулив, гъатIи, авцIали адамли гIяхIси алли, ил гIяхIси ветарули виалли? – хъарбаib МяхIяммадли.

– Илди гъар секIал далдуршуси чедивси Аллагъ сай, – жаваб бедиб Мирзакъадини.

Итил дунъяличи бирхауди камли лебти адамти бибули хъалли, бекIа гъарилличи къячбиркни хIергъуси адам вируси ахIен. Жагъаннаблизив сай гIязабуркIниличи бирхауди хIебиалли, сай вебkИбхIели, адамтала уркIбазиб сунечила сегъуна пикри кавлулил пикрилизи какIейсули гIергъи, ил адамличила сейкIусив?

«ГIяпабаркъ» эсра уркIи абиули ахIен бикIутира къаршибиркур, сесад адамтала дагърилизи вебkИбсилис вайси гъай эс хайрихIебирни минабиахъубли хъалли.

ХIямид хIяблаварии чарбухъунхIели, цIяббiresбяxIib. Гъагулти чедашули, шаладеш камбикIулри. ЛямцIла цIа адердib. Къукъули ахъли Тамадариb. Гъагулта зак буциб. ЛямцIли алавла шалабарии, гIур билшулри. Къукъу Аллагълизи тиладибикIусигъунари, адамличи уркIецIбараxъес. Гъар вебkИбси адамлис хъунул адамти хIябал бархIи «иллаллагъ» бикIули къулгъу-алхIямта бучIар, мурул адамти зикрума биркъур. ХIябал бархIи ардякъи гIергъи, мурул адамти хIябрази къулгъуличи башар. Садакъа буртIу. АвцIали бархIи хIябличи башар. Маллани хIябли chir дурхъати аятунира ясинра делчIи, гIур хъули вакIили, бучIини даймбиру. ДелчIунти лебилра бекIибти бусурман динна агълулис, илдала бегIтас, узи-рузис багъишладирити сари. Илкъайда Мирзакъади музъминтачи, малайкуначи, шуйхрачи, идбагуначи, Бухари Гиляниччи, хIурхъан ГIябуллахIяжичи ва бахъал сунени балути къадначи, хIяжначи, чула бегIтачи, тухумтачи вали, ХIямидла лебилра агълу бурули багъишладирили, балгна виркъули, тамандирити сунени дучIути. Ил учIухIели, лебилра амин бикIутири.

Биэсара гIяхIдеш ХIямидла хамхалис урхIли дарибити балгнала? Се сунени барибси гIяхIдеш гъалабилзана гъанна илис, чIичIумази ватахъесра жагъаннабла цIализивад верцахъесра?

Шукру биаб Аллагълизи!



Поэзия



Шапиг
МЯХИЯММАДОВ

ХЯСРАТЛИ ХЕРИУЛРА

Балас, иш лебси манзил
Кинайсра чархIебулхъни,
ХаржхIебариб чархла цакъ
Дилара дугIли аркыни.

Манзил жагъдеш духъуси
Биэс бегIла дурхъаси,
Ахъанайла бекIличи
АцIахъес ахъри лебси.

ХIебагъурли манзилла
Гъунар ахъси, я Гяшси,
Адам адам вирусив
Хапли шалгIеббалтуси?

Дила цакъ, дила дагъри
Дедес къасри манзиллис,
ДуцI цакъядали хъярхъси
Замана айгъирлис.

ШакикIулра, ил ахъри
ХIебакIиб дила чархлис,
ХIясратли хIериулра
Улгули челябкъвалис.

Кумекбара хIунилра
КайцIуси дила ганзлис,
Бугаси девла урги
АтIахъес цIуб кагъарлис.

Чеасла ил хIурматла
Галгала къяли саби,
Ил таманхIебариив
Багъала Гяшдеш саби.

ХIейруси секIал барес
ХIу ахъли вявикиIулри,
ХIела агарси секIал
Лугес цархIис чейсулри.

ЖАПАСИ МАНЗИЛ

Лябъян бикIар замана
Сунечила хIергъибси,
Садакъалис мургъицун
БакIибтани сайсуси.

Ванзаличib илхIели
Камли мурул адамти,
Цалис хIябцIа-авцIали
Бирар хъунул адамти.

Ил манзил баҳъ жапали
Бирар мурул адамтас,
Хъунри зулмулиубли
Къуллукъ гIеббуцес илдас.

Чула уркIи иргъули
Буйрухъ таманбирутас,
Чус баҳъ жагабилзули,
Нура, нура бикIутас.

ШИЛТАХЪЧИБИ АХІЕНРА

Шилтахъчибала диаб
Базурти гъар мерларти,
«Халкъла кумекчибира», –
БикІар илди дуцибити

Аргъес хІейгахъу, хІергъу
Исутала тилади,
Ахъсилизи халбиру
Лебталайчиг багъуди.

Гъайра дала базарла,
Гъар сягІят илабхІели,

ХІял-табигІят цабехІла
Бахъна чебиухІели.

Шилтахъчиби ахІенра
Багъа саби базарла,
МатяхІ цархІил хІебургид
Гапла ишцад улкала.

Буца някъла, халбара,
Алавтази хъарбаа,
Лайикъси саб багъара,
Агара багъанара.

ХАСИЯТУНИ

Лер гъанна тамашала
Сагал хасиятуни,
Халдирулрил хІебалас
Илди нуниван хІуни.

Дирихъ. Бамкъур аргълизиб
Савли хІянчила архІя,
Хъунул адам. Михъирлав
КІапЦуцили сай дурхІя.

Андала чеди, гъезлис
ХІулби сари даршили,
БерхІила цІализирад
Сару мяхІкамдирули?

ЦархІил цугрикиб кІинайс
ХІеваличили бухъянси,
Гъунчир хяса хІешкахъес
Ахъбуцили рашуси.

Дирихъ. ХІянчила архІя
Нуни даймбирулра,

– Духъяна гъезла чяхІи
ДягІличил бүмхІяхъуси.

ЦархІилла гъар някълизир
Сар хІяб-хІяб пакетуни,
Хъарчтайчи чекахъили
Таврала мерлаб къани.

...Марлира инсунтицац
Дургар хасиятуни,
Диалира буиши,
Гъарзабиралри гъуни.

Диаллира буиши,
Диаллри гІяхІизести,
ХІерлизи атПунсили
Гібратлис г'ерасести.

Диаллири дуиши
Диалри цІинхІейзести,
ГІяхІти гІядатунала
ЛугІи имцІабирути.

УМУТ

Нуша хІуни гъаладяхІ
Дикулра, хІердирулра,
Бузери-зегъала ша
Шадли хъурадирулра.

Умут – хІури дуклумар
Арцанничи мешуси,
Хъалибарг, гъарбиз, гъунар
Делшахъес жибикІуси.

Челябъла талихІличи
Гъуни бягІубибузи,
Сабухъла ахъдеш, хІячи
Инса мурхъдирахъуси.

Гіамру тухъли деркІахъес
Лебтас кумекбузи,
Дигайлис ва гъарбизлис
Жан къурбандирахъуси.

МАЙКІУД

– МайкІуд нушала дунъя
Бухъна баили саби,
Дагличиб ишбархІила
Гіялам хІулк'ули саби.

ВикІмайкІуд хІу сеналра
Гъар секІал дуркъли сари,
Духъули сар къар, вавни
Вавназир сари унхъри.

МайкІуд жагътала дигай
АхІен гъаларлагъунти,

Мякълар лерлихъар вавни
Дурашан шанбирути.

Харивилен дунъялис
БахъбикІалли духути,
БерхІила гъар нурливан,
ПяхІдешцуни духути.

ДеңІмайкІуд, дунъя хІуни
Хапли балтниличила,
Харивии дунъякад
Арцес бикниличила.

ГІЯМРУ САР ПАРЧДИКІУЛИ

ХІериулра къасличил
Гъуниваэс гІяхІличил,
БархІи бурк'ули гъарил
Биусицад яхІличил.

Гъуни лугулра гъарси
Пашмандешлис, шаддешлис,
Биаб ил мукІурвакІни
Ну гІамрула къисматлис.

ХІянирулра дурк'ули
ХІерти гІамрула бурхІни,
Бяркъес пай кабирхъули
Жагъти рурбси ва дурхІни.

Сепайда, дигусицад
АхІен сабухъ бухъули,
Нуни бурусиличи
Я гъарил лехІихъули.

Дагъри имцІадик'ули,
БурхІни сар тухъдик'ули,
Жагътала жал ирзули,
Бархъдеш чедибиркули.

ХІебиалли гІамру сар
Урунжван парчдик'ули,
Ца урк'или итилла
Милиги ихъахъули.

КАЛЕН ХІУ ЛАМУСЛИЧИЛ

Ишди гІамру, иш талихІ
КахІевлан дайм набчил,
Илис батес дигулра,
Дунъя, хІу ламусличил.

Ламус хІела дяхІличи
ХІерик'ини дяхІ шалали,

Цали ца шавладарес
Сеналра хІедиэсли.

ХІянчила устадешла
Хабар хІечиб батесли,
ХІянчи барес хІейгути
Балт'ули хІериэсли.

**Инсай хIед ламус барни
ГIямрула мягIини аргъни,
Дагъри-цIакъла ганзличил
Неш – Ванза харибарни.**

**Дардла вегIла цIум аргъни,
Ризкыила хIурматбирни,
ГIядатунала хъулчи
БиштIатазир мурхъбирни.**

**ИлхIели хIултуркIули
БурхIини аркъян ГIямрула,
Гъуни ихъид бегIтани
ХIед бариси амрула.**

**Зубрала малайкуна
РухI арху кункли чучи,
У муснауб асхIябта
Хъуравиури чучи.**

ХIЯБРАЗИБСИ ХIЯКЬИКЬАТ

**ХIябри. Зумал цIелдуби
Сари хIулбала гъалар,
ЗумабикIули саби
Дирихъ дагърила алав.**

**Щелдубала белкIана
УркIи саб кахбирули,
Илабти баҳъли, жагъли
Дунъя батни бурули.**

**Ца цIелдали chir чейур
Ругерти ахъли, хамли,
Жагътала ГIямрула ги
Бердахъес хъямдашули.**

**Итилличир машинти
Арцуртиван гъалакли,
Гъундурачир дягIути
Цализи ца чегили.**

**ЦархIил, вацIала бецIли
Жаниварван қавшили,
Юлдаш вершавиубли,
ХIярхIялис гъала кили.**

**Наркотикла зулмули
Леб уркIи тIашаибти,
Держла шишила бухIнаб
ЖагъхIели ГIяндникиби.**

**ДецI бухIнати пикрума
Дагъри сар думкъахъули,
ХIябразиси хIякъикъят
ХIулбани чебиули.**

**ХIянбиубхIели иша
Камли хIярибихъибти,
ЦумикIулра, бекI гIяшли:
«Чердерхира, алхунти».**

04. 08. 2014.

АГЪУЛА КЬАР

**Агъула къар – сецадла
Вавни ургаб башалра,
Азир изайзибадли
Цалис сабаб биралра.**

**ХIячмачил барх абитеес
Чебиркур ил балутас,
МицIираглис, инсунтас
Вайбиубли хIейгутас.**

**Лер инсайзир пикруми
Ил къарличи мешути,
Хъулчиагар музари
Алавтазиб лушути.**

**Чебиркур нуша лебтас
Илизирадра дерцес,
Дагъри дугадибули
ГIямрула бурхIини дуркIес.**

ЛЕБТАЧИБ ЧЕБСИ САБИ

Гъай-мез – илдазир сари
Инса гъямуру аркъути,
Гъарбизнила хъулчира
Леб илдазиб бургути.

Дарити гъайла лугъи
Хъейуб цалра багъурси,
Илдала давла бахълис
Акъуб чумра батурти.

Амма, гъай хъедиалри,
Хъебири жамигъятра,
Гъайлизибгу гъямула
Харидеш-пашмандешра.

Гъайли ахъену гъарил
Инсан дебшлавируси,
Харидеш батахъурли
Деңлизи ихъахъуси?

Илис инсайчиб чебси
Гъай бирес пикриухъи,
Лерти дагърилизилра
Ухънаухъи, къунзухъи.

Балес, лихъби къел лерли
Къаклаб лезми ца сабни,
Халатачи лехъихъес
Лебтациб чебси бильни.

АДАМ, ХІЯВА – НЕШ, ДУДЕШ

Ванзаличиб гъар инсай
Бурцуси мер камхъели,
Ванзаличив гъар инсан
Гъямула вавахъели.

Сен ургъуси цархъичил
Сунечил цугсиличил,
Гъямула бурхъини деркъес
Сайкъайда карцъисиличил.

Вегъла гъямуру вегълисван
Ахъертигу гъариллис,
Вегъла сархибси къацщун
Сунени букусилис.

Ахъерсигу виштъалван
Вегъла бакъахъиб вава,
Дубурланис дубурла
Дарман умуси гъава.

Вегъли урдур касалра,
Цархъил касибси бурукъи,
Хъерлис декъилзутира
Леб биркутира пулукъи.

Илгъунтанигу дургъби
Халкъ-ургар адилкъути,
Дергъла цъаличи урцул
Зумали чедилкъути.

Дунъяла дергъла авид
Къасли бягъбуриуси,
Гъай-баркъудила чузиб
Цадеш гъеч хъебиуси.

Илдас саби гъарзаси
Ванза дайм къакъаси,
Адам, Хіява – неш - дудеш
Лебтала хъумкартурси.



Тавсултан СЯГИДОВ



ХІЕЗИ УРКИІ БУРУЛРА

Урхъу хIуни гъар бархIи
Наб бихуси разидеш!
Марли, илизіб бургар
ХIебалуси дигIяндеш.

Адамгъуна сабри хIу:
ХIял-тIабигIят лер хIела,
Гъанбикиси бурулри,
АрхIебихули гIела.

Пишахъиб виштиалгъуна
Бируд хIу паргъатхIели.
Рахажлизиб хягъуна
Бирудра бургъухIели.

ХIела ругерта дила
УркIилизи гъав биху,
Къакъадешра вамснира
Чина-сарил ардиху.

ГIяхIси гъалмагълизиван,
ХIези уркIи бурулра,
ХIела гъарил насихIят
СихIрулаван иргъулра.

Рах-рахли музахъи,
Бялихъуни дурцулра,
ГIяхIял-шан разибарес
Илди нуни дуцIулра.

Илгъуна бирухIели,
Сабрира гъимбуркIули?
Багъи, гъар ярга сайра
ХIед баркалла викIули.

ХIу къирбираути нуни
Чумилра чебаира.
Илдазирти гъаргъдешли
Тамашара вирулра.

ХIечи дирул зулмурти
Сегъунтил чедиулра.
Чебберхи, кумекбарес
Дигукъи, вирхIейрүлра.

Чус къалурби делшунти,
ХIунтIенаба бирцули,
ХIела душманти, урхъу,
Гъанна саби бисули.

Икра дкули буэс
ХIебагъур хасмушуна,
Цулала ши бужули,
Нясани, буаб гъанна!

Дугилира ну хIечи
Вашулра цацахIели.
ХIябра жагаси бируд,
Бацлиуб рурхIухIели.

Тамашавиrahъулра
Ну хIела гъабзадешли:
Палакатбирутасра
МабикIулри цIедешли.

БайбикIули белкунси
Шурла мякъла тIашлира,
ХIела шин сен зукъитил
Аргъес пикириикIулра.

**Къяшмаурти гъум сари
Хела шинкъай делкъунти.
Хуни далули бургуд
Ардякъунти, ляркъути.**

**Чи сартира нуша хед –
Къадала имиули?!
Шурла Гелаб се херлил
Ахенрагу балули...**

**Хела дублар сархели
Нушара хердирули,**

**Чебберхи, дигулрану
Хуни уркъи аргъили.**

**Заклизи херизалра,
Суалти сар алкъули:
Лехкахъиб зумарты сар
Чедирад хердикъули.**

**Дила биштаси уркъи
Саб гяшли тимхъбикъули,
Иш дунъя се бикъулил
Бургар багъес дигули.**

НЕШЛА ХИЕР

**Хела херли ургус ну
Дунъяличив вихъуси,
Хела херли сайра ну
Алавчар херикъуси.**

**Дила неш, ху мурталра
Дила уркъилар сарри,
Ухънайкъуцад ху нуни
Муэрли чериулри.**

**Дурхъядешла дусмази
Ну гъаман чарулхъулра,
Хуни авцибхеливан
Гъавлизив ватулхъулра.**

**Гъачам рируд аршила
Маргъличи каризурли,
Гъачам рируд цаличи
Хинкъас шанг чебилзули.**

**Черари къалтий chir
Дехъибала дирули,
Черари хъяшнала
Дясунти дяхъицули.**

**Черари мекъличир
Делхълизи ретулхъули,
Гярала дурхъяличил
Хъучирад чаррулхъули.**

**Хяниубли виасра,
Неш, хед ну хъяша сайра,
Хъяшализиван рируд
Рикъуси набзи гъайра.**

**Махрикъуд, бугъярхели,
Ванали вегъирахъес,
Архъяли аркъухели,
Гушли дурахъелхъахъес.**

**«Гъундурачив, – рикъуд ху, –
Вари, мяхъкамли вирен,
Халалла ва вишталла
Мурталра хурматбiren».**

**Махрикъуд, папрусуни
Камливан дитникъахъес,
Гъалмагъуначилхели,
Держла камли бужахъес.**

**«Хъябра гяхъиси бииши,
Держличи тудяхъядри,
Цархъилтиван хъяжлизи
Зияратли укъядри».**

**Агъ, дила неш, ишарра
Дарести дахъал лерг!
Гинзи аркъуси гуми
Балбарес хъяжатлигу.**

Зубайру-устадличи
Келра дарх аркъяхIегу,
Аллагъ разивиахъес,
Неш, илра баисигу.

Ахъри бакIалли рахли,
ХIяж баресра аркъехIе.
ХIебакIалра, разили
Иш къушлизир дуэхIе.

Нешла хIерлиув, марли,
Ну чакарван вицIулра,
Нешла мякъла кайэс ну
Сабаб баргес умцIулра.

– Ягъари, неш, – викIулра, –
Нура ухънаваилра:
ГIяхIсилизибад вайси
ДекIарбires балулра...

– Се саби, дила урши,
Гъачам хIуни балуси?
ХIу варкъибси неш саркъи,
Лебу нуни балуси...

Бураягу, адамти,
Нешла някъба авцибси
Дунъяличив левара
Нешла хIер хъумартурси?

ДИЛА ГЬАНКИЛА КЪАРАУЛ

Дила гъанкIис къараул
Бирули сари нешли,
Хъяшасван гардла далай
Къумбирули сар ГIяшли.
«Ну шакхерикахъили
ХIяниубли сайгу иш», –
СубхIянра сабирхъули,
Рирхъули сари наб пиш.
«ХIушани бархъбатурла
Бухънабаили саб юрт.
Лерилра дарх кадиэс
Бикесара нушаб мурт?»
Рамсурли мага риэс,
ГъанкIрикIули сари неш.
Бацра гъагуйзib бегъуб,
Чебихъун хъулиб лехIеш.
Далай саби наб гъанна
Житали бучIуси къур.
Нешла мякълабгъуна гъав
Бизсара дила гIур?
Ишди дархиб гIямрула
Лебу сегъуналра паркъ...
Дила гъанкIла къараул,
ХIу дунъяли разираркъ.
Леврагу талихIчевли,
ХIела мякълав усуси,
Сегъуна виишара
ХIу агарли ууси?
ХIела у рурсилис даг
Бихъили сай уршили.

«Неш» викIулра илизи,
ХIечи мешуарили.
ХIу лерхIели бургар, неш,
Наб хIериэс дигуси,
ХIела бухъна юртлизи
Ну къашмани викуси.
КъакъамарикIуд хIу, неш!
БерхIи къаяда пишряхъи,
Агарсиван кIунбицIур
УркIилизиси дяхъи.
ХIела дагъала гIугIу
Иргъултив зайдикIули?
«ГIяхIял лявкъули сайну,
Аризи!» – саб бикIули.
Дунъя гъаргбирули саб
ХIела къапула гъичIли.
БулхIехъули чебаа
Азбар хъяшнала вичIли.
ХIу наб неш сарли хъалли,
Илдас хала неш сарри:
Хива бицIиб чугала
Беда илдази ари!
Дила неш, дила берхIи!
МабакI хIу агар бархIи!
ХIела саргу, дила неш,
Дила тумазирти хIи.
Дила гъанкIла къараул,
Бусулив хIела жита?
Дуги гIеркъал сабину
Чебикъа гIурра хъитIа.



Шамхал СУХЪАНОВ

ГУШСИ ХІУЛИ ХІЕЛУКЪАН

Мургъи-арц ва мас-хазна
Дурчутас баҳъал бургъар.
Мургъи-арц дурчниличиб
Кахси хІянчи хІебургар.

Цалис гІяхІ билзан архІя,
ЦархІиллис – янсав-хІярхІя.
Цали дурчу хъа ваяхІ,
ЦархІилли – ламус ва яхІ.

Ца урхъначив куртІикІар,
Ца авлахъгад къунзикІар,
Гутан дигуси вирап,
Бугътанчира камхІейрар.

ХІяйван-къача дихІути
Бахъ-баҳъалра хІебирар,
Буртра нерхра хІейгути
Илдазиб бирхІебирар.

Цали дурчу дацІ шишни,
ДицІибирида дацІидиру,
Шишназиб илгъунали
Сунела игъбар бургу.

Цали бурчу мас-хазна,
Давлализив куртІикІес.
ЦархІилли бурчу давла,
УркІила мурад бирес.

УрхІла масличи гъаргъси,
Хъямбарес ил хІядурси.

КамхІейрар илгъунара –
Чял агар чирагъгъуна.

УрхІла цІаличири някъби
Ванадарес дигуси,
Вирап усалси гъабза,
Гамушлаван кам бабзи.

УрхІла къияйчили къала
ЛушхІелушули гІергъи,
Багаласи саб, бикІар,
Гъарил бируси хІянчи.

Мас бурчу яшав барес,
Хъалибарг гушхІебарес
Кани къацІли белкъалра,
ХІули масли хІелукъан.

Мургъи-арц ва мас-хазна
Дурчули, тІягІям кайсу,
Ил изала цІакъбикІини
Хисаблизи кахІейсу.

Мас бучес, яшав белшес
АхІен, бикІар, гъамадси.
Майаличири бучибси
Бирар яшав хІялалси.

«Биха-бати» викІули,
Яшав луша кІарзали.
Майали кІантІикІули,
Сабухъ бурчу гъабзали.

ГЬАР ИНСАЙЧИБ ЧЕБЛИ САБ.

Батурли шалал дунъя
Керхес цІябси хІяблизи.
Агарагу, бурасли,
Мискъалцадра урехи.

Бархъаначи бурулра,
ГІядабли саб уркІилис,
ГІелар датес вавнира,
Вавни гъанти мирхъира.

ГъатІира декІли бирар
Батес гІелаб БерхІира,
БерхІили байдирути
Дагъиста дубуртира.

Лусентала чедирад
ЛасдикІути чІакнира,
Гульвавназир думхІути
Гадуйтира мукърира.

Юрганала хъулрачир
КъумдикІути лагънира,
Лагънала макъамтачи
ЛехІихъути дурхІнира.

ХІябал ганзла гъуниван,
КъантІа ишди гІямрура.
Гъар инсайчиб чебли саб
Ахъли бихес амрура.

ГЪАЙЛА АСАР

ХІярхІубира чячмара
ЧехІелталлира чархли,
МухІлила зукъиси дев
Дяхъи сабгу уркІилис.

БерхІила нуранала
ЛямцІван шаласи аргълис,

МухІлила муриси дев
Дармангу лебил чархлис.

Гаши-дягІи ва палтар
ГІязаб сар мас агарлис.
ХІулбала чурхси ца хІер
Душман сабгу адамлис.

ЧЕВКЪАР ГІЯХІЦАД ЧЯХІДАРЕС

Чятлизирад булхъранта
Дибули бирар хъабни,
ХІебургар ил хІянчира
Илцад-декІар гъамадси.

Вава-къарли дертурти
Агадан дубуртазиб
Устни ургаб Балхъарла
Камли ахІен гІяхІгъубзни.

Жагати рурсбачибли,
Чумати уршбачибли,
Лебил дунъяла гъалаб
Саб машгъурси Дагъистан.

Дубурлан гІяхІгъубзназиб
Бахъал саби машгъурти,
Мушулбашул къалтинти
Майаличил иркибити.

МАСЛА ВЕГІЛИС МУТИГІСИ

Агъ, вегІебшла иш дунъя,
Арцла вегІлис мутІигІси!
Арц агарси пякъирлис
Дардана пухІбикІуси.

Масла вегІли сай дунъя
Бахъ мурили буркІули,
Мас-мулклишив мискинси
ГІязабтацун ургули.

Панаси бегІ лебри хІу,
ВерхІел бяхІла бегІ дунъя,
Масла вегІлис мутІигІси,
МучлахІейрули цуръя.

Вайгъабзала къалидешра
ГляхІгъабзала бархъдешра

Дихулигу дунъяли
Хунжи къяда, хъубзарли.

Маза-масра калахъи,
ХъанцІ буцІира делкъахъи,
ХлЕйрулигу хЕриэс, –
Иш дунъяра гъарбарес.

БУГЪТАН

Сецаад декІси къаркъара
Вирар ахъбущес кункли,
Амма мискъалщад бугътан
Бирар бихес бахъ декІли.

Цаличибад цаличи
ГечбикІули яргали,

Думсахъу хъуцІрумира,
ДекІбикІули зугъали.

Бугътантала ургабра
Биэрса бирар бугътан,
Сунени убкайсуси
ХъуцІрумачибад бугътан.

КЪИРБИРУ БУРБУНАНИ

УркІбазиб яхІ агарли,
Чурхрази къузбикІути,
Чусра хабар агарли,
Къирбири бурбунани.

Дурхъати жан бурбунас
Дирцули кепекунас,
Дагъри сяйти жагъилти
МутІигІлигу Гязабтас.

Балагъ-къадар, мусибат
Чекайули чурхрачи,
Каршулигу Гязиз жан
Жалладла бурбуначил.

Неш риаб, дудеш виаб
ДецІаназиб батурли,

Улхулигу жагъилти,
Бурбуни чус калтІули.

Алжанала анхълабцад
ТіягІям кайсес дигули,
Жагъаннабла къядларцад
Гязабтицун дургули.

ГляхІгъубзнали ханжулти –
Залумдешла лишанти –
Дихутири гъар даим,
МучлахІейри бурбуни.

Дубурланна яхІ-намус,
Шандайчирра чІумати,
УркІбази дуцахъая,
КъагъхІейрули, жагъилти!

ГУШСИ ХІУЛИ ХІЕЛУКЪАН

Сецаад гушли биалра,
Адамла кани лукъан,
Амма сели балхалра,
Гушси хІули хІелукъан.

Бучес багъандан давла,
Халабаахъес хазна,
Чевкъулигу лайдикІес
ЯхІ-намусра инсапра.

ИНСАПЛА АЯТУНИ

ГляхІгъабзала умацун
Узи-урши шадбиру.
Шилизив вайгъабзали
Шадтира марайбиру.

Вайси барес итмадан
Вираргу бахъ гъамадли.
ГляхІси барес багъандан
ГлягІнибиркур яхІ халал.

Узи-уршила мардеш
Дагъес багъандан, вегІебиш,

Чевкъулигу чекайсес
Къиян-жапала каҳдеш.

ВайсилигІиб умцІули,
ГляхІсира уббулхъахъу,
ШирПирагли гъайличил
Сунела хъу духъахъу.

Вайси адам сабабли
ГляхІти булан цІумбикІар, –
ЯхІ-ламусла сяйдешли
ДелгІули балагъ-къадар.

«БУЛГАРИЯ»

БиштІаси къаякъ биаб,
Яра абзур пароход,
КуртІдикІули хүркІбикад,
Биру адамла мурад.

ЦабархІи дурабухъун
Волгакадли пароход,
ХІули кайсул куцличил,
Бухъна унцла уфличил.

Дехлиубси эмхІеван
УфбикІули, хъусбухъун.
Ахъиб гъуни гляхІцадла,
Харжбариб цІакъ лебсицад.

Хапли, хабарагарли,
Бухъна унцван, гербизур:
ХІябра бахъал адамти
ХІеркІли илаб къяраур.

Бунағъ-хатІа урдуцаб
Алхунти адамтала.
ТалихІла глямру диаб
Илабад берцибтала.

Неш-дудеш ва ца рурси
Берциб ца хъалибаргла.
Ца дусра кІел базрацун
Сарри рурси риубси.

Нешли рурси сунечи
Ригъун гъезли чурмала.

ПялхъяррикІули сари
Калун хІилхІи мицІирли.

БекІлил качI хІедалуси
Дудеш уркІкавхъун илав.
ХІериэс дигухІели,
Бурсивиуб итмадан.

Сай ибкъли куртІикІули,
Хъунуйс кумекбирули,
Саби лебил берцахъес,
Къайгъилизи викиб ил.

Хъалибаргла талихІлис,
РиштІасила игъбарлис,
Иша цархІил пароход
Кумекли музабухъун.

БерхІила нуранани
ХІеркІла къакъ хІяршибирлри.
Адамти берцахъесван
Чайкаби вяшдикІулри.

ХІулби вякъли сукъурти
Бахъал лебгу хІякимти,
Чула дагъриагрили
Адамти къирбирути.

Ца адамла гъаргъдешли
Бульулиги балагъли.
Лерил далдикахъалри,
Музухъи Аллагъли.

ТІАШЛИ САБ ШИ ТІАНТІАЛА

Сабабагар хұкмули
Бехъубси ши Тіантіала
Тіашбатурғу сагали
Ибкъси яхіли шантала.

Дубуртазиб Хүрхъала
Тіашли саб ши Тіантіала,
Глявначил вава-къарла,
Лусентачил чакнала.

Мургъилигіб, арцлигіб
Умціхіемілар дила шанти:
Черяхідиру гъар даим
Адабдешла лишанти.

Балхъарла хъалли хъаба,
Тіантіала сари гъаруш,

Зайбикіахъули «Дерхъаб!»
Ваши, бужеңі, юлдаш!

Хіейаллира долларты,
Хіеркабирар тіантіанти,
Маза-масла макъамта
Дулхіехъули дубурти!

Тіантіала дубуртала
Дай уркілар акіубти
Дяргіб шин гінзурбала
Далхулигү шагъурти!

Лебил гіяламла гъалар
Бурғи ахъли кавцибти,
Тіантіала ахъ дубурти
Сар уктемли кайзурти.

БАЗАР ХІЕЙГИ, МАС ХІЕЙГИ

Базарличи ца бархіи
Дураухъун ца гъабза,
Вачар барес, мас асес,
Сунна хъунул шадрапес.

Унц асиб, хъубзар виэс.
Урчилис бехісурбариб.
Бухари къапіалис гіур –
Урчи кунқли барсбариб.

Хіеркілизивад ши ужес,
Къукъымусикиб ил гъабза.
Сепайда, хъямбарили,
Арбухиб хіеркіли къапіа.

Гъалмагъуни дукаркілар,
«Хъунуй диркакхъу», – бикілар,
Вягіда баріб илдани,
Лебил мас-мұлк ургабли.

Вас-васикіули саиб,
Хъуна гъала къукъымусли,
Дунъяла дурхъал масван
Кайзур хъунуйс ил илав.

Жибжирухъун хъябличи,
Тіутіла бухъ къайдали.

Сунечив гіур дурхъаси
Гъатіи агарси къядда.

Базар хіейги, мас хіейги,
Хіу набчил левли гіергъи,
Дунъяла давлализи
Левхіели хіу ухъеси.

Хъуна гъайла аргыбмад,
Базриганти қахбиуб.
Батурли мас-хазнара,
Гіелабяхіли қарбиуб.

Дурагурухъунси хъунуйс
Базарван бизур азбар:
Хіаяван-къача, маза-мас,
Лерри ғіянкіурбі илар.

Хъуна дигайла мәрдеш
Каҳдизур базригантас.
Марти дигайла ахъдеш
Гіibrat бираб адамтас.

Мургъи-арцра агарли,
Мас-хазнара хіейалра,
Кіел уркіи қадалгунти
Диур дигай диалра.

Сагаси у

Кумсият
ГЯЛИЕВА

ЛУКИЕС ДИГУЛРА

Ну акъубсира Даҳадаевла районна Хъярбукла шилизир. Дила дудеш мегъла уста вирусири. Илини секъядда шандан бицлахъил тамашарирусири ну риштлахъели. Хала неш Гляшурани нуша диштати дурхъини, сари-алав чукурдарили, гъар-урла хабурти дури. Дунъяла шишимъули шашимдири, пякъиртачи ва цуръабачи уркъецичеси рири. Дургъбазибад чархъебухъунти сунела узи-урши мурталра гъанбиркахъули, гляши-гляшили илдас деңла чиллуйта ручи. Ну илала гъарил бурусличи лехъирхъира, ва назмурти цаладирхъес хъулриубра. Дила цаэсти назмурти дила учительтази чедиахъира, «Гляхъити сари, лукъен», – билзахъи илданира. Наб гъарли-марли ил шайчив кумекбареси хъергира. Илхъели «Дубурлан хъунул адам» журналлизи, «Замана» газетализи дурхъира. Наб кумеклириубси нушала шан поэтесса Аминат Глябдулманатова сарри.

Дила мурул Хъябубуллагъличил Ставропольский крайлизи гечриэс къадарбиуб. Ил мазала буқъун сай. Назмурти хъелукъес хъериула иларра. Гъайгъай, ну назмуртала гляхъиси уста сарра рикъули ахъенра, амма лукъес дигулра.

БЕРХЪАБ ДАГЪИСТАН

Жагътала уркъурбазир
Дигайла цла каммайаб,
Сяхъбатуна бирули,
Берхъаб дила Дагъистан.

Риаслира гъараҳъли
Зубрира муснираван,

Хъериус гапхъерикъес,
Дила дигул Дагъистан.

Мартира дигъянтира
Гъаргъироули, дурхъал Аллагъ,
Уркъеци бара набчи
Рикасли рапхи хатъя.

НУ ДУБУРЛАН РУРСИРА

Ну дубурлан рурсира
Бархъдеш дигуси дайм,
Амма дигхъейгахъис наб
Бархъагардеш, ламартдеш.

Чехъедаира нуни
Жагъ Гъямрулизир къалпдеш,
Неш-дудешли кертъиб наб
Бархъдеш, сабур, яхъя, ламус.

Гъярмулизир хъумхIертис
Лерил насихIятуни,
Чили се бураллира,
ЛехIирхъес дигахъисра.

Ца дурхъаси Аллагъли
Лерил чедиути сар,

УркIецIира хIела саб
Ахърира хIела саби.

Къуватра хIезиб саби,
Чедианра хIу сайри,
Нушаб гъигъла лугIира
Лугусира хIуни саб.

ДУДЕШЛИС

Дудеш, хIу сайри дила
Хъарбарь икIди зубрала,
Дудеш, хIу сайри дила
БегIла дурхъаси зubar.

Дудеш, хIу сайри дила
УркIила чIумаси къас,

Дудеш, хIу сайри дила
Мардеш, бархъдеш, уркIецIи.

ГПур цархIилла хIебалас
Хелаван чIумал уркIи,
Бархъдешла гъуни дигул,
НасихIятуни дурул.

* * *

ГъайдикIутиван билзан
Дила хIяна дубурти,
Галгубала кIапIрачил.
Щуэри шивкIивбикIар.

Амъурси гъавализизб
Дила уркIи тимхъбикIар.
Къадализизб бухъунси
ХIябцси амъурси гъава.

Гъигъбирули жагърирус.
Дила дигул Дагъистан.
Ну дезнани ручIулра.

Чумра далай делкIунра.
ХIу гъанни уркIилизир,
ХIябкублизи лукIули,
ХIела гъунартачила.

ДУКЛУМИ КУНКСИ АРЦАН

Алжан сарху бусурмай.
ХъуликIули ГъяхIличи,
Рирхулира ну хIечи
Нешличи виштIасиван.

БерхIира шалгIеббухъун,
ХIурхъира цIябкадариб,
ХIура шалгIеввашулри
Ца шуралра хIяхъили.

Урунжлизир дяргIиб шин
Нуни севан держиша,
Виганай, хIу ватури,
Наб цархIил се вариша?

Урхъу бургъескабиаб –
ДакIудулхъян ругерти,
ХIу наб варгес багъандан
Балбурцис нуни Гъямал.

ХIурхъи далта чатIинани,
ВацIа хIяри цIубхIели.
Ши далта ГъяхIгъабзали,
Батахъес ВатIан сахъли.

Дуклуми кункси арцан,
Арцурли ардукъялли,
Дила шарабла хIулби
ХIер чичи дикIахъиша?

Къяшми мургъила жайран,
Набчи шурхIедухъалли,
Дила дигайла уркIи
Нуни чизи дуришав?

КарцIай дигIянни дихIес
ЯхI нунира бирисра,

Дигайлис марли виэс,
Къайгъи хIунира бара.

Къарабагъ урчиличив
Лагъа-рангла командир,
Ватабигу, хIу дила,
УркIилис дурхъал лачин.

ХIЕЛА ДИГАЙЛИ НУВАН

Замана агархIели
СайтIун чатIала дурхIя,
Агарану замана,
ГъаймадикIуд хIу набзи.

Мерагар гегугливан,
Датур чатIала дурхIя,
Дугеливан цIяблину,
ХIемадикIуд хIу набчи.

ХIела дигайли нуван
КъацIдуцалри умусни.
Даим забли ургъалра
ХIеляркъину шуркъалра.

Шарабли дицIиб шиша
Арц дедили асира,

ХIу хъумартесил дарман
Се бедили асишав?

Марси юлдаш рикIаси,
Дихъибла хIечи дигай,
Мардеш чинар диэса,
КIидехI дигайра хIура.

Дуги-хIерила духIинар
Гъану авралра сагIят,
Цалра сагIят архIякъян.
ХIу уркIилав агарли.

Дубура дергаллира
ХIелукъан анцIил къарли,
ХIези нуни гъайибхъал
ХIебулъан хIела багъа.

АРЦЛИС АСЕС ХIЕЙРУТИ

ГIяяла базарличир
Вачар-чакарла уста,
ХIебиур хIела багъа,
Дурашан нешла урши.
Ахъри агар – хъулмайкIуд,
Дигай агар – цIуммайкIуд,
Риасра цIали игул
Ну тилади хIерикIус.
Галгуби ахъли дакIаб,
КIари дятIули дерхъаб,
ХIелра дилра дихъибти
Дигайра мартி диаб.
Вана нильис житаван,
ХIечи хIерли ратурли,
Мукъара буцес бецIван,
ХIу ГIяярли вашулри.

Дигай сари хIялалти
Маслис асес хIейрути,
КарцIай сари дуцIарти,
Шинни дишес хIейрути.
Шинни милигли руус
ДуцIрумла дайлизирра,
ХIу агарли хIеруус,
Дила хIулбала шала.
ХIерли хIела гъайличи.
КъацIличи гушли руус,
ХIу дила чарухъайчи
Гъуни дублар дякъличир.
ХIебалулитив юлдаш,
Дигай дихъиличила,
ХIела цIудар хIулбани
Ясирруциличила?

ЧЕАСЛИ ШАЛАЛ БАРХИИ

Дирихъли къада дурцу.
Глебшила бугъяр бархъи
Шишими туркъи дурцу.
Хуни ши батур бархъи.

Вавалара къас саби.
Къарличил дарх дакъес
Дилара пикри сабри,
Хичил дарх гъяму деркъес.

Вай аман хура нура
Кадили гъайдикъес,

Къар хедашту шурми
Жанай вавна дерхъайчи.

Унраличир шалал бац
Чеасли шалал бархъи.
Сецахъи калишара
Цаличи ца хъяратли?

Диркъанир хайдакъла хъяр.
Дубрир чумиздаг галга.
Хебакъесара сагъят
Хура нура цадиэс?

ХІЕЛА ДИГАЙЛИ

Гъямула тагъям бакъиб
Хулбала шала алкун,
Нуша къаршидикибла
Хулбас гъяму шаддиуб.

Ну хулбази херрикъус,
Дила хер шявбиайчи,
Мурил гъайли гъайрикъус
Ну хед анцикарукуйчи.

Ху агар гъяму хейги,
Сарну тагъямагарти,

Ну миціирли лералли,
Нуни ху пащманхъейруд.

Аваданси дунъяра.
Ахъерси хура дила.
Ху дила мякълавхъели
Талихъчерсира нура.

Ну хулбази херрикъус,
Дила хер шявбиайчи.
Мурил гъайли гъайрикъус
Ну хед анцикарукуйчи.

ЦУННИРА

Шишимиайзи бикили.
Бебкъиб бикъяр дубриб беці,
Букъунна ца кеңіали.
Дурхъя арбухибхъели.
Аллагъ, сунна талихъ бүй.
Иш дилацад хейиши,
Лерлихъяр шишимиъулти
Ну рубкъиherubkъулрагу.
Гляяр лачин, чарухъен
Гляярли гъядаблира.
Жан юлдаш, дакъуухъен.
Бахъла ургар цуннира.
Ахъ шурла лусентазиб
Баргбердиб, бикъяр, лачин,

Пикрумази бикили,
Дурхъя беткахъибхъели.
Сунна шури пащадехъ,
Иш дилацад хейиши,
Леркъира шишимиъули
Ну рагхъерердирагу.
Гляяр лачин, чарухъен
Гляярли гъядаблира,
Жан юлдаш, дакъуухъен,
Бахъла ургар цуннира.
Ваңализіб хъанці беціван
Хичила цумрикъулра.
Урхънази варачанван
Хичи гъалакрикъулра.

ЗАМАНА

Гияр дуги закибад
Кадиркул зубариван,
Аркъули сари жагъдеш,
Тяп шакрахIерикили.

Гъалакли аркъулигу
Ишди гъямрула манзил,
Гъалакли ихъулигу.
Къяшма жагъдешла ганзи.

ХІЕРИУЛРА МУРАДЛИ

Хъулри лер, арц-мургъи лер.
Седирутыв арц-мургъи?
БацI уркIи, бацIси хъали,
ДуцIли аркъути гъямру.

Гияини дурапухъасли –
БиштIатала дукелцIи,
ХъайгIи рухIнарухъасли –
Уршила дяхIла сипат.

Гъанбиркур шалал зубар
Дила чарбулхъан или,

Гъанбиркур шалал дунъя,
Шадли буркIул замана.

Дугели муэрлизив
ХIу набчи дугъайзурри,
Дила ахIерси Аба.
ХIу наб рахъ дигахъури.

ХIела малхIямси хIерли
ХIу набчи хIеррикIулри.
ЯхIара, ахIерси Неш,
Аркъян мискъалла дунъя.

УРКИЛИЧИРТИ ДЕЛЧИЕС

Дигулра, дила Дарган,
УркIила рухIна ракIес,
Набчила пикрумира
УркIиличирти делчIес.

Дигулра, дила Дарган,
БиштIатала дукелцIи,
Гъар хIу агарси сагIят
Илдани гъануршули.

Дигулра, дила Дарган,
Даим ну ригахъули,
Бацван шаласи хIерли
ХIу набчи хIеррикIули.

Дигулра, дила Дарган,
Иш дунъя лебил шадли,
Далайли, дукелцIили
Дубурти дулхIехъули.

ЧАРРУХЪУНРА ДИЛА ША

Чаррухъунра хIушачи,
Дила ши, дила шанти.
БерхIиван ну ташлира,
ХIушала дяхI чедаэс.

Чаррухъунра юртличи.
Гъараҳъ архIяличирад,
Дила ши, дила хъали.
Даргира набчи хIерли.

Хъали набзи гъайбухъун,
ГъянцIдешла цундешличил,
Цунни батурра или,
ЛехIли бамсурра или.

РакIира дай шилизи
Дила дигул шантачи ,
ДяхI шалати хIерличил
Чули салам лугути.

РакИлра гъараҳъларад
АнцІбуқъличи, мекъличи,
РакИлра гъараҳъларад
ХIушала дяхI чедаэс.

Ца камсилра деңI бутIес,
Ца хIябал хабар дурес,
УркIурби ряхIятдарес,
Дилара паргъатбарес.

Цугрикиб пишряхъили,
РиштIал рурси Асият,
«АрацIигу нушачи
Чуду хинкIали рукаес».

УркIи гъаргти дяхIличил
Бусрав тиладиличи.
ГIяхIял-шайс гъаргти унза.
ЛехIли сари багъахъур.

Къунзрухъунра гъатIира
Шичи аркъул дякъличи,
Жагъти цалабиркуси,
ТIашбилзуси мерличи.

Чирхъбиубгу дила ши,
БицIиси ва бучIуси,

Тяп мирхъила тIакъаван
Бажардили бузути.

Гъайрухъун рухъна Хамис,
Бурули сунела дард,
Арбашулигү лебил
Гъараҳъти шагъуртази.

ДацIдухъигу юрт-муса,
Пашмай, уркIи агарли,
Цундухъигу къакъурби,
Агара вашул инсан.

Гъандушибгу гъаларла
Комбинатра, колхозра,
Някъла хIянчи бирули
КъутIбикIули бучIуси.

Дила хъярабукла шанти
Бузерилис гъалакти.
Тяп шалала тIякълизиб
ТIашагарли бузути,

Риаслири ну хIурхъла Чака.
Урцаси хIечи, дунъя умцIули.
Риаслири ну, дубурла жайран,
УмцIаси умусни катIти дубура.

ГIЯМРУЛА ГАЛГА

Урунжла шин дедили
Набчи гIяшикъарири,
ХIебла вава бедили,
Дай уркIи кебасира.

Чихъ зубари касили,
Гъуни шалабарира,
ХIела биштIал уркIилис
КIирка ГIамру дедира.

Хъали бицIиб жагъилти
Мурадличира бааб,
Хан унхъри цIедешливан,
Чула ГIамрура дерхъаб.

ГIамру тяп зурхIябгъунти,
ВерхI-рангли пархдикIути,
Дигира дарх дашути.
КарцIира цIумдикIути.

РУРСИЛА ПИКРУМИ

Дугели карихъасли, ахIер жан.
ХIебашар хIулбас гъанкI хIу гъанни,
Мучилизиб чатIаван, жайран,
УркIи хIезиб бугъули хIаяранни.

Савлила ванал берхIи
Ванали биаллира,
Дила хIулбала шала,
АгархIели хIу мякълав.

Къар-ургар вавни диар.
Вавначи мирхъи дашар.
Жайран, ху гъаникадли,
Далайэс иштихидулхъан.

Савли ну аризасли,
Хели бирар чархлизиб

Гляярличи лачинван,
Хилби хегиир умциули.

Савлила ванал берхии.
Ванали биллира.
Я чарх ванахебирап,
Агархели ху мякълав

ДИЛА ЮЛДАШ ЛАГЬА

Лагъа дила урклила,
Хабар гяхиси дигуси,
Лагъа дила шагъарла,
Пикри ряхиятбируси.

Хела игит някъбазиб
Балхаду цуб биринжли,
Лехиси рухъна нешличи
Дихахъес гурра хабар.

Чумал хабар духибси.
Гяхигъубзнала гъунарла,
Шимази, шагъуртази,
Диркъани дубуртази.

Лагъа, дила дурхъаси,
Хабарлизиб буруси,
Лагъа дила дунъяла,
Даршудешла зубари.

ЧАТИАЛАГЪУНА ТИАМА

Салихят Глямаровас

Дубурлан абалы, чатиари хебла.
Харидеш бихуси, хебла гъигъличил,
Гъава ряхиятбиул, зурхиябла шала,
Марлира, дармантив, дубурлан рурси?

Хела тамаличи, глялам хиясратли,
Дурути дугъба урклиби ибхъули.
Марлира, бурагу, Издаг рурсирив,
Глялам харибарес нешли паркъибси.

РУКАБА

Умциис, умциис, хял балас.
Иргъис, иргъис, дард иргъис
Хела, биштал урклилаб
Се глямал лебал балас.

Башар, башар, арбашар,
Берхии булхъан, арбашар.
Хуни набчи херьибла,
Наб замана ташбилзан.

Рукаба, ну рукаба,
Хечил парх аррукаба.

Ху вануси гъуникад.
Къалтингала дякъ бири.

Рукаба, ну рукаба,
Хечил парх аррукаба.
Урклилис хед вайхели,
Даргили сабаб дири.

Рукаба, ну рукаба,
Хечил парх аррукаба.
Хеблизиб чатиаливан
Бирхие нушаб хъали.

АГЬ РУРСБИ

(Масхарала дарай)

ХIулби цIали алкунти.
Чарх къугъал жагъил рурсби,
Виишав вециал бутIа,
Дуцес лерилра хIуша?

ПатIимат чераасли,
Дигайли пархикIулра,
Гляишат дакIурналли,
Карцайли цIумикIулра.

Разият гъайрухъалли,
Майъали кIантIикIулра,

Барият хIерризали,
ХIулби держес дигулра.

Дугели муэртазир
Хадижат сар някълизир,
ХIерила дарданазир.
Аминат сар бекIлизир.

Агъ, дарман шалал дунъя,
МягIдан къугъал рурсбала,
Някъла буцес дигулра.
АЗир исбагьи хIела.

ГИЕРРУЦАБА

Урчила дуцIла гъуни
Дай дугилира ихъис.
БерхIи дулхъули лерай
ХIечи дигай ихъхIейхъис.

Ну пигъала, хIу пагъму.
Ахъруцабагу гъайли.

ХIура нура кIелра дарх
Заклизир ва мусназир
ДирехIе хIеркадиэс
Дарх ГIамру цадарили.

Ца бехIцIарла хIябал хинкI.
Релкъи хъалли, хIедалтас.

Беркадра чакар уркIи,
ХIедцуна хIялалбалтас

Ну пигъала, хIу пагъму,
Ахъруцабагу гъайли.
ХIура нура кIелра дарх
Заклизир ва мусназир.

Бура, сен хIерришиа.
ХIу агарти бурхIназир,
УркIила хIи дужути
ДяхIяэс ГIязабтазир.

ГIЯМРУЛА ГЪУНИ

Ну хIеррикIус, хъулрикIус.
Шалати ГIамру деркIес,
Дила ахIерти халкъла
УркIурбазирра калес.

Дила шалал пикруми
Илдасра бутIадирис,
УркIилартира дурес.
Чулара нуни аргъес.

Дила ГIамрула гъуйчир
Чумра къаркъа даргира,
Шакалра хIерикили,
Илдачи цугрикира.

Ну халкъличи рирхира,
Тяп хIехара хъяшаван,
Бунагъ агар умути
Шалати пикрумачил.

Хіебла ванал бархІиван,
Шалали хІеррикІира,
Тяп хІеблизир чатІаван,
Назмуртани лукІира.

Наб къадарли делкІунти
Дурхъаси Аллагъыли

Дигира дарх лукІира,
Илдачил дарх карцІира.

Иш шалал дунъяличи.
Аллагъыли нушаб гибти,
Нуни хІеркадарира.
Амъурти шурла шинван.

ГІЯМРУЛИЧИЛА ДАЛАЙ

Мешубиркур наб далай
Зубрала арцантачи,
Азадли ахъбиубли
Дунъя алавбиуруси.

Далай – нешла лайлала,
Далай – дигайла цумла,
Далай – марты гъубзнала.
Далай – Гіямруличила.

Мешубиркур наб далай
Дарула дарманничи.

Чархлизиб тІингІбиубли
УркІи разибируси.

Мешубиркур наб далай
Дигайла далайличи.
Адам хІяйранвари,и,
ХІясратли вashaхъуси.

ЗайбикІен дила далай
Макъам ахъли бучІули.
ХІябкуб саламбикІули,
Адамдеш ахъдурцули.

МЕКЪЛИС

Салам, дила дарганти,
Салам дагъистанланти,
Узби-рузбиван шадли
Мекъличи цадиубти.

ХалабикІаб хІушала
Уршби – рурсби, жагъилти,
Дашаб гъаман хІушачи
СяхІбатуни, байрутми.

Мубаракдирулрая
СяхІбатличил разиси,
Гъалмагъра цІикурира
Мурадличи биуси.

Касая чуду хинкІра,
Гіеббуная далайра,
Жагътала уркІи барес
БегІтала хІурмат барес.

Я Аллагъ, Гіямру дерхъаб
Гъалмагъла, цІикурила.

Аллагъыли пешкешбараб
Чус уршбира рурсбира.

Дяхъя гъанна дам-дяд,
Дубурти зайдикІесли.
Даширая дулхъехІе,
Дарган делхъли дамсайчи.

ХІерая, хъат бяхъяя,
Мява гъарзабара,
Делхълизиб арцурлину.
Гъалмагъра цІикурира.

ХІурмат халал тымада,
Разиси шадлихъ ахъя,
Жагътала уркІурбазиб
Шадси мекъ хъумхІертахъес.

ХІябкутира макъамра
МалхІямли зайдикІесли,
Дарган далайла тІама
Зубартачи баэсли.

Проза



Ибрагим
ИБРАГЬИМОВ

ГІЯМРУ ДУРХЪАТИ САРИ

(уришила хабар)

БИРИЗУНАЛА ДИРКЬА.

Тіабигіятла ил къугъаси Гіямзи нушала шила чедиб, гъалли дубуртала уди, тінгікабиулы саби. Илар дашути галгуби биризуниң сари. Ахъти ва Гіяшти, дахъал къялубарти ва лугіянни заки дургъути, цадеңі хіебла шалдаличил кіара дирхъути, цадеңі биалли май базла ахирличирра бараван кінчіби салхыту. Тамаша ахіену, биризунани чула урдализи царил журала галга къабулхіебарни? Илар муръұхъула-ла, дургбала ва мижиғъурала къадубира хъяш-хъяшли къаршидиркүр.

Шанти чузи саби суалбикіар: «Сен биризуни ил диркъаличи дәкіли? Ши-алавси ургуба қагъуна ахіену? Яра ишабси Гіянжи декіларсив? Хала бегітани удатурили илар дакіахъибы хіейалли?»

Сен биалра, дигахъу дурхінас дусла се заманаулра биризунала диркъаличи шадиб башес, экскурсияби дурадуркіес, чула хіязани-ихтилатуны думжахъес.

Илаб гъарли-марли бамсриахъес вирап. Чидил-дигара бириз чеббикіли, удирти кіантіти къарличи хъарихъалли, хамхализи паргъатдеш хъурабирап, пикрумира шалахъидирап, ряхіятли ра-хаэстра асубирап, сенажіенну күнкісі ғұзерили чедирад, биризла кіаразирад, шивкіивъала дехідирхъу: «Адам, паргъатии дила улгу-миналичик. Датдухъ-ахъен чархла биркіанти, гъараҳъдарча челукъути. Гіямрулизиркіун дахъал секіләл лер Гіяхіти, дигести, уркіли къабулдарести. Дигалли ускаэстра вируд: илхіели хіед нуни черикіла муэрти дурхъис, хіела гъанкіра хібемціахъес къарауичиб бирус...»



Ит бархіи гіебшнила аргъ бачабяхъилри. Зумаси дирихъ. Дяргібти вязъала. Тяхіуси хіябцдеш...

ХIери гIергьи ну тяп ил биризунала диркъа кIибайбируси къашла дякъкад шилизи чарулхъулри. Лебри нешла хъарбарь: хIенкъулас кумекбараҳъес савли вархъибсири. Байтарман, нушала къял хIенкълизиб хIебуулри, хIери баимад, сунела гашира ахъили, хъули чарбулхъулри. Илалара аргъесири, сенахIенну бараван bemгулри, сабигъуна хъула къача баркыилри. Ашкарли, дярхълаб ил сабицун батес хIейгули биишину, хIенкъулала хIули бигъи, гъаббулхъулри.

Гъунила кIелра шайчири таҳъал къялубар биризунацирад, маза къапIала чубкрачирадван, забла кIунтIри кадиркулри. Илди цаагили дила хъябличи, дяхIличи, гъаргти някъбачи кайгулри, чарх зимбулхъяхъулри.

Рахли бардала «пяхъ-пяхъ» ибти тIама-гъама чедихесдяxIib. Илдани, гIергIералгъули, цахIнаб диркъа лехIдешлизибад чебиргъяхъулри.

«ВяхI, марли, вацIапакъ леву ишарти биризуни дирхъули? Цахдеш ахIену? ХIябилра гъамлибси вацIа баргили хIейалли?» – пикруми гIибкъдикили, ну левси мерлав тIашизурра. Бардали лихIбази къизбикIуси «аги» даимбарилри. ГIур къашмани, набзи хъарра хIебаили, бардала тIама чебихуихI арукира.

ХIера, чумал духъна бириз гIелар калун, гIелаб калун биштIаси аварагра. БахъХIиагарли дирихъла пардавлизибад хIисаббиуб галга бирхъуси адамла къаралдира.

Иличибад вециал ганзлацаад тяйдиси дергла къадализи бигъи гиликъабта чебси эмхIера лебри. ЛихIбира даткаили, ил хумарли сунела вегIла хIянчиличи хIербикIулри. Илра бикIусигъуна кабизур: «ХIябилра игъбарагар лебра илцад халаси мах хъули архуси...»

Бириз бирхъуси чи-биалра ахIенрину, вайнукъя Магъдар сайри, нушала шан хIурматла ухъна Абулкъасумла урши. Гъар секIал илмадан наб якъиндиуб: илгъуна вайгъабза нушала шилизив кIиэсил левси ахIен. Къалмакъарчи, держлукъ, халахар, гIармиялизивад гъавухъи, бегIтала хъули дигIяникибси. Гъаннара, хIябцIали дусла ганзухъ ахъибХIелира, сай-вегIси хъалибаргра агарли, бегIтала хъябличи мурдакайбси баркъагар. Багъеслири, илра дузани дурахъи урги, аммаки, аргъла бачабархибдеш пайдалабарили, сунес сунени гъамадси хIукму дурасилри: «ГIягIнилив урца дех багъандан гъараҳъси вацIализи вашес? Ца бириз бяхъясли, эмхIелис баари дех бетарар. Мякълав эй-жей викIуси агара. Абикиб къуллукъ!»

«Се бируси? – лямцIбухъун суал бекIлизиб. – Гъамиубли, эй, Магъдар, мабирид ил убяхIси хIянчи или бурасли... Чевхъи илини хъянтIа бурцу, вайтIа дирхъу ва, мухIли буцили хIевъадли, хIела нуни лезми дурабилтIас или, гъавирхъура. Ил зурба къаркъа вегI вайнукъячил вяхIес дила гъунар хIебиур. Биалра, зулмукар или танбихI агарли ватни-декIар бархъсив? Царил хIебиали... Гъаригу, нунира илис ца уюн бирис...»

ВахъХIи пикрихIейкIули, дигIянни илала эмхIеличи гъамиубра, арзили тIанилра, наб гIелабад батбихъахъира. Диркъала дубличи дуравхъунхIели, эмхIе батаайи:

– Гъу, гъанна хIу хIед дигна букеес бируд. Азадлири!

ЭмхIелис дигусира азаддеш бирар. Сунела вегIла хIеруди агни аргъили, гербатурси къаркъаван, шилизияхI касли кабухъун.

Цуг-цугли ил манзил, къябчIла кахси тIамара дурабушили, бириз кабикиб.

«Сунела цахси баркъуди ахирличи бикахъиб», – викIулра ну гIясиубли. Ил сягIятлизив наб шилизи арукъес хIейгулиахъира: «Юх, иши уркIи бур-

гъахъули, ну хъули арукъес хIейрус. Сегъуна-биалра гъатIира вайдеш барес хIейруси Магъдарлис? Гъярку керхайчи хъумхIертеси? ЭмхIе дугIберкIни илис се саби? Вархъли шилизи аркъян, мурдакайли пякъир гелабяхI сагали чарбиру, чебихъили бяхъибси биризра, ваткархъур. Валлагърагу, бархъси ахIен! Сен биалра, илис децIагахъес, гъягIнибиркур...»

ДигIянни ганзикIули, ну гIурра бириз бяхъибси авараглизи чарулхъулра. Гъанна циила урехиличил, галгубала гIела дигIяниркули, ита-иша сахъдешличил хIерилзули. Аммаки бардала тIама бикъули ахIенри: галгакIун илис бутIнадбарес гъягIнилири, къялубира чердяхъес гъягIнилири. Се бетаури? Вамсурли тIашизурли хIейалли? Яра, эмхIе бетахъни багъурли, къайщухъи ургар?

Диркъаличи чIикъбитIунси биризличи вазэ чумал ганз лерай, хапли уркIухъи тIашилзулра. ЦумикIусила тIамара иргъулра. Чебаибси суратли-чи вирхаэс хIейрулра. Кабикибси галгала удив геркавхъи Магъдар леври. Илала дяxI чяртли дясири, ца някъ азадли бекIличибяхI гъабатурлири, итил михъирличи галгали чекабуцилри. Дурадикес хIядуртин вякъдизурти хIулби паргъатагарли ита-иша садемцIурлири. Гъамадли багъеслири, ил манзил ванукъя гъязбатазив виъни.

– Наб кумекбара, – иргъулра илала шивкIивъала. – Аллагъ багъандан, кумекбара...

Ну, иличи альвяхъили, кIайизурлира, селра бареси балули ахIенра. Ил дила хIулбала гъалав ажайчил ургъули сай. Белики, дила мерлав царил виалри, илмадан кумекличи музахъиши.

«ГъягIнилири илис кумекбарес? – викIулра набзи ну. – Ил зулмукар сай. Илини гъярмулизиб цалра адамлис гъяxIдеш хIебариб. ЛягIнат ахIенси баркалла сахIерхиб. ХIера, ишбархIира ил лебил шантас дурхъадешли бетаурси, мяxIкамли хIербириуси биризунала диркъя палакатбарес вакIили сай. Илдигъунти вайнукъяби душмантачибра вайти биар. ГъягIнилив гъатIи уркIецIибарес?..»

– Эй, гъянцIилирив?! Селичи алькяхъилри? Кумекбараму? – сагали иргъулра Магъдарла хир-хирбикIуси тIама. ТIама хIясибли ил къалли илцад гъамадли хIебкIни багъеслири.

– Нуни кумекбарес хIейрус: ил лебгIеб халаси бириз саби, – викIулра ахирра ну.

– Бардали чеббяхъя!

– Нуни хIейрус... Шилизид адамти жибарасли?

– Вари, вари, асуxIебирап! Ну цахварес дигултив?

– ГIур се бирузи? Галга нуницун убкасес хIейрус.

– Се меxIур гъай сари «нуни хIейрус», «нуни хIейрус»? Чеббяхъя бардаличил!

ГъяxIхIебизур илала буйрукъ. Камсиван лехIкахъили Гергъи, ну викIулра:

– ХIу вайси адам сайри...

– Се?! Агъ, хIу буцIа верг! Се сари хIуни дурути? Хъярхъли галга убкаса набчибад, меxIур!

Илала чурха, агъулладариби илди гъайли дила михъирлизиб серил вяшбухъахъун. Буару паргъатли ил? Михъирлизибад чIумаси тIамара дураберхур:

- Юх, нуни хIед кумекхIебири! ХIу вайси адамри!
- Агъ, къурумсакъ! ХIела нуни лезми дурабилтIас! Сабурбара!
- Нуни хIед кумекбарес хIейрус... – сагали тикрарбиулра нуни, иш гъакI-лис ласирхъули ва аваграгкад къяшла дякъличивхI ганзулхъули.

– Эй, тIашизи! Се бирулри? ХIу чинари?..

Къакъла гIеларад гIяхIцадхIи чедихули калун Магъдарла дирглуми ва вяв-гъав. Юх, цайналра гIур ну гIелавхI ласхIяхъира...

ЧянкIли хъули ваили унабурхI ахъимад, қахти пикрумани ясируцира: «ХIуни се барри? БебкIаличил ургъуси адам лайвакIири, кумекла някъ гъахIебицири. Душмайсра, хIятта Магъдаргъунти вайнукъябасра, илгъуна агилизиб кумекбарес хIечиб чебсири. Гъу, гъанна илгъуна жаза илини баҳъхи чекахIейсу. УбкIар. ИлхIели хIед сен бирара? Илала бебкIа хIед гъар ганзлис дяхIцИван гIергъибашар. ХIед паргъатдеш хIелуга дугели муэртазиб, хIе-рели хIуруцлизиб. Сен-сен виубри хIуни ажайчил ургъуси адам лайвакIес? УрхIли бағъалли, гIайибхIебириу? Се бикIара школализиб? БегIтанира хIела барьуди мархIебириу: илди мурталра вархъси, сабурла, малхIямси, ряхIмула вегI ца ахIимакъ гъабза ветаахъес махикIбикIули бирар. Магъдарличив хIу селизив гIяхIсири? ХIура жаллад уилригу? Пикриухъен, илала гIямру хIела някъбазир сари. Адамла гIямру селрайчир дурхъати ахIену? Илини баҳъибси биризличир, лебил ил биризунала диркъаличир адамла жан гъалар ахIену? Пикриухъен...»

Ва ну пикриухъунра...

Сецад замана дикибал хIебалас, ну сагали биризунала диркъаличи биху-си къяшла дякъличив ветаурра. Гъеркличикили ватихыилра: «МагъдаркIун жайчил ургъули сай, къаниэс асухIебириар...»

Дирихъли гъачамлис алавчарти муз-къада, нешли виштIаси дурхIяван, дукладуцили лералри. Вязъалара зумадикIулри...

«ВАНЗАЛИЧИ ДИГИЛИ...»

Хъубзарла ихтилат



Илди кIелра, кIидехI гIямрула бикъруми, азбарлаб лебри. ГIяхIмадхIяжи, дуразла къяш балиули, гIямзилав къутIикIули, вархилри. ГIямрула рапхъя ГIялила Марзигет, диндира бумхули, мякъла гугкарииилри ва муруйзи чула ардякъунти гIямрула бурхIначила хабурта ругъулри.

– Хъучи дуравхъес къас хъебиалли? – хъарбиулра хъа вегІлизи.

– Ил гъяхІси барьуди саби, сепайда, жявли къадин анкІи бегІес. Улакъбиэс асубирап, чебакІес хъебирап.

– Мурт гъяхІси?

– Октябрьла ахир, ноябрьла бехІихъуд нушала хала бегІтани кабизахъурси бири.

– Ириъра анкІи бегІунрив?

– Ирий бетхІеур: комбайн агарли, дег барес гъалабван дургІела агарли, дег барес иргми агарли... Ишдус ил масъала, сунечи Аллагъ разивиъ, ХІясайнила ГъяхІмадли арзили сай. ЛайкабакІиси комбайн бузесаиб. Шантас сегъуна ГъяхІдеш сабил илини бариси? Сунес – керира.

– Марзигет-адай, динди къалли дирулри, чина архид? Комбинат тъутІубарила 20 дус диркулигу?

– Комбинатлис гъалар дарибтира диур. Ишди нушала дурхІнасрал илдала барьубастасра сари. Яни гъараҳъли ахІен. Къашми хъедяргІяхъес...

– Ге, хъуша акъули хъедуудая...

ВаххІила хъубзара, бикІуливан, чумра хъучир лугІи кахІесиби чумра гъаршани дет-саддяхъиби ГъяхІмадхІяжи, жумягІла дехІбалара дарили, мижитлавад дураулхъули къаршиикиб.

«Ванза бузахъни Къудратла вегІли бегІла ГъяхІти ишарагтунаизибад цали чебиуси саби, динна узби, дурадухъеная авлахъличи, мицІирбарад баракатла ванза» ибти шила имамла гъайра гъандикили, ГъяхІмадхІяжичи гъамиубра.

– 50 дус хъуми дузахъули, халати сабухъуни сархули, хъубзурала арзухІял дагъурли, гъямру деркІири хъуни. Бири хъечил барх даршани зиланти хъубзурира. Аммаки ишбархІи ванзаличи уркІи изути камкабильни сен-сен иргъуси?

– Сабабти дахъял гъандушес вирап. БекІлибиубси биалли ца саби: хъучибад сархуси сабухъличи хъараҳъили адамтани яшав барес хъебирни. Масала, картошкала ца кило, ургабил хъясибли, 15-20 къуруш саби, ризкыла – гъатІира камли, 8-9 къуруш. АрагІеб огородла сабухъ, картошка убаталли, 30-40 азир къуруш, ризкыи бегІалли – 10 азир къуруш. Ил напакъализибад вегІла къиянхІекъра убкасалли, гъурра камкабирап. Се кавлули?

– Аги или биалра, шимазиб кали къалли ванза бузахъантира?

– Кали саби, илдала лугІилизив – нура. Нушала къам, гъалар колхозла хъумачир дуги-хІери дуркІути хъубзурала къам, ил санигІят бархъбатури, паргъатли буэс хъебирап. Ванзаличи гъирали, дигили илди, гъар хъебла бурхІни гъамдиумад, хъуми дацес ва дегІес дурабулхъан. Глебши гъамдиалли, сабухъ бучес, хъуми декладарес, илди сагали дацес аркъян. Гъурра уркІигъаргли бурасли, бегІунси хъучибад къякъ ризкыла хъебакІалра, убатурси картошкализибад шангла абушес цалра saxIерхасра, ну ванзаличи къакъгъавли кайзес хъейрус. Ну хъяшахІели, дергъли мурул адамти берги, шилизив хъубацеси хъубзара агарли, дуразла тІели буцес атхІейули левай, иркъиличи хъутрира кайхъили, унцас гъергъи вашира. ИтхІели бурги дила хъилизи булан ил санигІят хъурабиубсира. Багъурси саби гушти дусмазиб адамла къисмат (хІериэс яра вебкІес) ирзузи къацІ биъни. КъацІ лугуси биалли ванза биъни. Гъу, нугъунти гъаб-убла хъубзуруни гъур се биру?

– 16 ибил партсьездла уличилси колхозла 640 гектарла белгІуси ванза лебри. Гъаннара кали саби, хъятта имцІатигъунти хъуми хъалта-къарли ва занзбани дерхъили, дуки-гъуниличи шуркадухъи диалра. Сен итхІели илцад ванза къас-къасли чебетаахъили бузахъес бибулри?

– ИтхІели хъукумат декІарсири, законтира ишбархІигъунти ахІенри. Колхозла зяхІматчис дурав узес ихтияр аги: дигаллира хъейгаллира ил ванзаличи

(илхелира колхозла) къярдаличил чекяхъибсиван сайри. Хлевзалри, хъалибарг гушбири, сунес Чумаси танбих^I гieberии. Ил пакыир гур чина викеса? Колхозла председательла ихтияр агарли, илис шила Советла председательли справка хелуги (паспортуни бекIлил агартири). Илбагъандан илис, дурала мер-мусаличи укъес дигулихъар, гуни гекIибсири...

– ИлкIун зулму саби?!

– Юх, зулму викIес хлейрус. Чумаси закон лебри. Гъаннара адамта чула хъуми лайкахIедикIи, эгер ванза хебузахънилис танбих^I бируси биалри. Кебасни ца, бузахъни – декIарси анцIбукуь саби.

– ХатIаиркули хейасли, ху полевод-бригадирлира узули калунри.

– Полевод-бригадирли, шоферли, колхозла бухгалтерли... Хъарбарибси бибули дузутири. Чи чинав узалра, цуг-цугли хъубзарара сайри. Цалра бархIи ургуба чехIебаили, илабти зяхIматчиачил хянчи хебутIили, архIябякъун. Бригадир сайхIели, рахли аргъ-бархIили герхIедуцили, арши заманаличир бекIхIедиралри, никIали лебалси хъалибарг булан школализибад чарбухъунмад, авлахъличи барх арбикира.

– ИтхIели хъубзурала имканти лерригу? Буралли, колхозла урегал бригада лерри, гъар биригадала 50-дехI дукIла унци, дукI-дураз, уркура, цархIилти ваяхI... Гъанна вегI-вегIла хъуми умхIачил гуж-гужли гъунчидуршули сари. 640 гектарла ванза умхIачил бацес-бегIес бажардибиркуру гъатIи?

– Гъайгъай, хебиркур. Чи сая гяйибла вегI? Чинаба колхоз? Чинара унци? Хъубзурала гягIинахъала? ЖятIял-царапахIел илди музейлизирцун чедаэс биар. ТутIудариб, гур къацIличи хяжатдеш агархIеливан. ИлкIун бархъиси ахIен! Чили бала, жягIял нушачи се херлил? Белики, Гяртайлизирад гъаннаван «КАМазуни» гарчдарили декъ хедихес? ИлхIели ванза хебузахъули гямалбиэсара? Ризкы гъаваличир сархес хлейрар къалли?

– Колхозла имцIасигъуна лебдеш пачалихъли кебисулри, зяхIматчис абзур дусла къиянна бурхIни хясибли напакъа лугулри. Илгъуна бархъагардеш чебиухIели, зяхIматчис узес-декIар дигахъив? 70-ибти дусмазиб нушала шилизибадти вецIани зяхIматчиби КБО-лизи, межколхозлизи каберхур. Илди имцIаливан къис-къутIла, мегъла, лацла устни сабри: илаб илдани кайсуси алапара халаси сабри...


– Наб гъанбиркур, амма илдас вайтIадикахъиб. Къис-къутIла устни узби БяхIяммад ва МяхIяммад, райцентрлизиби КБО-лизи каберхни багъандан, колхозлизибад дураиб, илдала огородуни керасиб, хяйван-къача шантала хенкълизи кайахъес къадагъабариб. Илдигъунти «уюнти» дяхIчиаиб пагъумчебти устни XIядарличи, XIяса Сулайбайчи, Къурба МяхIяммадличи, ГябдулхIядличи, ВиштIа Рабадайчи...

– Иргъулра. Сен биалра, ванза гяйибла бегI ахIенри къалли?

– АхIенри. Колхозлизибра вайтIа хебииши, мерла хякимтани (колхозла ва шила Советла председательтани) законни кабизахъурси низам хебулъули биалри, сабаб агаркъи, чула цакъ чебиахъулра или, халкъ язихъхIебарибити биалри. Кулпет гушли, гъаргли чи уара лехIкахъили?

– ГяхIимадхIяжи, ванза вегIдешла арилизи бедили саби. ГяхIла шайчиб барсдеш ахIелкIану?

– Гъалахи бурес гъамадли ахIен. ВегIдешла арилизиб биалра, ванзаличи хяжатдеш адамтани чебиули ахIен: гъар секIал хядурли дурарад дихули сари. Илкъайда сабхIели, гягIнилив къиян кабирхъес? Илала дурабадра, ванза



саби-сабил давлали maxIебикIар, илис къуллукъ гIягIиниси саби: бузахъес, умбирес, кIантIибирес, балхес... ХIед ца мисал. Ишдус уршилизи викIулра: «ХIера, ишди умхIира, каса дукI-дуразра, укъен хъучи. АнкIи хIебелгIадли, убати картшошка, гIебшни хIед янилис баари сабухъ кайсид...»

«ГIягIинили ахIен, – викIар ил авараагарли. - Ца-хIябал базлис Москвализи, Сочилизи ялчнад аркъяс: наб баари напакъа лебхис...»

Ма хIед ванза бузахъанти!

Нушачиб узуси адамлис някъби сахаватси бикIар. Илала хъулиб баракат-ра камхIебирар, къиян кабихъибила къумур къугъали бирап. Къиян агарли бакIибси къянкъубазибад дурабухъес асубирап или, гIуркъра бирхъу.

ГIяхIимадхIяжи хъубзарацун уили ахIенри, ил анхъчира сайри.

Юргла берхIидяхIси шайчиб илдала давлачебси анхъ леб. Иларти жураржурала галгубала цIедешла бизиси тIем къакъализи дурабулхъули саби ва шалгIеббулхъутала къянкъубази гилдибулхъули саби.

– ГIинцби, хъярби, гъямгъя, албухарти, дургби, сирмугуни, муръухъули... Илди къалли шилизибти цархIилталарап лерни балас, нушачир гъамадли да-шути цIедеш сари. ТIутIи дакIахъес сен-сен бажардиикири? ИлкIун нушала мерла бухъала ахIен?

– Илди нуни дакIахъибти ахIен. Ванза! Ванза саби нушаб гъар секIал лугуси. ТIутIила къялуби, хъараҳъилизирад хили, ца ити ахтардииисван удатурра. Валлагърагу, нура тамашаварира: датдихъиб тяп диркъаличирван. ХIера, ишди гъанна юртличил цугли ахъдиубли сари.

ЦIудара тIутIила бухъалаби, цализи ца дигъунти духемтиван мер-мерлар сурдухъи сари ва берхIила нуранаур, гIярбукила кулухмачир халати цIудара къашаниван, лямцидулхъули сари. Чула дилкүуси заманаличи даили, тIя-къдухъес хIядурли сари.

ГIялила Марзигетли азбарлизи лерхули сари анхъла давлуми ва бягIуси уркъуйчи тIинтIидиули сари.

– Гъари, ахтардидара нушала хъярби. Чумал журала лер: жявли дилкүути,

хІяли хъярби, гажин хъярби, лига хъярби, къяжа хъярби... Ишди чадур нуни дақахъиби сари, ДейбуқІличи хІеркабикІуси БехІла гІеларад кадухира. Гінцбі къалли хІушалара дургар...

Баркабанти! Илдигъунти бирар бузерила адамти.

Гайгъай, Марзигет-адайли набзи дурути хабуртачира лехІилзули, хъум-хІертурра илини анхълизир дучибити цедешла т'ембагъесра.

ГІяхІмадхІяжи биалли, нушачила хъумкартурсыван, азбарла гІямзилав сагали сунела хІянчилизи вархили сай: иш гъакІлис илини убзалишиб дуразла гъаб букІубибулри.

Юх, хІейрар акъули уэс хъубзара адам!

ВАНЗА – ХІЕРЛИ, ХЪУБЗАРА – ЛЕХІЛИ

Кіел айту

Гъар дус дубуртази хІебла вахт гъамбирали, ванати гъигъаназиб ванза че-биргъалли, ургуба хъалибарибеси ухъна хъубзара гъаниркули вирап. Чи бикІил илис бурес гъамадли ахІен. Аммаки гъанбиркур, секъяда ил шантани Къубати Санилабси сунела хъу балцули, гъаршлизи кайкили вебкІили варгибисирил, ва илала жаназа, уркурличи кабихыли, шилизи баахъисирил.

«Пякъирли лерил гІямру ургубалар деркІибири, бекІара илини сунела хъучиб баргили сай», – пашманни бикІутири шант�.

ИшбархІи Къубати Санила ризкылис дурибти хъуми, хъалта-къарлира хІянзанзбарнира дерхъили, дуки-гъунила диркъурбачи шуркадухъи сари. Нагагъладан ил гъаршлав таманкайбуси ухъна хъубзара сагали мицІирварес биалри, палакатдеш чебаили, ашкарли, илмадан деңгагили, сагали убкІи.

Илгъуна саби ванзаличи гІяшикъиси хъубзарала уркІи...

Царил хабарла ризкы дашихъан Ражабаттани, бикІар, вацІала дублабси лайкабакІиси къасиличиб, дяхъили гІинтбала ва муръухъулала къадубира, хъу барисири. Тяп ил дуслизиб ила мяхІярра бегІири.

Хабарра агарли, дус дегъеси бетаурлири, шантала аршурби берхІили лам-дарилри. ГІебшни сабухъ какхІесалли, шан адамла даража сегъуна бирара? Хъалибарглис гаши хІядурли сари.

Ражабаттала къасигъуна хъучибси мяхІярли баари сабухъ гилри, ва илини шантала гаши черардукилри.

Илгъуна саби хъубзарала багъудира...

ХІЯКЬИКЪАТ: ГЪАЛАБ ВА ГЪАННА

Дахадаевла районнисиб белгІуси ванза 7137 гектарла лебси саби. Дурибти ванзурбала цали сабси КІишала мулкли chir 600 гектарла делгІуты хъуми лертири, ишбархІиличи 120 гектарла сари калунти. Дибгашала ванзаличиб 400 гектарла сабхІели, калунси – 100, Уркухъла 344-лизибад – 40, Чишилила 73-лизибад – 40, Меусишала 133-лизибад – 40, Кудагула 82-лизибад – 35, Зубанчила 48-лизибад – 20 ...

Ил бекІил гапхІебареси сияхІ гІурра чебицАхъес вирап муирала ва сир-хІяла гІяхІцад гъанхІедушили калунти шимала мисалтасирилра.

Или биалра, уркІи разибирули саби, цагІяхІил дузути хозяйствобира лерни балухІели: Зубанчила, Бускрила, Трисанчила, Уркухъла, Меусишала.

Илдала хъарахъуначир мицИрагра кали сари, авлахъуначирти дегІнубани сабухъунира лугули сари.

«Ванза бузахъес гІягІнибиркур. Ил хала бегІтала хІяракат гІеббурцути колхозунас, администрациябас, диштІати хозяйствобас ва декІар-декІарти баркъудила адамтас нушани күмек гІеббиахъехІе: техникаличил, хІянчизартачил, дегІес хІяжатти ризкыла сортаначил...» - чуйнара-сера гІячихъбариб «Дахадаевла район» МО-ла бекІ Ж. Р. Гіямаровли.

Сепайда, имцІатигъунти адамти ванзаличи къакъгъабли кабизуртиван саби. Илала хІекъилизир гъай ахъдуцалли, ришхантличил гъинчІбизутира камбирули ахІен: «Халаси хІяжатдеш хІебиалли? Чис гІягІнили? Нушаб даари ризкыи, бетІу, царилти духълуми Гіярасайлизирад дихули сари. ИлхІелира камси багъаличил. Арц леру – гъар секІал лер...»

Ванза мучлахІебарни вегІли вегІ цІахварни ва ватІни ахІену? Биаб гъанна адамти яшавлизиб давлачебли, эркинни? Илкъаяда ахІенригу дергъла кахти дусмазиб? Нушала дудешунира хала дудешунира, ризкыи агарли гашализибад улхухІели, ванза хІебузахъни сабабли ахІениргу, лебдеш дявтас бурхъни сабабли сабри. Чедибдеш сархес багъандан бедлугусири. Бурули бираар, ризкыи агарли, низла кашли букули, хІева ахъбуцалри, кунби шинишли чейутири. Илди гаши дяхІяурти къамла букъурти ахІенрав нуша? КъацІ мучлахІебарес чила ихтияр лебсив?

Гъаниркур Испарилла ГІяхІмад, сунела хІяб нурли алк, пергер тямада ва ихтилатчи. Карилаб берцІбси хъалтала чуду илала гъала кабихъалри, бурули вири: «Агъ, баркабан! Чуйна верцахъирав хІуни, гашали къагъвари-бхІели?..»

САБАБ

Гъаларван «Дахадаевла район» МО-ла шила хозяйствола управлениела бекІ агроном МяхІяммад МяхІяммадовличил къаршидикира.

Илини аргъахъиб:

- БелгІуси ванзаличила ишбархІи хъумкартилис нуни балуси сабаб ца саби: ГІамрула эркиндеш, муртрил дуразла тІелили хъат белкахъунси хъубзара булан велкъи вильни. Марлира, гъанна числалра (я хІяким-каримлис я шила ГІядатла зяхІматчис) къацІла шишимъала агара. «Камазуни» дицІили дубуртази дикили сари декъ, анкІи, мухъи-мяхІяр. Шимазир къацІли дуцІули сари саби-бегІти пекарняби. КъацІла багъа-декІар се леба? I5-I8 къуруш, анкІи исадли, 7-8 къурушлис ца кило. Эгер дурарад дикиту ризкыла «карбанти» тІашдизалли, адамти бегІтала ванзурбачи чархІебухъес ГІямал кахІевлан. ИлхІели хъуми дузахънициун ахІи, шила хозяйствола царилти къялубира дархли мицІирдирап: шинкъби, хъубзурала ваяхІ, унци-уркура, делгІути духълуми...

Ил шайчив леб ца Гурра гъуни: къацІла багъа ахъбуцни. БехІцІари яра буханка I8 къуруш хІебиубли, I00 къуруш биалри яра, картошкала ца кило I5-20 къуруш хІебиули, I50 къуруш биалри, хъумачи инсан царил хІерличил хІерилзи. ИлхІели пайтдухъунти хъумала къасурби булан даци, ризкыи делгІи, картошка удалти, набадури, урбеш, капуста ва царилти духълуми ляркъяхъи. Илдира, бикІуливан, экологияшал умути, чархлис пайдалати...

ХІера, илхІели лябкыи белгІуси ванзала хІурмат!



«ХЪУБЯХІРУМИ» ХЪУМКАРТУЛИ

Бузерила адам хъубзара азири дусмас гъалавал чевяхІибули, дурабуркІуси байрамли бетарули саби «ХъубяхІруми». Асубирап ил нушачиб бусурман дин бакІайчи акІубли биэсра.

Глядатлибетаурли, хъубяхІрумала байрамли кабизахъурси (хІебелкІунси) къанунра лебси саби: хІебла цаиси гъарш каайчи, числарпа хъучи дуравхъес, гІянжи шикъдарес асухІебирап. Илгъуна барьуди сунезибад дураберхурси адам гъалабла замана цАхирусири, гІякІара касили, танбихІлаирусири. Ца адамла ахмахдешла вайси асар лебилра зяхІматчибачи биусири: ил дус дегъси, цАли ламбикІуси яра хъибхъяли хъу дуунси бакІес асубири. ХІебиалли, абзур дусла сабухълизивад хъубзара мяхІрумири.

Сеңад хІейгеси биалра, дусмадли хъубяхІрумала байрам дурабуркІули ахІен КІишала шилизиб, сабира минала хъубзурала къаманачил шими-ургар хабардерхурси.

Унраличирти Дейбукила, Меусишала, Хуршила шимазиб хІебла бузерила байрам къябберд хІебиахъубли бетурхахъули бирап. Ил бархІи ихтилат гІеб-бүцес, саби акІубси ванзаличи хІербизес, узи-уршиличил хабар-вягІда дурес шагъуртази гечбиубти илди шимала жамигІятра башар. Гъаларван Зубанчир ва Меусишар детерхурти ХъубяхІрумачила «Шила гІямрулизир» макъалаби дурадухъун.

Гайгъай, суал акІес асубирап: сен азгъинбирули илгъуна балбуц гІеб-бурцес цацаdexіти мер-мусаличиб? ИмцІаливан иргъуси жаваб ца бирап: «ХъубяхІрумала байрам дураберкІес нушала имканти агара...»

ВегІебшлихІиб, се халаси напакъа хІяжатли, дукІлизи умхІира дабгили (нахІа унции агарану), дуразра касили, ца-кІел хъубзара ургубала дурабухъи гъарш каэс? Батирайла далуйтазисигъуна берк-бержла туй дурахІебер-кІаллира, гІямал биишину? «Ца гІежала урдуrrа, мучарила ца къацІра...» дашибтиригу?

Динна гъуйчи чұумали кабизуртани биалли держла ихтилат илгъуна дурхъ-аси бархІи бекІил асубирахъуси ахІен.

ДЕГИНУБИ ЧИЛИ ДАЛТАХЪА?

Гергъити чумал дус нушала шимазир тамашала дарсдешуни детарула сари. Дуки-гъуни азадли, мицИраг чула сари ихтиортазир гезкадикIули, дукикъяна агарли, датли сари. Янилира хIеблира ургубалар къяйцIлизир чедаэс виарар.

Гъар-ур кIишантала, тIерхъара касили, дукикъяна дуравхъайчи, хIаяван-къача тIениличир дихIутири. ХIенкъула агархIели, ярга-яргали дуки бashi. Я мицИраг чебаэс хIейри ургубалаб, делгIути хъумала мякълаб. Баргибу – илала вегIлизибад гIякIа кайси.

Ца бархIи, гъести гIямрула хъунул адамла гъайличи лехIизурхIели, тамашаиубра. Ил рикIулри: «Гъай, хIябилра гъарбизурси дус бакIиб къалли: ца-чумал тяй балчала даиб янила яни къули хIердарес. Ургубалаб бергеси камхIебиуб...»

Ягъари, хIуни балули риадри, хIела мицИрагли бергала чинабад кайсулил. Глебшни жагъил хъубзури Шихала Сулайбай, Рабаза МяхIяммадли, ГIялила СалихIли ва Гъазихъа СултIай ца-ца, кIикIел гектарла анкIи дегIунти хъуми илдани дугули диалли? Хъубзурала гIибратли бетаурси сипта букубулъули ахIену дугIеташиби мицИрагли? Чини хIебалули, вягIдалакабиубхIеливан, ГIялижай къатIла адамтани гъар савлила шалдаличил хъулирти лерилра хIаяван-къача ургубала дурхъули биъниличила? Гур илди саби-ургаб журра бикIули биарар:

– Валлагърагу, хIилхIи картошка убатурра: чIумакабиубси ванзали умхIи дамсаҳъур.

– Дилаха хъучиб дураз бячун. Гутан сабухес хъули чарухъунра.

– Нуни ишдус сага барили хъу батурра: гIяхIдеш агара, ириъра къулани бергун...

АзибяхIяммадла гумурби ахъибхIели, сунела хIаявантира гъардашахъули, ваткайхъили СалихI къаршиикиб.

– Ягъари, – викIулра, – Турака бехIличибси хIела хъу чебаэс гъавхIекIи-рив?

– Чебаира, – иб илини, – гъанна ишди дила мицирагра ила дуки дурхъулра. Насрединнинан гур чилалра хъучи хIедукъяхъесра хъаркабиурлра...

СалихIла илгъуна жавабла мягIна нуни аргъира: веңIара-сера илини урхIла хIаяван-къача сунела хъучирад гIеладяхI шилизи килри. БегIтази аргъахъилри. Юх, къазли шинцадра чехIесилри. Я илдазибад гIякIа касес вируси ахIехъилри...

ВегIли вегIлис зарал биралли, гIяхI чили бируси?

ВАНЗАЛА ЖИ

Хъу балцули, савлиличил арха-кархили сай УммалатхIяжи. «Эй, хIуша арадаркъарт! ЯхIбарай, иш картошка убатадалли, хъулир хабчабли хIушаб тухъти щулкъям дирахъу. Гъайдая, баркабанти!»

– ХIянчи гъамадбираб?

– ХIура араираби.

– ХIебла ванза сен саби?

- Хөекъли сунела аргъличиб: дуразла гъабличи гъянжи далсули ахIен.
- Картошка убатес пикрибаришив?
- Ирий ризкви сабри, ишдус – картошка: илкъяйда духъулуми дарсди-кIахъни гъяхIси саби.

ИхтилатикIес хъубзара УммалатхIяжила замана агара. Андаличибад майара хIяршбарили, илини умхIи гъайдариб. Шантани гъяхIил балути саби илала дудеш ГъяхIад-азира хала дудеш Уммалатла МяхIяммадра, ванзализи гъар-шла някъиш лукIули, лерил гъямру ардухити багъадурти.

XIерикIулра ил хъубзаралис гъелавад ва пикриулхъулра: «XIера ил, ванзала жи аргъили, хъучи дуравхъунси хъубзара. Сен XIергъулира царилтани? Сен лехIли буутира? УммалатхIяжилара гъямалбири къалли, касили пенсияра, гумайла агуулничил хабуртира вяшдирнули, виаркайэс. Биишира?.. Юх, ил илкъяйда паргъатли уэс XIейрап. XIейрап, сенахIенну илини иргъули сай, се багъандан сунези ванза жибикIулил...»



Суратуни авторли касибти сари



Писатель тъниркахъули



Хамис МАЛЛАЕВА

ВИРАРУ ИЛ ХЪУМАРТЕС...

Гъялпабаркъ Ильяс Хъясановли дунъя уббатурхъели, баҳъал цархъилти лукъути, ил узули калунти газетабази, журналтази макъалаби кадирхъути адамтасван, набра дебали вайбизур, уркъилис Гъядаббухъун. Ил ну ручъахъули калунси учитель сайри.

Риштъаси рурси ририйхъейчивадал нуни ва дила неш-душешли валусири. Хъямшимала мижитла мякълабад вахли кабухъунси хъеркъла дублав ил нуни чуйнара дазала дехъибала дирули чеибсири. Гъур учитель ветаури, ну ручъуси школализив дакъуухъун. Баралра литератураличи, уруслана ва даргала мезаначи адамтачи, улкаличи диги лерли халаваибси, узуси, адамдешла, адаб-хъяля къиликъуначил дурусси, илини учъахъули калунси адамли итди дурсри хъумхъерту.

Осетияла Моздок шагъарлизирад ну Мяхъячъкалализи ракъира ва «Замана» газетала, «Гъалмагъдеш» журналли – писательтала Союзла хъянчизартази балгъя ахъира. Илдира лебилра дебали пашманири.

Нурулгъудачи арацъира. Цали-циала пашмандеш аргъили Гъергъи, илини иб «Арякъун Гъяхъиси адам, вайбаркъ севан бирузил хъебагъур-амъур шинни Гъинизлаван, къадри-къимат дакъахъибси. Амъур шинван манпагъятси, багаласи. Гъаннала заманала бижгурдешлизивад, гъясидешлизивад, вайсантунализивад верцесван, ванзалиу пяхъикиб».

Хъерая: ихдигъунти къадри-къиматла гъай гъарилра чевкерхурсиличила хъедуру.

Нуни илди гъай дебали мурхъли уркъилизи дуцира.

Рахъхъи пикририкъаси; дила арцути пикрумазив адамдеш, адаб, инсан-хъяя дурхъаси, черяхъидируси адамлицун калун.

Илкъядали черикъили дикъибтигъунти, инса рухъла умудеш сипатбирuti жагати хъяланани духъинадицъиби дугъбачил сипатвариб Ильяс илини.

Даргала халкъла цахъинабси баракатван, рухъла шалаван виригу ит». Се сартив сархибдешуни, ца биштъаси къадарлалра адамла адаб-хъяя нукъсан-дикахъили сархили диалли?

Илди нукъсанхъедикахъили мажахъят давлачеввиrud, мажахъят хъяким яра даҳъал арцла вегъ ветаруд.

Мажахъят гъанна ахъихъибад убяхъибируси хъеркъиван, гъялам илдигъунти рухъла дургъедешуначи гъаргъли кабухъи саби.

Творчестволизибра дегIунти анкIи-мухъила берхъибси бегIми, дизла тIашбатес багъанданра, илди дурхъадешуназибад се-биялра пяхIли бетахъес биар, сенкIун, ара-сагъли, гъавакад гъавличил арцахъес хIу хIелтари. Чили?

Иларра лерти сари «къя» дикIути къянби, «Вякъ-вякъ» – дикIути вякъля-къяби.

Пагъмула кIантI агарти, хIая булан къелдариби лукIантира биар, кадирхъяни, далдиринти, дуракайанти, хIятта тIинтIдиринти. Илдазибра бахъалбегI чус саби баити, «ну» ибсиличибзун тIашти, чучила гаплигIиб къяйцIи: дигIунти ва дитIунти давлумагIиб ахъти хIякимти къайдা.

Нуни назму белкIунсири:
ГIякъула кIантI агарти
«Нушара ахъти» или,
ДяхIла къябхIебикIахъес
AхIекIубси риасри.

Белкъунтала къушлизи
ГIяхIладли кариайчи,
Гушдиубти хурала
Шинтлизи кариасри.

Яра:
Дурхъаси къуръанничи
Саби ахъли балути,
Кепеклис ағылу булан
Барсбирути хIяжурти.

ХIулбази хIербикIули,
ХIулбира тIутIудариб,
Ганзлизиб цугбиркули
Дунъяра къакъабариб.



Поэтуни биаб яра писательсти, поэзия диганти абацIибхIели, дила шайзирад пешкешдарайгу или, жузи датуртири.

Нуни цалра жуз бицибси ахIен. Лерилра ГIяхIти адамтас пешкешдарира.

Ца ГIяхIцад замана дикили ГIергъи, наб баркалла бикIути адамти къаршибикиб. «Нушани хIела назмурти асира пулайзирад. Назмурти дебали ГIяхIдизур – бикIи илди.

– Арц диха рикIули, Хамисли сурс буцилину, асаягу или гъаладихъиб,
– бикIи илди.

Илцадра халаси убяхIдеш наб чилилра бариси ахIенри. Ну риргIяриргира, карушира. Дила адамдешличирад ахъти, нясти къячIуби чедидерхур. Арц багъандан се-дигара бируси биалли – буэс.

Се-дигара бирантас селилра изихIейгахъу. Се-дигара бирантси цархIилла децIличила пикрихIебикIар.

Илдигъунти адамтачи ряхIягес хIейгули, уркIилис ГIядабхIели, берцуди баргес ГIягIнихIели, Ильясличи арицIули риаслира. Сеңад гъараҳъли риаслира, ил адам чинав саял левнилира уркIи ряхIтдешлизиб бихIули бири.

Сунечи, сегъуна зугІяйчил, гъамси гъалмагъличиван, чи вакІаллира, вакІбсилличил ил, вахъхІи хІерли кайбисиван гъалавиули вири.

Се аги-хІяйзив виаллира, чараагарли виаллира, ил адамтас кумекван, шишимиштас дарманван, гъунивиули вири. Бурги дарманбиэси дев, сунечибад башусиван бири ряхІятдешла цІуэри. УркІи аргъни, адамдешла дурхъадеш, асилти баркъудлуми Аллагъли иличи хаскадарилри. Ил арякъун. Балу-балули пикрикабарили арякъуналра хІебалас, сенкІун илис дебали къияннири, ГІядаблири хІерицэс.

УбяхІти хІярамзадабани алавчарли бицІилри.

Сайгъунти ва сунечи хІял-тІабигІятлизиб мешути адамтани багъла-багълали дунъя бархъбалтулри.

«Ассаалам ГІялайкум» ибти дугъбалалра мягІни аргъес хІейгути, цаца-бехІти биалли, ил балра хІебалути, бахъбаалри. ГІямрула, поэзияла хъуми арцІи-къарли дакІилри.

Чус ГІяхІдеш хІебиралли, цархІил багъандан къяш ганзалра кахІейціту, адамдеш лертас Гелабад бугъути, инсайчила, чучила ахІи ГІяхІси дев бурес хІебалути, хІебирути, бяркъличи хІебикибити дубурлантачи хасти ГІяхІти къиликъуни ганздирути Піягъибани бицІилри, гъанна илдигъунти гъатІиралра имцІабикІули саби. Чили саби ахъбарес, ахъбуцахъес се-дигара бирцути шур-бикІанти, ласбикІанти, поэзияла чихъдешлизи абатурли саби. ЖибхІябулан дукаркІести абдал назмурта газетаби, журналти жургъдухъахъи сари. Ахъти хІякимтани, хІукуматла, халкъла ари чузитбани назмурти, хабурти, макъалаби, селра ибхІелира селра хІебучІнила вайберхурси ГІяламатра бургар ил.

ГІягІнидеш сецадла халаси биалра, хІякимличи ГІядатла адам ацІес ви-рули ахІен.

Ахъси хІякимлис алавчарти кабинетуназиб, жаняхІуназиб, ганзухъуначиб даткаибыти хуригъунти адамти леб.

АДАМТИ?

Илди дуцІли сабулхъан. ХІу къужварили увяхІушесра бираг. Илди «хала-хартала, хункартала» нукерти саби, чулара халати давлумала ва мас-мулкла масъулти жявлил арзибти, кам-гъамти масъултацил бакІиби биалли, чула лугъриван, рагІятуниван чебиули саби. Илдала масъала чилилра ирзули ахІн. ГъатІиралра, арц хІехили бакІили биалли. Чинабалра адам кайэс ута, скамейка агара. Дявлата, янтихъ вакІаллира, тНашиули сай.

Совет хІукуматла замана илди лерилра анцІбукунни ургІерли дири. ХІечи лехІра билзи, кумекра бири. ХІу я валтІули я мучлаагарли хІейради. Сецад дигара гъар жаняхІлизиз, кабинетуназир утни, скамейкаби дири, ГІягІнидеш лебли бакІибаси хасдарибти. Гъанна иш се анцІбукуя?

Нуша ГІядатла халкъ, дуцили кибти ясирирав, яра улка уббедибти вай-нукъяирав, яра ВатІайс урхІрав, ятанирав? Больница базиралра скамейкаби агара. Се бетаурси цІакъси, гъимили бицІибси балагъла бурям бакІили, убил-чеббарибсигъунагу улка?! Халасила хІурмат агара. Гъанна гъести ГІямрула адамти, хаслира чула бегІти бяркъличи бикахъес алавбакІили саби биштІати, хаслира чула дурхІни.

СЕ САБИ ПОЭЗИЯ?

Ил г҃ямру сипатдирнила г҃ямрула г҃илму белгидирнила, адамдешла дяхIимцIала сигли хIебугахънила, ил умубирнила, дяхI шаласи ихтилат, маслигIят лерни, мицIирли калес г҃ягIнили биънила далилтала дебали мурхъси, халаси ва дурхъаси урхъу саби. МягIнала мурхъдеш умцес хIейэси жуз саби. Мургыила. Ил бархъдешла чIалтIа саби, сабира бегIла ахъси ганзухъла хъарличиб биэс г҃ягIиниси.

ГЪАННА СЕ БЕТАРУЛИ?

Арц леру – дуракайэн жузи. Назмуртала тахтабази бегIла усалти, уряхIти дугъби делкIадлира – дуракай. Арц сарину икъаладиубти. ХIярамти арц. се дигара бедили сасибти. ГляхIти назмурти, гляхIти поэтуни гIелаб кавлули саби. Чилилра илдала масъала ахъбурцули ахIен. Дебали лайикъли ахIенси даражаличиб саби амъурси, бархъси поэзия. ХIякимтани поэзияла жузи хIедучIа. Нушала ахIенну, Пушкинна, Лермонтовла жузи булан някъбази кахIейсу. КъяйцIубас биалли арц дедлуга. Илди гапбирути кагъурти дедлуга, къалпти, хIярамти мугъурти кадяхъили.

ХIера, селичи бетикилил поэзия. Ил бетиркна бетиркули бара кали саби. кумекличи хIерли саби. илра заябиялли, илра агарбиялли, се кавлули адамтас? Ахъси, чебяхIси?

Арц арцличи вякъкабизурли, илдазиб бургусив чули поэзия? Яра кабушибтала, бяхъибтала хIиличиб?

ПяхIли буун анкъурбала ванадешю неш-дудешличил, хала бегIтачил уршби бургъули саби. Тура дяхъили, бирхъес бетулхъули саби. цацабехIтани бегIти кабуршули саби.

Ильяслис – гъарли-марси, шапагIятлара дубурландешла адаб-хIаялара нурли варгибси адамлис къияннири. Ильясгъунти адамтас гъатIиралра къиянни саби. ильясгъунти биалри байхъу хъяшилтра дунъяла адамти, алхIели бииши иш дунъя ирхIилиб.



Люзия



Аидимир КАЙМАРАЗОВ

ГІЯМРУЛА САГАСИ ТИМХЪ

АДАМТАЛА АВАРА

Барсур гІяхІдеш агарли
БурхІни сар ардашули,
Хапли, хабар агарли
Балагъ саб чебашули.

БуцІала законти сар
Гъар гІамзилар дузули,
«Ганжубала» цАкъличил
Гъарил суал ирзули.

УркІбала умудешла
ХІебургулра гъайбатдеш,
ИргъхІергъулра лихІбани
Бурул девла жагадеш.

Дулъули сар урглуми
Гъар бархІи адамтала,

ГІулакадиубли сар
Диги бусурмантала.

Ярагъла къукъу-лямцІла
ДуцІардикІули «дуцІрум»,
Жагъти къабулбирули
Иргъулра ванзала цУм.

Гъанагарти анцІкъи-децІ
ХІерли сар гъар бархІилис,
ЧехІебиулра ахир
ДугІли кертІути хИилис.

Балас, бирк хІебиркур наб
Ухъес шишитазивад,
Иш къацІдурц заманала
Вердес шинжиртазивад.

ЦУГИКАЛЛИ...

Цугикалли дяхІ датси
Шалаирус шалдаван,
Арц-мургъила ашрапи
Наб савгъатлис гибсиван.

Цугикалли уктемси
Аргъ бүмкъар ну-алавси,
Язихъбилзан ванзара
Илини ганзбируси.

Цугикалли рушбатчи
Къирми чедулхъан набчи,
Гъимила буцІардешли
Гужбиру биркІантачи.

Цугикалли наб хІяким...
Юх! Ил наб цуграхІеркур,
Нуван хъурали вашес
Илис имканхІебикІур.

Цугикалли наб унра
Тахли бекI ахъбарибси,
Мешубиркур сунна бекI
Дамличи дайм бацIси.

Цугикалли гъаради
Гъаргъли Гъяму дуркIуси,
Мешуиркур шайтIайчи
Агъули тубикIуси.

Цугикалли наб хъулки
СадемцIурти хIулбачил,
Мешуиркур бецIличи
Сунна лерил пишначил.

Цугикалли наб хъубзар
Умудешла нурличил,
Ухусиванилзан ил
Идбагла шалаличил.

Цугикалли имани
УркIи бицIиси гарчли,
Авдар михъирлизибад
Хияла урунж парчли.

Гъариллис гъарил бархIи
Цугиркаб адам ГъяхIси,
Ил чеибхIели уркIи
Абзур бархIи ухеси.

ГЯМРУ ГЯМРУ ДИРАРУ...

(Maxсарада мар)

Урчи урчи бирару,
Нартгъуна мурдаагар,
ЭмхIе эмхIе бирару,
Къакъла чедиб махагар?

ВацIа-вацIа бирару,
ВацIалалра бецIагар,
Гъабза, гъабза ирапу
ГъяхIдеш барес къасагар?

Вава вава бирару
Мирхъи кахIебируси,
Жагъил жагъил ирапу
Дигайла «дег» бируси?

Анкъи анкъи бирару
ГъяхIяйс ламхIебикIуси,
УркIи уркIи бирару
Батли тимхъхIебикIуси?

Хъунул хъунул рирарапу
Чирагълацаад нурагар,
Мурул мурул ирапу
УркIилизиб цIаагар?

Къуймур къуймур рирарапу
Къугънала дазуагар,
КIукIай кIушухъунхIели
КIунвацIахъес яхIагар?

Далай далай бирару,
Дардани хъумхIертахъул,
Даруливан дай уркIи
Шаддешли баргхIейахъул?

Гъяму Гъяму дирапа,
Гъаргъдешличил дуркIуты,
Гъяраван урухкIули
Дугили гъанкI хIейхъути?!

КЬАР...

Дила ургубала къар
Гъар дус сагадикIуты,
Муртрил ну цайкъяшмали
Чучивад дуцIикIуты.

Заб-маркали ицути
БерхIили цIухдирути,

Чучи геризурли ну
Мурили усалъути.

Агъ, дурхIядеш, шалати
Дай уркIила арцанти,
ГъятIи чархIедухъесли
Арцурли ардякъунти.

Илди кали лер набзир
ЧянкIли пикрумазирцуn,
Гъаман гъансадиркули
ГугиibхIели нуцун.

Ну жявлил варгилира
ХIурхъас марты хIяндешли,
ИтхIелла къар гъаннара
Лерал цаван шинишли.

КЪЯБА

Ласли сар уркIилизир
Азиr рангла пикруми,
Илдазир рурцIули сар
Адамтала зугIуми.

Лер шалати пикруми
Адаб умутачила,
Лер къутIкути пикруми
УркIи-хIял цIябтачила.

БегIла шаласи пикри
Саби Къябаличила,
Ну чинав виаслира
Набчи гъамсиличила.

Далгунти махъурби сар
Ил алав тIинтIдиубти,

Устни, хъубзури саби
Илдазиb хIербирути.

Къяба, наб дигахъира
Ласухъес хIела чевкад,
Сепайда, сунна вегIебш...
Гъунар агара илцад.

Муэрли чебиулри
Глинзурбачил чIакначил,
Мер-мерла адикъурти
БукIунала цIамачил.

Ахъти дубурти-ургаб
Дагъистайзib тIашлири.
Амма дила уркIилаб
ХIу бегIлара ахълири.

ЧИ САЮ ГЪУНАРЛА ВЕГI?

Цакъли гъясивиалра
Чевкерхес вирусира,
Унрас гъяхIдеш биалли
БерхIили вирцIусира.

Гъунарла вегI сай инсан
Сахаватдеш лерсира,
Мискиндеш ва излуми
Сабурли дялчIусира.

Бархъдеш дяхIлизи бурес
Паргъатли вирусира,
Бурес гъалаб гъарил дев
ВерхIина битIикIусира.

Гъунарла вегI сай инсан
Арцли кепхIейрусира,
ХIясратдешра къясдешра
Къяшмаур далтусира.

ГъяхIдешли варгибхIели
Аллагъ гъануршусира,
Чи баллагъли варгалра
Кумек хъярхъбирусира.

БегIцIакъси гъунарла сай
УркIи умуси инсан,
Умудешлизир сарну
Лерил излумас дарман?!

ҮРКІУХЪУНРА

Мезлукъ лев унрубазив
Мезлукъ лев гъар къатІлизив,
Камирули ахІен ил
Шилизив, шагъарлизив.

Мезлукъ лев ахълабтазив
Лев ил давлачебтазив,

Хелхъала къуйрукъван ил
СакІубли сай халкълизив.

УркІухъунра чеили
Ил нуни мижитлизив,
Илис алжана лебсив,
ВацІаллира балгназив.

ЧИ САЮ?!

ВявкайкІули вебІалра
Сунна тлама хІергъуси,
Вамсайчи къяйкикІалра
Лишайзи вархъхІелзуси.

Ахъри лебта мурталра
Сай вайулавируси,
Сунес хІяжатси секІал
Сархили bekІхІейруси.

КъутІкъути пикрумазив
Хумарли хІерируси,

Ламартли ва инфарктли
Сай имцІали ургуси.

Аммаки хасмушунас
БекІлил мукІурхІекІуси
– Чи саю?! ил чи саю,
Илцад балагълизивси?!

– ХІая лерси инсан сай
БархъдешлигІив умцІуси,
Ил баргес bekІхІейубли
Цябил хІяри кархуси.

ВЕЛКЪЕС ВИРУЛИ АХІЕН

ХІериэс биштІал юртра
ГушхІейэс къацІра шинра,
ВегІла уркІи иргъути
Марти гъалмагъунира.

Дард агарти бурхІнира
Умути пикрумира,
Саламра, гІяхІси девра
Баракатра, дигира...

ХІедаибтив адамлис
НигІматуни хІялалти,

ХъямхІейкІули, узули
Гіамрулизир сархути?

Чуйна шахли дигалра
Вава-къар сагадирар,
Чуйна бамкъахъаллира
Шарабла гІиниз умъар...

Адамлизиб илгъуна
Сабур агу ишбархІи,
Велкъес вирули ахІен
ХъямикІалра гъар бархІи.

Поэтическая генетика наизнад

Расул МЯХИЯММАДОВ,
историяла Гилмуртала
доктор, профессор

ХІЯМШИМАН РАСУЛЛИ ЦІАДАЛАН РАСУЛЛИЧИ БАРХЫБСИ КАГЪАР

Хіябал дус гъалаб Расулли наб сунела «ЧердикІбти» жуз бархъибсири, уркІиличи тамашала асар барибси белкІличил. Илизирти имцІатигъунти белкІаны наб тяништири – гъалар делчЧунтири, амма лерри хІеделчЧунтира. Илала белкІаназирад нуни дила юлдашлицила цацадехІ баянти дагъурра. Цаибити гунзри кайцІес веҳІихъибхІели, ил пашгъурси поэтла хъалибарглизив акІни чөлукъулы калири. Мар саби, Хіямзат Іладаса дебали пасихІси, камли къаршибиркути адамтазивад ца сайри. Дагъиста литературализив ил даимлис кавлан. Сегъунтила ташмишдеш агарли, илгъуна пагъумкар дудеш мякълав левни – къисматла халаси савгъат саби. ЛукІес веҳІирхъуси поэт биалли урухкІулри сунела дудешла дяҳІилиув калишагу итли. Амма иличи ла нушани багъурсири ЧіянкІли XX-ибил даршдусла бегІла гҔергъиси дуслизиб. Ил хІязлис урухкІусири, сенкІун назмурти чилалрайчил мешудецес хІейрап, илди Расулличицун хости сари.

Амма цацадехІ секІайзив Расул вархълири. Сен биалра, 40-50 ибти дусмазир илала цаибити назмурти дучІули ну пикриикІусири: хІера, ишди назмурти дила унрала ва юлдашла уршила, илди цархІил бетуцличил лукІули виаллира. Наб гъанбиркуливан, илдигъунти пикрумазивад ну гҔелумизурсири «Ну акІубси дус» поэма белчИи гҔергъи. Гъанбикес асубирап, се лебри илаб гҔядатли ахІенси или? жагъил адам пикриикІули сай деркІбти сунела гҔямруличила, цаибити дусмачила – илди дархдасунтири революциялис гҔергъити жамиғІятла гҔямрулизир кадиркути дарсдешуначил. Гражданской лирикала журнала тінгІели дебали тінгІисири. Поэтический биалли ил урехиласира сабри, сенкІун ил лебтанилра-декІарли иргъули ахІенри: дархъти амма лебтасалра ашқарти дугъби тикрардires, гъамадли чеввалкІес асубирнила урехи лебри. Амма ил Расулличи хасси ахІенри.

Сенрил ил ис имканбикІулри гъалаксаурдешличил гъар секІайчила пикриикІес, сунела пикруми тшишимти бучІантачи даахъес.

ЖавхІелла... Иличив вахххі тіашра хІелзасигу, эгер ца анцІбуку хІеби-алри: дурнути гъар секІал сунели сай вегІти сарлин сипатдирес ва иличирили илди лебтасалра делчІес иштхідүхъестили детараҳъес, уркІила хІялани цархІилтачира чедетиахъес илала пагъму. ХІера, поэт Расул Хіямзатовла ил хасдеш гъаннара лебал. Дила пикрили, илала назмуртазибра прозализибра цархІилтакайчил халаси декІардеш леб.

Наб гъанбиркур, баягъи чедиб бурибси поэмали ну илала поэзиялизи мурхъикахъира. Илдалара цархІилтазирад сари декІардулхъуси хасдеш бурги.



Суратлизиб: Расул Хіамзатов, Расул Махіяммадов ва Махіяммад - Расул Расулов

Поэмаличи пикри бяхічиаисири тах шагъарлизибра. Дағыстайзивра дақуухъири Гяхіси поэт – итхіели дебали халасили сабси нушала Ватла цархілти мераначиби поэтунас Гелахілхъуси. Илгъуна Гяхіси пикриличи къабулкабиркулри цархілтира.

Ва, хіера, хапли, 60 ибти дусмала бехіхъудлизиб баҳъал тамашабиахъубси анцібуқь – Расул Хіамзатовла «Ахъти зубарты» жуз дурабухъун. Литературализи мурхъикибси адамл исра бархли вирхаэс гъамадли ахіен, мужаллатличиб хіунтіена ваваличилси жузли адамти илцад тамашабиахънибачабархахъни. Ил жуз цабехілі цабехітала някъазибад сайсусири. Жузлицирти назмурти студентунала вечертачир дучутири. Наб Гяхіл гъанбиркур студент – филолог Мухы Гялиевли ДГУ-ла сценаличирад делчіунти илала назмурти ва вяхли дяхъиби хұттри.

... Тамашала анцібуқьри ил итхіели: назмуртала халаси ахіенси ил жуз туkenчибазибад дигіяна-Гяшли биркахъусири. Сегъуна-байлра къуллукъ лебли Москвализи аркъуси дағыистанланни, ил жявли гъунчибикахъес багъандан, бегілара Гяхіси савгъят саблин, ил жуз бикахъес хіяракатбирусири. Ил жузла ва илала авторла машгъурдешла итхіели дазуагарсири.

Нушала улқала историялизир, бурахіелли, дири замунти литература хіярхібухъунти, бикіутиван, ташкабизнила манзилти, илхіели хіятта урга даражала назмурти лукіутира бархли «чула манзилла цаibi поэтунили» бетаутири. Гъанбиркахъе XIX ибил даршусла 80 ибти дусмала Надсон, Апухтин ва ц. амма литература ахъбікіуси манзиллизиб илдигъунтили бетаэс дебали къиянсири: Пушкинна зиланти-ургаб нушани чебиулра дебали машгъурти ва пагъумчебти поэтуни Языков, Батюшков, Дельвиг, Гнедычгъунтацила гъайрахіейкіахіллира. Илдала пагъму лебтанилра марбирули саби, амма илдачила гъанбуршули саби «Пушкинна манзилла поэтуначилаван». Советская поэзия 60 ибти дусмазиб дебали ахъси даражаличиб сабри: авансценаличи дурабухъири дебали саркъиби жагыл поэтуни – Р. Рождественский, А Вознесенский, Е Евтушенко, Б. Ахматулина. Илдачила баҳъли иргъулри. Илдачи лехірхъес азиртадли адамти цалабиркулри. Заманалис

дехІкахъес чебуркъубти халатала наслула вакилти – поэтуни А. Ахматовала, Б. Пастернакла, В. Луговскийла, А. Тарковскийла уми сагадан зайдухъун. Зайдухъун поэтуни-фронтовикуни Б. Окуджавала, Б. Слуцкийла уми. Илдала лямцІлизив бархІи абулхъухІели зубариван билши Расулла пагъмура, эгер ил камси биалри.

ЦархІил ureхи лебри: дигули яра хІейгули, итхІели бегІлара машгъуртили сабтала лукІнила бетуцла асарлиу викесила. Чили бала итхІели, илгъуна «гъабкъябала хорлизиб» сунела тІама, сунела бетуц калахъес имканбакІибал? Чили бала... Амма Расулла итхІелил лебри сунела сай вегІси тІамара лукІнила бетуцра, итхІейчибад ил я гІур барсхІебиуб. БегІлара бекІлибиубси – ил тІама цархІилталайзибад декІарбулхъульри, иличила иргъулри, даршани азири нушала улкалантаницунра ахІи, миллионти дураулкалантанира. Дагъистайчил илала назмуртазибад сабри тянишибирути. Лертигу назмурти, лебилра миллатунала советский халкълис, нушала республикала такъсирчидешличилра, криминалличилра, телевидениелизирад чедиахъути каҳти хабуртачилра ахІи, жагали зайдикІуси поэзияличил машгъурбирути... Аллагылы чардараб нушачи илдигъунти назмурти.

Сеңад хІейгеси биалра, улка тІашкабизнила манзилличи шурбухъун. Поэтунира шипІбяргІиб. Амма се-дигара белкІи баткабирхъантан дакІубухъун. Даҳъал миллатунар республика гъалабяхІ башнила шай chir челукъти дакІудухъун – «даҳъал журабазиб қадешла масъала». Даҳъал журабала даҳъдеш шали-шайчи хъусбулхънила – декІаркабиркнила ureхи ахІекІахъесара? Чинаба культурала шайчирти къиматунала умцла-дазу? Гъядатуналара къатавдешлара декІардеш?! Ласдяхъили 2003 ибил дусличи хІердизахІелли, гъанбикесли саби даҳъалгъунти ишбархІилара даглара челукъути масъулти XX-ибил даршусла 60-70 ибити дусмазирал гъалахили ашкартири или. Амма итди дусмазиб хІербирутала уркІбази пикрилра бакІес хІебири 1991 ибил дусла баркъуди селичibili таманбирапал ва 2004 ибил дуслизиб се бехІбирхъурал. Амма итхІелла жавабла хІянчизарти сели сабрил паргъатагарбирахъулри: ГІилмулизир историяличила сагати пикруми дакІудухъун. Историк сайлин наб гъанбиркули саби, жявхІейчибад ГІячихъдеш биули ахІенри, «сагадешра» «Римла даршусличилара» ва ц. мешусири. Белики, асувирап, масъала чебетаахъили ва тІинтІли хІербаралри, гъар секІал ГІячихъдиэс ва ибкъдеш хІярхІбис асувири. Амма чинавад лявкъив нушачи илгъуна уруххІекІан гъабза?

Ва, хІера, хапли, центральный журналтала цализир, «Дила Дагъистан» жузла чумал бутІа дурадухъун. Илала журба-жанр баянбарес гъамадли ахІен. Ил проза саби, амма илала автор – поэт Расул ХІямзатов сай, ил биалли нушаб – лебтасалра бекІлил гъанагарси анцІбуку сабри. Илцадра мягІничерти, къадрилати, дугати, цацахІели биалли дебали ureхилатира анцІбукунуни, илцад жагали литературализир илцадра гъамадли иргънила, чедаахънила анцІбукуличила бурес гъамадли ахІенри. Нушала манзила адамтачи илцадра халаси ГІяхІла шайчиб асар барес дири, белики, Вольтерла ва илала гъуни даймбарибтала белкІанани. Тамашала, гъалаб ГІядатли хІебиубси белкІ бучІули, къяббердес вирули ахІен, мягІнализи кайгІули сай адам. БелЧи жуз

таманбиуб, къяпIбарира... амма пикрума паргъатдеш лугули ахIен. Илгъуна жузличила эс хIейрар: «ХIулба чехIебиулив – уркIилизибад гъабяхъя». Учи-ни къябкавдулра, амма мурхъти пикруми абзлизи кадилзули сари. пикруми ибхIели дебали тамашала ва мурхъти...

Бурес вирап умутличил ил саркъибси белкIлизир челукъути мурхъти ма-сульту жуз бучути дагъистанлантаницун ахIенну, цархIилтанира иргъульри. Жуз Москвализib дураънилира иличила бурули саби. Илала дурабадра – ил жуз халаси лугIиличил Советский Союзла лерилра республикабазиб дураъ-нилира. ХIебиалли, гъарил девлизиб биштIаси дубуртар улка чебиахъуси поэтла хабарли, халаси улкала миллатунала уркIурбази атIи, иларти назикти гими чераргъахъили сари.

Ца дила тянишли, сунечил барх бузути цацабехI адамтала дагърила сяйдеш-личила бурули, илдачил ибсири: «Яламализибад бехIихъили, Гудермеслизи бикайчи гъялимти». Се биру, децIагести дугъби сари амма – дархъти сари. Расул ХIямзатовли сунела лерилра гъямрулизир сунени хIекъли далутачилацун лукIули сай – илини Дагъистайчила ва адамтачилла лукIули сай. ХIебиалли, сен илцадра халаси иштихIличил ва гъираличил дучути илала жузи Укра-инализирра, Закавказьелизирра, Средняя Азиялизирра, Россияла бегIлара гъарахъти мер-мусаличирра, кIелра тах шагъарлизир къайды? АнцIбуку илала мягIнала мурхъдешлизиб, цархIилталайчил мешудеш агнилизиб биэс. Расул «Яламализивад Гудермеслизи бикайчи поэт сай» или бурес лезми вяжIе-бухъун: Дагъиста ва илала дубурти машгъурдарибси поэт арагIеб дунъялис машгъурли сай.

Расул итди дусмазив гъарахъли Дагъиста дурав вагъур: ил гъаман дурала пачалихъунази урхули сай. Се леба илизид? – иру гъаннала чедирти клас-сунала учIанни. – Арц диалли, илдачил чина-дигара укъес вирап, – дигалли хIяжлизи, дигалли вачар-чакарли, дигалли туристли! Амма гъести гъямула наслула вакилта бала: итди дусмазир политикала шайчири гъядатуни дебали къяркътири. Западличилти бархбасуни ибкътири, Востоклизиб паргъатли ахIенри, илала дурабад, мер-мерличир ибкъти аги-къайды – гъачам Чехослава-кияличил. Гъачам – Афганистайчил. Дурала пачалихъунази итхIели башутири яра къуллукъла бегIти, яра улкала хIурмат ахъбуцес биэсти адамтицун.

Расулли нушала улкала хIурмат ахъбурцниличила чилалра ташмишдеш хIедири. Ашкарливан, багълакайубли, ил дунъяла лерилра улкнази ваиб. Гъарил архIяличивад чарухъи гъергъи илини баҳъал адамтачил гъунибаъниби дурадуркIутири. Илини числалра анцIхIебулкъахъи. Гъандиркур наб ДГУ-ла студентуначил илдигъунти гъяхIщад гъунибаъниби. Илар сарри гъаргдиубти илала мурхъти, пасихIти пикруми. Масхурти. Илала ца гъатIира хасдеш – илала хIулба се-дигара чебии – илдигъунтачил я «Заманала» дикторла передачали-зирад, я Юрий Сенкевичири дурутазирад хIергъади. Чиналра дурахIевхъунси, ца ургавси дагъистанланнис селра хIедизести, амма дагъистанланти мурхъли пикрибухъахъести. Илизибад нушани балусири гъарахъти дурала улкназиб хIербирути дагъистанлантачилла. Илизибад бегI гъалаб иргъибсири Халилбек Мусаевличила, илала къисматличила, илини дарити суратуначила ва итхIели чула уми дурни урехиласили сабти баҳъал цархIилтачилла.

Сай вякъунти улкнала адамта Расулра гъаниркахъули бургар. Ибкъдеш камбиубси манзил, культурала шайчири бархбасуни кадизахъес Кашмирли-зи бурхъуси Дагъиста хасси делегациялизив гъачам нура къаршиикибсири.

Штатла правительства халавегІиллизи сели виркъули хъалли аргъахъес виубси ахІенри Дагъистан се улка сабил ва ил чинаб лебсил. Илини Дагъистан гъачам Афганистайчил бирхахъусири, гъачам – Средняя Азияличил. Нунира нушала поэтла у гъанбушира. Ахирра бамкъурси илала дяхІличиб пишахъни дакІубухъун: «О, Расул ХІямзатав!»... Гур нушала ихтилат гъамадли bemжур – нушакІун Индиялизивра машгъурси Расулла ватІайзирад сарри.

Ил анцІбукула черкад пикридулхъехІе. Ташмишдеш агарли, чиди-дигара улкализиб адамтала пикри цархІил улкаличила алкІули саби илала бегІлара машгъурти адамтала умачил – гІялимтала, политикунала, полководецунала, спортсментала умачил. Дигалра хІейгалра, илди адамти чула улкала кыбламали – лишанни бетарули саби. XIX ибил даршдуслихълизив, ташмишдеш агарли, Дагъистайзив илгъуна адамли вирусири имам Шамил. Наб гъанбиркули саби, XX ибил даршдуслизив илгъуна машгъурси адамли – улкала паҳрули ветаур Расул ХІямзатов. Гъайгъайра, ишар гъай илдигъунтасида ахІен – ну къалли историк сайра. Наб дигулра уббухъес хІейруси ца секІал баянбарес: Пергъити 20 дусла ухІнав, бусягъят хІербирути дагъистанлантазивад дунъяличив бегІлара машгъурси Расул ХІямзатов сай. Дила пикрили, дунъяла жамигІятла пикрумазиб – дагърилизиб Расул ХІямзатови нушала Дубуртар Улкала хІурмат асилдешличил бихІули сай. илгъуна машгъурдеш сархибси адам нушала ургав левни халаси гъарбиз саби. Ну дебали разилира илгъуна машгъурдеш – асилдеш XXI ибил даршдуслихълизибра даймбирничи.

Сен биалра, сунела хала бегІти урчила къакъличиван, мурталра чомодайчи мурдали, гІергъити 20 дус туриста дирусири викІни лутІи-хъулчилизибадал бархъли ахІебири. ГъанбиркахъехІе, 60-90 ибти дусми-ургаб халаси ахІенси къяббердличил, 30 дус Расул ХІямзатов мурталра СССР-ла Верховный Советла Президиумла членни кални. Поэт политикла роль бузахъесра гІяхІил бажардииркусири. Ил кымат бедес дила чебла ахІен. Илав вирухІелила илала цайли цаси гъанбик: «Ну дахъал дусмазив СССР-ла Верховный Советлизив вирусири, амма наб даймлис гъанбиқуназиб калун цайли ца заседание: «Кремльла кІялгІяла заллизи хапли гІярчатІа бухІнаахъиб ва илис лебилра хъятбикІи. Илини депутатунас ца секІал гъанбиркахъусигъунари – хІеб чесадаили сари, хІуша биалли иша диаркайили, гъай-мезлизи адархилрая. «Законти пикридирантала ва илди лукІантала бузерилиси сунела сай вегІси хІер ахІену? Амма мекелли поэтичи лайикъси. ЦархІилтани бурули саби. Верховный Советлизив узули, Расулии хІяракатбирусири Дагъистайс ва илала адамтас кумекбарес или. Ил кымат вайси-декІар ахІен. Дунъяличиб бегІлара халаси даражали сабси улкала Верховный – бегІлара бекІлибиуси организи мурталра виркІиликІун селичилла биалра бурули саби. Амма ил замана Расул ХІямзатов Дагъиста писательтала Союзла председательра сайри.

Амма хъарти дарес чараагартия лертири. Лерти сари уркІилис дигули дирутира. Чинав севан виаллира, Расул назмурти хІелукІули кавлуси ахІенри. ГІяхІти назмурти лукІилира, гІяхІси гъайла устара виъни баиси ахІен – вегІли лукІути вегІла уркІилизирад диэс чараагарси саби. илгъуна ихтияр Расуллис илала кІелра халати узбани – МяхІяммадли ва Ахилчини дедиб, сабира дергъла майдайчибад чархІебухъунти, илар жан къурбандашибти.

Илдачила, қахти дургъбала майдайчибад чархIебухъунтачила, саби «Цуба къургъачила» белкIунси илала назму. Ил назмулизир нушани ХIямзатовхъала хъалибарглацун ахIи, чула гIязизти дергъла майдайчибад чархIебухъунти баҳъла дард-деңгI гъанарули-чедиули саби.

Музыкала дунъяличир сецад дарсдешуни лера, гъар бархIи – се-биалра сагаси: сецад сагати назмурти лера дакIудухъи? Адамтала дагърилизир дахъ-ал-декIар калив илдазирад? ИшбархIи калунтазирад дахъал декIар дучIулив? Бурес гъамадли ахIен – чили гъандиркахъу илди? «Цуба къургъачила» биалли назму хъумуртули ахIен – я Дагъистайзив, я Россиялизив, я гъаларла Россияла – гъанна хъархIерагарти республикабазиб. Ил назмула қадри бархIиличи бархIи имцIабикIули саби, ил назму дунъяла лерилра мезаначи шурбатурли бучIули саби, дунъяла гимнли бетаурсиван. Ил нуша лерилра уржахъуси – дахдалсаҳъуси гъимирили бетаурли саби. лебтасалра...

ДакIиб сагати замунти ва дахъал секIал дарскадиуб. Илала перола узби биалли, дархъдатурли чула мер-мусара сабира, имцIали ряхIятти, пайдалати мераначиб багъарбиуб. Илдани чула ватIайзи гъуни хъумкартурли саби или гъанбикесли саби. чи-биалра раххи дакIуухъалли, туристван сай вашуси яра дурала улкалан гIяхIялван сай дакIуулхъуси. Нушала Расуллисра дигахъули вири, сай вегIси улка паргъатхIели, дурала улкнази вашес. Амма нушала улкализиб гъузгъалдидеш дакIубухъунна, ил гъачамалра дурала улкнази хIякъун.

Республикала духIинар бижгурдешла анцIбукуни дяхIяэрса чебуркъуб – заманалис Дагъиста цадеш кавлнила – хIелнила урехи бархли акIуб. Нуша Россияла Федерациялизи кадурхнила масъултира ахъдурцутири, – Россиялизирад дурадухъес асубирнила анцIбукура хIербируси. Чис гъанхIебиркули «миллатунала фронтанала», духъяндитIунти митингнунала жур-журала цархIилти далдуунунала манзил? Бархъли бурасли, итхIели жур-журала кукуназибад чидиллис-дигара дигахъи президиумлизив бегIлара машгъурси дагъистанлан виубли – чула хIурмат калахъес багъанданра.

Расул ца шайчивикиб – сай халкъличил варх кални къулайли чебаиб. «Гъанмабикаб – ишбархIи ну ахъли вявикIули хIейасли, ну лехIкахъильра или», – ибсири илини итхIели – 1992 ибил дуслизиб. Иличила хIебурес-декIар вирапу? ХIердизирайа итди дусмазир илини делкIунтачи, дурибтачи, ихтилатуначи. Нуни ишаб бурира чIянкIли набчира итичиван челеукъули калунтачила. Росуллис мурталра цабалгундеш дигахъули сай. Расул мурталра Дагъиста цадеш багъандан сай. Сегъунти-дигара шуртIразив. Цашаликартачил цадиэс или вявикIули тIама-гъамали биркъутазибад берцуди агархIели, – МяхIяч-къалализирцуна ахIи, Москвализирра халати гъабзадеш хIяжатлири, лебтанилра аргъесли, ахъли тIамадарес: «Нуша Россияличил дарх сарра!» или. Илди дацIти гъай ахIенри – илини баркъудиличил мардирусири. Лебтасалра ашкарливан, Совет хIукуматла дусмазир РСФСР-ла лерилра областуназир ва республикабазир писательтала Союзла отделениеби дирутири. Гъанна биалли илди ҷаҷумал мерличир сари калунти – илдала лугIилизив– Дагъистайзира. Пагъумучебти писательтала организация кални – сунела наслуличирад наслуличи гIердаштути гIяхIти гIядатуначил, ил Расул ХIямзатовла гIяхIдеш саби.

Ил марбирули саби илала марты юлдашунанира, ва илала къаршикартанира бархли. Ишаб гъанбиркахъис жяв зманала бурала: «Цябдешлизив шалаличи хъуликIули, камсилра шала бакIахъес шям абалкни къулайли саби, ахъли чIярикIули цябдешличи лягIнатуни чедуршесичиб».

ХIурматла Расул! Ласвяхъили ГелавяxI хIеризи: 80 дус хIуни гIядада де-ркIили ахIенри. ХIуни чумал гIяхIти жуз дураири – илди делчIи сари миллионти адамтани. Нушала улкализибра, дурала улкназибра, дунъяличибра хIуни машгъурдарри хIу акIубти мер-муса. ХIуни хIу-алав калахъунри деркIиби дусмазиб дебшлибиубти, заманаля хIялумцIлабазиб марли калунти хIела гъалмагъуни. Ил камси-декIар ахIен. Адамлис илра баиси саби, гъунар лебалли, чеббикIибси гъуникад гъалавяxI вашес, вегIла пагъму адамтачил буртIес. Арадешра чедибешра – хIед, узи Расул! ХIела юлдашунани биалли мурталра хIу гIевурцури!

Расул ХIямзатовла гIямрула декIар-декIарти манзилтачила, биографияли-зирадти гъанбикуначила, юлдашунани, гIялимтани, писательсти-поэтунани иличила дуратачила, илдачирад дашути кагъуртачила буруси «Шила ва Ду-нъяла поэзия» жузлизибад. Расул ХIямзатов 80 дус вирниличил бархбасахъи Расул МяхIяммадовли бархъибси кагъар.

*Шурбатурси:
Нурулгъуда РАЖАБОВА*



Открытки



Патимат
МАЛЛАЕВА

ГЪУНАРЛА АДАМ

Гъар манзилла сунела игитуни бируги саби. Октябрьла революцияра гъарли-марти гъяхъабза адамти дакъубухъа хъунси анибукъ буили саби. Ил чилипра убъяхъес вирхъейрап. Илдигъунти баъхъал чумати адамти дурабухъи саби Мухъела шилизибадра – ревоюционерти, граждан дургъбала бутъакъянчиби, сагати гъямру баъандан бургъанти.

Илдала лугъилизовав цаличила – Айгубов Гъялисултъанничила саби иши хабарра, сабира сунела рурси Рукъиятли мяхъкамли дихъули лерти белъланни ва документуни хъясибли цалабяхъибси.

... 1916 ибил дус. Бара веңину урегра дус виубси Гъялисултъан цархъилти зилантачил варх Грозднылизи узес арякъун. Паровозунала деполизиб хъянчи баргиб.

Урус уршбачил тянишиуб. Илдала биалли большевикуначил бархбас лебли убухъун...

Большевикунала баркъуди дигъян-дигъянни тъинтъикъулри. Ил гъеббуциб-ти гъар мерлаб имцъабикъулри. Илдигъунти лебри деполизибра. Илдазивад ца сайри гъараҳъеси дубурла шилизовадси Гъялисултъанра.

Цагъачам начала жандармуна станция алабуциб. «Ишаб большевикуни гъеббурцути лебли саби» или ца-цали жагъил адамти бурцесбяхъиб. Илдачил варх Гъялисултъанра.

Жандармунани дахъал авара дариб бархъяби бурахъес, дигалли урухварес балбизур, дигалли лявирес, амма чумаси дубурлан уршини цалалра у хъебуриб.

Гъялисултъан туснакъварнила хабар шилизи баиб. Халал узи Мяхъяммадра Гъурра чумал тухумра Грозднылизи сабаиб, дихъалис даршал къуруш дедили, суд барайчи Гъялисултъан ватаахъиб.

Суд сахъебаили лебалри. 1917 ибил дусла октябрьла 25-личиб Петроградлизиб революция бехъибхиб ва Гъярасайла мер-мусаличи къалабали тъинтъикъесбяхъиб.

Мухъела шилизибадти ялчни хъули чарбухъун. Илдани аргъиб, революцияла баркъуди гъеббуцес хъяжатли биъни. Чус бикибси арцлис ярагъ асиб, большевикуни гъеббуцили дергълизи дурабухъун...

Гъялисултъанни бекъидеш дируси партизантала отрядлихи хъарбариб Уйтшлара Манаслара ургабси мегъла гъуниличи хъеруди баражъес. Бакулизибад лябкъуси Бичераховла Гъаскар или сабаибъи ташаахъес ва Гур гъуни даймхъебаражъес Гъягъилири.

Мегъла гъуни заябарибси мерличи сабаили, бронепоезд ташбизур. Ил мерличиб дяв бемжур, щубабачил бургъули калун. Амма цархил шайчибад шагъарлизи бухнаберхес бажардикили, белогвардейцыбани Порт-Петровск буцили уббухъун.

1918 ибил дус Дагъистайс дебали паргъатагарси бетаур. Гъар шайчибад революцияла къаршикарти чебашулри. Дагъиста бухнабра большевикунала баркъуди гебхебурцути камли ахенри. Дебали сахъли виэс, мяхкамли, пикриличил вяшикес Гягнилири.

Урхъучимахъила мякълабси диркъаличиб Багъатирла Гялибегли Даргала округла партизанти бучиб, се барес Гягнилил гъайухъун, гьариллис хъарбарь бедиб. Гялисултанничи ярагъ талабдаражъес хъарбариб. Ил хъарбарь таманбарес багъандан Харьковлизи ваиб. Илав Гялисултан къаршиикиб мухен Къарагишила Гяличил. Илала кумекличил даргиби ярагъ хиб ва Гялибеглизи дедиб. Ярагъ гурра талабдарес имкан лебниличила буриб.

Гялибегла хъарбарь хясибли Гялисултан сагали архяличи дураухъун. Иличил варх сунела узикъар Гябдусаламра леври. Илди Ростовлизи баиб. Гур гъуни аги. Ростовлара Харьковлара ургаб дергъ бемжурлири. Ростовлизи хурабиэ чебуркъиб. Илаб чулагъунти пикрумала бегити баргиб. Илдала кумекличил ярагъ талабдарили, гелабях чарбиуб.

Мухела шилизиб 150-цад хунтена партизан лебри. Шилизи гъаман революционерти башулри, дарести пикридирулри. Большевикунала шайчи кабизурти уркичеббибулри. Ахъушабад хунтена партизантира или жибирулри.

Ца бархил бархехъ Шеболдаев ва Гавриленко бакиб. Чебях Жунгутайлизиби вершабани Мягяч Даходаев душмантас увведенличила багъурли, илди дебали къакъабакири. Ахъушала ва Мухела партизанти цалабяхъили, вершаби буцахъес Чебях Чунгужайлизи арбукиб. Амма генерал Халиловли ил шилизи къазакъунала отряд кабатурли уббухъун. Илдачил дяв бемжур. Бахъал къазакъуни кабушиб. Гелаб калунти, генерал Халиловра вархли, гъаббухъун. Темирхан-Шурализиб Халиловли сагали халаси отряд бучиб ва партизантачи къаршили гъайбариб. Гъелила, Дургелила, Къадарла мер-мусаличир кадикиби дявтазиб партизантас гела битакес чебуркъиб. Щубабани илди шими цали дигуб, адамтала лебдеш хъямбариб.

Къадарла дубурличиб ца ишгъуна анцбуку бетаур: дурламабазибад херьибхели Шеболдаевли чебаиб душмантани пулемет мерлабарибси муз алавбуцили. Илини Гялисултан живариб ва музаличиби Гавриленкора авал партизанра къалабали берцахъес хяжатли саби или буриб.

Гялисултанни хъархъли урчи гъайбариб, къядлизи ветаиб. Урчи шурлизи бигъи, къаркъубар бяхлизивад лаг чевяххуун ва сунес гелабад юлдашунира убяххуун, отрядлизи чариуб. Душмантала цакъ имцибиубхели, партизанти Лаваша бакиб, гур биалли Лавашалара Ахъушалара ургарти дубуртази мерлабиуб. Илад Гялисултан разведкаличи вархъиб. Лавашала шила хъариси диркъличи каихели къазакъуни чебаиб. Илдана ил хясибвариб ва гергъиубухъун. Мицирили уцес къасбарили ва чула някъбази сеналра виркур или гъанбикили, къазакъунани гъала-гъала тупанг игъхейгъуб. Гур биалли Гялисултан челис-че гъарахъиркухели, къайкбикес бехбихъиб. Чехлегили верциб.

Гялисултан сунезив левси Шеболдаевла партизантала отрядли Гусман Гусмановла ва Рабадан Нуровла хъарбарь касиб: къазакъуна Дешлахярла, Лавашала, Ахъушала мер-муса дуцес къасбарилину, къалабали Гяякъакъализи учидикирая или.

Глякъакъализеб цакъси дергъ кабикиб. Бахъал къазакъуни кабушиб ва ясирли буциб. Душмантас гелабадбикили, Ахъушала, Мухъела, Лавашала, Микъила партизанти Мажалис ва Хайдакъла мер-муса азаддатахъес арбякъун. Илад бикили Дербентлизи бетаиб. Къазакъунани буцибси Дербент батахъес цархъилтачил барх бургъули калун.

Ил шагъар азадбатурхъели партизантала отрядлизи ца жагъил адам вакъиб – кегъебти чарх-бекъла, къугъати дяхъ-сипатла вегъ.

– Наб Султан - Сягъид Казбеков бикъар, – иб илини. – Ну Дагъиста ва Северный Кавказла Оборонала Советла председатель сайра. Хушала гъабзадешлис баркалла багъахъес вакъисира. Революцияла баркъуди чедибиркур! Нуша гъар мерлар мискин халкъли гъердурцулра! Уркъичерли дирия! Даҳъхъиагарли гъар секъал гъунчидиркур.

Казбековлис Лаваша вакъес хъяжатлири. Иличил барх бархыиб Глялисултан Айгубовра гъурра чумал партизанра.

Лавашаб илдас Даргала округла штаблизиб разили гъунибаиб, баҳъхи ихтилатибкъули калун, челябъкализир дарести пикридариб.

Казбеков илав калун. Глялисултан сунела бархъябачил Дербентлизи чариуб. Сецац децъагибал илис, къинайс Лавашабси штабличи турканала Казимбейла къачагъуни чебухъи, тутубарниличила ва жагъил революционер Султан-Сягъид Казбеков кавшни багъурхъели!

Дербент азадбатахъурхъели, партизанти чарбиубли Мажалислизи бакъиб. Илав Глялисултан Хъядид Талхъятличил къаршиикиб. Глялисултанни гъаман гъандурши итхъели Хъядид Талхъятли дурибти гъай: «Халкъла талихъ багъандан хъи картъиби се заманарапа хъумхъерту!»

... Граждан дургъби тамандиуб. Адамти шими-шагъурти сагадирес, Совет хъукуматла, мискин халкъла хъукуматла далдуцуни детурхахъес бехъихъиб. Мухъела партизантира шилизи чарбухъун. Айгубов Глялисултан шила Советла председатель вариб. Шилизир сагати Гъямрула тяхъяр-къяйда кадизахъес гъирали хъянчилизи ахъиб. Районнизиб бегъ гъалаб Мухъела шилизиб колхоз кабизахъур. Колхозла цаибси лебдеш – Глялисултан Айгубовла авал хъяйван ва ца урчи сарри. Шилизиб цаибси партячейка акъахъуб, илала секретарьли Глялисултан декъарвариб.

Дахъал хъянчи дарип илини Чебяхъси Ватъа дургъбала дусмазир. Ватъан багъандан бургъес арбякъунти хъябал уршилизивад цалра хъули чархъевхъун. Урши Гъиса Айгубов даҳъал дусмазив «Дагестанская правда» газетала редакторла заместительни узули калун. Гъямрулизиб жявли арбякъун Гисара илала Гъямрула гъалмагъ, жузала издательствола цаибил редактор Хису Насруллаева.

Бусягъят Мухъела шилизиб хъербирули леб Глялисултан Айгубовала урши Гляли ва рурси Рукъият, илдала дурхъни ва дурхънала дурхъни.

Айгубовхъала наслабла лебилра адамти бетаур духудешла, кагибдешла, яхъ-намусла шайчиб баркаллалии лайикъти, халкъла ургаб балгунти, бузериллизиб, белчъудилизиб гъала дурабикиби. Илди-ургаб леб дигалли Гилмула Глялимти, дигалли бузерила гъабкъяби, дигалли спортсменти.

... Даршал дусличи гъамбикъули саби Октябрьла революцияла тарих. Сецац замана арбукъяллира, гъабзадеш, чумадеш, яхъчебдеш ва адамтачи диги къиматагардиэс хъедирап. Илди наслубачирад наслубачи дашули, ургъанна хъябличибси, дайм ухуси цаван, халкъла уркъиби шаладириули кавлан.

Октябрьла революцияли дебшлабариси хъебиалри, мажахъят бииши нушала улкали Гитлерличибад чедибдеш сархес. Ватъа Чедибдешла бехъихъуд, аслу-мина чинарад ва чили дехъидихъибирил хъумартес асуҳъебирап.

УРШБАГИВ УМЦИ ДУДЕШ...

Белоруссияла Васильевичи бикIуси шагъарла мякъларти узидешла хIябрази кабихъиби советский бургъантала ургав левли сай Ахъушала районна МухIела шилизивадси Гиса Глябдусаламовра.

Школала бучIантани, ахтардибикIули, багъурли саби илди хIябразиби 454 бургъанна ургаб СССР-ла 14 миллатла вакилти лебни.

-- Гисала дудеш Глябдусалам ГяхIгъабза адам сайри, шилизив ва районнизб халаси хIурмат лебси, дахъал хIянчи дарибси, къянти Гямру деркIибси, – бурули сари МухIела лицейла директорла заместитель ПатIимат Глябдуллаевани. Ил граждан дургъбала замана хIунтIена партизантала отрядла командир сайри. Шантани ил викIиб гъала-гъала ревкомла председательли, Гур МухIела шила Советла исполкомла председательли. 1933 ибил дуслизив МухIела Кировла уличилси колхоз акIахъубхIели, Глябдусалам правлениела председатель варисири.

Сунела Гямрула къисмат цалабяхъибси Хамисличил Глябдусаламли шел урши ва кIел рурси абикур. Къурбан, БяхIямма, Гиса, Камил, ХIямид, ПатIимат ва Хадижат.

Берхъибси хъалибаргличи азири, миллионти цархIилтаци къядали, чебакIиб 1941 ибил дусла дявтала балагъ.

ВатIан багъандан ургъес ил хъалибарглизивад бегI гъалав арякъун халалгъуна урши Къурбан. Клинайс – БяхIямма. ХIябал базла Гергъи БяхIяммачибад кагъар бакIиб: вяхъили, Калинин шагъарла госпитальлизив левра или. Ил бархIил Глябдусалам гъучи дураухъун. Москвализи ветаиб. Илаб бакиб къудкъуси хабар: Калинин шагъар немецуна буцили саби!

– Чина арбухиб вара госпиталь? – суалахъун Глябдусалам.

– Горький шагъарлизи арбухили саби, – аргъахъиб илизи.

Глябдусалам арякъун Горькийлизи. Амма илабси госпитальлизив урши варгхIергиб.

УмцIули, хъар-хъарикIули, ахирра урши левси мерличи вархъизур – Арзамас шагъарла госпитальлизи.

ВагъхIегъур дудешли урши: ил левилра бинтанази вергурлири, Чукъавиублири, дяхIла ранг аги.

– Дяхъурби декIти сари, амма сунела чIумадеш ва жагъдеш чедидиркнилици дирхехIе, – иб тухтури.

Глябдусалам пикриухъун, хъулив, бегIтала, узи-уршила мякълав жявли сагъкайэсгу или, ва урши хъули вархъахъес тиладибариб. Тухтути къабул-хIебикиб. Дявила частьлизивад ихтияр сасили Гергъи, дудешлис дигуси барии.

Кили МяхIячъала шагъарла госпитальлизи каркыиб. КIел базцадхIи илала мякълабад неш-дудешра узи-уршира гъараҳыхIебикиб, тухтуртанира чула ахърибикIуси барии. Сепайда, жагъил лейтенант БяхIямма Глябдусаламов верцахъес хIебиуб...

Ил децI рурцIули лебалли ВатIан багъандан ургъес арякъун хIябъэсил урши Гиса, индустримальный техникумла студент.

Гиса гъала-гъала курсаначив учIули калун, Гур дявила санигIятра лейтенантла даражара касили, дявлизи арякъун. Ил замана Къурбайчибад кагъар бакIиб «Душман цЛакъли сай, хIяягарли сай, амма нуша чедидешличи

дирхулра ва гъар барх^Ии зулмукартас чейгахъулра». 1942 ибил дусла февраль баз сабри.

1943 ибил дусла ноябрь базлизиб биалли Глябдусаламла хъалибарглизи къудкъуси кагъар бак^Ииб: «Хушала урши капитан Курбан Глябдусаламов Ват^Иан багъанданси давлизив Гях^Игъабзала беб^Иали алхун».

Глябдусаламли къасбариб урши хъяриихъубти мер-мусаличи укъес. Ветаиб Белоруссияла Витебск шагъарлизи. Ил кахиуб, чедаили давтани хибити харабдеш: Цали дигубти шими-махъурби, подвалтазибад дурабулхъути буресагарли чукъабиубти адамти. Имц^Иаливан бухънаби, хъунул адамти ва бишт^Иати. Немецуни илди мераначибад гъабяхъилри ва Гямру бара сагадирес дех^Идихъилри.

Цали бигубси ца шила дублар лерри советский бургъантала узидешла хъябри. Илди-ургаб – Курбанов Глябдусаламовлара. Чебаиб белк^И: «Капитан К. Абдусаламов. (1920-1943)». Глябдусалам уршила хъябла гъалав вахъ^Ии къукъубачикили калун... Сегъунти пикрумани биц^Иилрил ил манзиллизиб дудешла урк^Ии ца Аллагълишун бала.

Дак^Ииб Гурра кагъурти Ват^Иа давтазиб алхун или Советский Союзла Игитла уличи лайикъикибси Хамисла узи Сумен Курбановла ва Глябдусаламла узи Муртаз^Ияли...

Гисала кагъар баҳъ^Ии хъякули, къакъабак^Ииб неш-дудеш. Багъур, вяхъили, госпитальлизив кали гъергъи, сагъиубли, сагали фронтлизи арякви виъниличила.

Гъар мерла дугъайлзули, лук^Иули, даҳъал авара дариб Глябдусаламли, амма чинабадалра мяг^Иничеси жаваб ках^Иесиб. Къел-хъерзи агарли бетахъибата луг^Иилизивадси Гиса, белики, миц^Иирли лев виэс ва мурт-биалра хъули чарухъесгу или хъулбик^Иули неш-дудешра, узи-рузира, лебилра шантира дусмадли хъербик^Иулри.

Х^Иера, 1970 ибил дуслизиб Белоруссияла Васильевичи шагъарла ца шолализивад кагъар бак^Ииб. Илизи школала буччантани Мух^Иела шилизивадси ургъан лейтенант Гиса Глябдусаламовла хъяб баргили саби или белк^Иири.

Сагадан гердухъун неш-дудешла хъулбазирад къут^Икути нургъби.

Миц^Иирли левниличи хъул бердиг биалра, бетаурси якынбънили, хъяриихъубси мер багънили урк^Ии маслиг^Ияткабариб. Илх^Иейс Глябдусалам ухънаваилри ва гъараҳъси Белоруссиялизи к^Иинайсра укъес ахъри аги. К^Иелра бишт^Иати урши, давтази буқъес дусмачи ахъебаили калунти, – Камил ва Х^Иядид узила хъябличи буқъес балкъаур, рузбани илди гъуниббатур...

Х^Иядид Глябдусаламовли, историяла Гилмуртала кандидатли, ва ДР-ла школабала урибси учитель Мях^Ияммад Бях^Ииммаевли Мух^Иела шилизив давила асидешла музей ак^Иахъуб. Ила дучиб мух^Иентала гъабзадешличила, Ват^Иайс мардешличила бурути даҳъал документуни. Ил музей мерлабиубси лицей Ахъушала районнозиб гъарли-марси Гибратли бетаурили саби гъунарла, ч^Иумадешла, гъабзадешла хъурматбарес балнила шайчиб. Ила баҳъал Гях^Или башар, дигалли районна шимазибад, дигалли Республикала шагъуртазибад. Чебиули ва иргъули саби, секъядыа душмайзибад берцаҳъибсил нушала улка, сецаид жагъил адамтани, 20-25 дусла дурх^Иани Гязиз жан дедибал Ват^Иан батаҳъес багъандан.



Нушала аслу-тина

Мяхіммад
Къаратов

ДУБУРТАЗИБ ЖЯВХИЕЛЛА ШАГЬАР

Нушала журналла марси гъалмагъ Мяхіммад Къаратовли лебгелб тамашала секіл редакциялизи дурабикахъиб. Ил дуңірумла заманна дубурла сагназир дихіту чула миңирагличи хлеруди барес музабухъунхели, илала узбани баргиси жявхелла шагъарличила касибси халали ахіенси видеоролик сабри.

Гъанна нуша дахъал секілайчи цархілван хлердікес, гъалар хясибхедарили уркавлахъути секіл хясибдірес бурсидиубира. Нушала хала бегітала Гямруличила ва тарихличила буруті дахъал секіл хясибдірути детаулира.

Мяхіммадла узбани баргиси жявхелла шагъар Ахушала районнлизиб мерла-биубли саби. Ил дебали гіянціси мерличиб саби. Ила машиналичив укъес вирули ахіен. Ил Балхъарла ва Уллучараала шимачибад гъараҳъли декіл ахіен.

Дубуртазиб илгъұна гіяламатла мер лебли бильниличила бүкіннанни ва хенкүлабани гъалабра балули буили саби, амма ил се шагъар сабил, чили белшунсил ва сен бархъбатурсил балуси гъачамлис левли ахіен.

Иларти хъулри делшниличи тамашаһійес хіейрап, сенкіун илди дагыистанланта-ни лушулы калунтачи бекіліл мешту ахіен. Юртани дебали халати къаркъубазирад сари дариби. Илар ванзала удирадти туннельтира лер. Илди мер-мерличир гъятідиу-бли сари. Бурхліс өдіхъиби дұхъбира къарқыализирад дариби сари. Өдіхъибирира къарқала халати генбі сари. Иларти юртаназиб уртойзібад бариси селра агара. Цализивад қализи ветиціту хъулрира лер. Халати къаркъубазирад лергіер жагали делшунти арсаварти гъаннара гъятіхедиубли лерал.

Ца юртла бухінаб илавси «пачала» таҳра нушачи баили саби. Шин дихіту меранира хясибдарес вирули сай. Миңираг хлердіресцен илдигъунти мер-муса дарниличи вирхәэс хіейрап, сенкіун илдала зурбадешли тамашаирахъули сай.

Дубурла берхіндял ахіенси хіеркіра леб. Алавчарли ваңға яра къадуби агара. Адамлис хіериэс биалли пергер мер-муса сари. Шагъарла мякълар хіябрира агара. Гъараҳъли ахі къаркъа адилтіули калунси мерра леб. Ила бякъунта къаркъубачир сегұнтилра белкінира хіясибдарес биубли ахінери, илаб къаршибикиби адамта датурти чула уми халхіедаралли. Чихъали сабрил илаб хіербірули калунти халкъра белгили ахіен. Бахъал адамти хіербірули биэс гіягінити саби илаб, илдигъунти зурбати юртани ташдатес бағындан. Илдазирти устадешлира пикри битінкіули саби.

Нушала журналла мужаллатуназирти суратуни ил видеороликлизирад касибти сари.

Гъайгъай, ила археологунас архія дураберкіес ва ил «шагъарла» кысмат белги-барес чебиркур. Дуңірум илгъұна балбұғ дураберкіли бирап. Итхіели нушани жур-наллизиб ил тамашала шагъар-къалаличила тіншіліван балахъеңі.





ISSN 0235 - 0149

Индекс годовой 31176
Индекс полугодовой 73892

Гъалмагъдеш



Дубуртазиб баргибси жявхIела къала